

IMPOSTURÆ
LIBELLI ANONYMI

CUI TITULUS:

Accusatio & Querela Populi Belgici &c.

PER

JOANNEM OPSTRAET

ET EOS

QUI ACCUSANTUR
REFUTATÆ,

ET

Doctrina Accusatoris Denuntiata.



LEODII

Ex Typographia HENRICI HOYOUN Anno 1698.
Cum Approbatione.

35.3.1.9

THE
SOCIETY OF
THE
SACRAMENT

OF THE
SACRAMENT
OF THE
SACRAMENT



THE
SOCIETY OF
THE
SACRAMENT

IMPOSTURÆ

LIBELLI ANONYMI &c.

§. I.

Detegitur impostura latens in titulo: *Accusatio & Querela Populi Belgici de quibusdam suis Pastoribus & iis, à quibus tales instructi fuerunt &c.*

AB ipso titulo imposturas suas orditur Accusator anonymus. Opus suum, *Accusationem & Querelam Populi Belgici*, inscribit: & nihil minus est, quam *Accusatio & Querela Populi Belgici*. Sed mysterium hoc Orbi exponendum est.

Jam anni ferè sunt duo, cum Eximius Pater DESIRANTIUS, fortè intelligens non succedere sibi ex voto Propositionum Examen quas detulerat, Sacræ Congregationi in Urbe supplicavit, ut illud paulisper sisteretur; pollicitus fore ut in Belgium redux collectum iret abusus & scandala varia, quæ ex Propositionum nostrarum doctrina apud Populum Belgicum nasci aiebat. Rediit; Catholicum Belgium & Provincias fœderatas peragravit; Inquisitionem sine autoritate, sed non sine turbis instituit; Ingentem abusuum & scandalorum acervum minabatur: Et ecce post tantum itineris, laboris, ac temporis, quo ivit parturiens, non edit in lucem nisi Scriptum, in quo nihil prorsus eorum, quæ promiserat, invenitur.

Obstupuit Roma cum se sub specioso titulo delusam vidit, & pro *Accusatione & Querela Populi Belgici*, non nisi antiquam Accusatoris crambem, ad nauseam jam in Urbe coctam recoctamque, in toto Scripto deprehendit. Sed titulum dare voluit, dum non potuit præstare rem; & apud eos saltem fidem se habiturum speravit, qui ipsius fide nixi ex solo titulo de Opere judicarent.

Sed ipsum audiamus pro suo titulo argumentantem in Memoriali ad SS. Dominum quod *Accusationi* præfigit, ubi plenam sibi hac in re cum Hennebello concordiam esse confidenter affirmat. Argumentum ipsius est ejusmodi: "Ipsis fatentibus (in Motivo Juris pro " Clero Mechliniensis) *Cæperunt pessimi quique adversus Pastores suos se erigere... Hic negatam sibi publicè Eucharistiam; " Ille, ægrotanti Amico negari Viaticum; Alius, differri sibi " absolutionem; Alius, procrastinari sibi administrationem Ma-*
tri-

"suorum rigorem accusant: Ergo accusatricem suam agnoscunt
"vocem Populi."

Numquid digna est hæc Accusatore consequentia? Digna prorsus, quæ cæcam ipsius in accusando libidinem redarguat. Cæcum enimverò esse oportet, qui sic argutetur: "*Omnes (pessimi) nimium Pastorum suorum rigorem accusant*: Ergo nimium Pastorum suorum rigorem accusat Populus." Nemo enim aliud inferat, quam: Ergo nimium Pastorum suorum rigorem accusant pessimi de Populo.

Itaque si plenam sibi hac in re cum Hennebello concordiam jactare velit Accusator Querulus, debet Opus suum inscribere, ACCUSATIO ET QUERELA PESSIMORUM QUORUMQUE È POPULO BELGICO: Quem titulum neque nos ipsi invidemus, neque bonus ullus è Populo Belgico queri poterit sibi imponi.

§. 2.

Consutantur aliæ Imposituræ tres, quas habet Accusator in Memoriali ad SS. Dominum, Accusationi præfixo.

PRima est: Quod de gratia efficaci nulla nisi scholastica in Belgio fuerit contentio. Sed ipsam Accusatoris fidem appello.

1. Si de gratia efficaci nulla nisi scholastica in Belgio fuerit contentio: quâ fide ipse, ut tueretur rejectas à Sede Apostolica Formularii *Additiones*, totis duobus annis 1692. & 1693. accusavit Belgas Theologos, quorum causam in Urbe agit Doctor Hennebel; quod gratiam necessitantem defenderent; quod Calvinismi reliquiis delectarentur; quod genuinam gratiam per se efficacem à Calvinismo distinguere nescirent? De his enim eos accusavit in variis scriptis, quæ coram Sede Apostolica eo tempore exhibuit.

2. Si de gratia efficaci nulla nisi scholastica in Belgio fuerit contentio: cur ipse in Thesi, quam edidit 14. Junii 1684. sic questus fuit: *Pars una nihil auribus insonabat nostris, quàm Jansenianam esse efficacem illam gratiam, quæ in delectatione justitiæ consistit?*

Et in procemio Thesis editæ 15. Decemb. 1687. *Fideles Augustini discipulos jam tandem passim audire Jansenistas?* Nullæne sunt hæc contentiones, nisi scholasticæ?

3. Numquid præterea probè noverat, jam dudum Molinistas apud

apud Magistratus seculares, & in ipsa Aula suæ Majestatis Catholice egisse, ut nullus in Academia Lovanienſi ad munia admitteretur, quem ipsi de Jansenismo norassent? Notasse autem omnes, etiam Religiosos Ordines, qui gratiam per se efficacem tuentur? Extrat adhuc Memoriale ipsorum, quod jam ab annis aliquot Regi Catholico oblatum est.

4. An demum ignorabat, non ita pridem tunc, cum hæc dicebat, prodiiſſe in Belgio varios libros sub fictis nominibus *Joannis ab Isselstein, Didaci de Oropega, Cornelii à Cranenbergh*, aliorumque, in quibus doctrina de gratia per se efficaci tamquam à Summis Pontificibus damnata traducitur?

Prorsus ut non intelligam, quâ fide Auctor querulus dicere potuerit, & quidem apud Summum Pontificem: *Quod de gratia efficaci nulla nisi scholastica in Belgio fuerit contentio.*

At istud magis miror, quod assertionis istius testem adducere non vereatur Hennebellum in prima Thesi Historico-Theologica §. 7. citatis his ejus verbis: *Exultavimus quidem in Domino, dum vidimus Patres Societatis Lovanii constanter docentes, gratiam per se efficacem non esse damnatam:* Nam eodem paragrapho præmittitur, ac deinceps fusè ostenditur, Patres illos, quod unâ manu largiuntur, alterâ rapere, dum hinc quidem gratiam per se efficacem, nomine tenus, ut orthodoxam & ab omni censura immunem agnoscunt; inde verò eandem ab Apostolica Sede in quinque propositionibus proscriptam, & sub sensu Jansenii hæreseos damnatam contendunt: ut tunc recens contendebat *Cornelius à Cranenbergh* à S. Congregatione S. Officii proscriptus.

Altera in eodem Memoriali Impositura est circa turbam Originem in Belgio. Negat aliquam in Belgio turbam ortam esse ex contentione de gratia efficaci; aitque nos ingenuè confiteri, totam hanc tempestatem ortam esse à Querela & Accusatione Populi.

Verùm quod ad contentionem de gratia efficaci attinet, ex jam dictis statui potest, quot ea turbam origo fuerit, dum, ipso Accusatore teste, *fideles Augustini Discipuli passim audiebant Jansenistæ*; Jansenismi autem prætextu ab omnibus muniis, officiis, & dignitatibus repellebantur: donec tandem SS. D. N. Innocentius XII. per Breve Apostolicum die 6. Februarii 1694. turbas composuit, tutosque à suspitione Jansenismi reddidit gratiæ per se efficaci Defensores, modò quinque propositiones *in sensu obvio* damarent.

Quod verò dicit, nos ipsos ingenuè confiteri, totam hanc tempestatem ortam esse à Querela & Accusatione Populi, id eàdem consequentià dicit, quâ Opus suum *Accusationem & Querelam Populi Belgici* inscribit. Neque enim confitemur, populum Belgicum, sed PESSIMOS quosque è populo Belgico, de Pastoribus suis questos esse: Ex quâ confessione aliud conficere non poterat, quàm tempestatem ortam esse à Querela pessimorum quorumque è Populo Belgico. Quod ei libenter concedimus.

Tertia Impostura est, quod Pastores quidam è nostris animi sui sententiam perniciosè dissimulaverint, *putando aliter & aliter praticando, ut auctoritatem, nomen, & pecunias suas conservarent.* Infert hoc ex *Motivo Juris pro Clero Mechliniensi*, quod ita habet: *Coguntur (Pastores) vel pessimis hominibus obsequi, vel litem cum certo condemnationis periculo sustinere, vel administrationem Sacramentorum aliis, quibus ab Archiepiscopo committebatur, relinquere.* Hinc incredibile quantum Pastorum zelus refrixerit; cum obsistente sibi tum plebe, tum Archiepiscopo, satius ferre existimant ut aliquod disciplina Ecclesiastica detrimentum patiatur, quàm ut cum certa auctoritatis, & nominis sui, & pecuniarum jactura ad Tribunal Episcopale provocarentur.

Sed nihilo meliùs argumentatur, quàm prius. Tantum enim abest ut animi sui sententiam dissimulaverint Pastores illi, ut e contra eam apertissimè professi sint. Si enim mallerent administrationem Sacramentorum aliis relinquere, quam ipsi ea contra suam conscientiam administrare; manifestè suam de administrandis Sacramentis sententiam prodebant.

Neque accusari possunt, quod *satius ferre existimaverint ut aliquod disciplina Ecclesiastica detrimentum pateretur, quam ut cum certa auctoritatis & nominis sui & pecuniarum jactura ad Tribunal Episcopale provocarentur.* Nam nemo est nisi Theologiæ & disciplinæ Ecclesiasticæ planè rudis qui neget, quin aliquando non modo licitum, sed & necessarium sit, præcipiente accogente Episcopo, administrare alicui Sacramentum v. g. Eucharistiæ vel Matrimonii, cui alioquin administrans juxta propriam sententiam illud negandum vel differendum censeret. Neque tunc ob vanitatem auctoritatis vel nominis conservandi, aut lucrum pecuniarum, propria animi sententia dissimulatur; sed causâ pacis Ecclesiasticæ Episcopis reverentia exhibetur.

§. 3.

Retunditur Impostura, quam Accusator nobis impingit in Peccatione ad Eminentissimos ac Reverendissimos Dominos.

CAlumniosam hic de nobis suspicionem ingerit, quasi articulum illum fidei Catholicæ, *Credo Remissionem peccatorum*, restringeremus; factâque distinctione inter remissionem peccatorum *parvorum & magnorum, primorum & iteratorum*, plenam omnium peccatorum remittendorum potestatem in Ecclesia negaremus.

Calumniæ occasionem ex eo acceptam puto, quod doceamus, prudentem Confessarium debere inter peccata *magna & parva, prima & iterata*, distinguere; nec pari facilitate posse promiscuè omnibus absolutionem impertiri.

Si hoc sit articulum illum, *Remissionem Peccatorum*, restringere, impii ausus reos nos esse agnosco; si sit illum Catholicè interpretari, immanis calumniæ reus est Accusator: Nisi alias, easque certissimas, tam gravis criminationis probationes attulerit.

§. 4.

Reprimitur impostura gravissima de Censuris, quas propositionibus nostris palam inurit Accusator.

PER Accusationem totam Censuras atrocissimas exhibet Querelæ Auctor, quas propositionibus nostris iniustas esse affirmat. Et ne dubitaretur, an Censuras illas ponat tamquam privata quorundam judicia, an ut Censuras Sedis Apostolicæ; dubitationem omnem sustulit DESIRANTIUS die 12. Julii 1698. dum in lectione publica coram frequentissimo Academicorum, quos palam invitaverat, cœtu asseveranter dixit:

1. *Viginti octo propositiones suorum Adversariorum esse Romæ censuratas, approbantibus Summo Pontifice & Cardinalibus.*

2. *Se illarum censuras penes se habere.*

3. *Undecim ex illis selectas esse ad publicandum.*

4. *Hæc se publicare coactum à Rege & Pontifice.*

Ecclesiæ & Reipublicæ interest scire, an hæc vera sint. Si enim vera sint, potestatis Ecclesiasticæ & secularis iram meremur, qui censuris istis non acquiescimus: sin falsa, ab utraque etiam potestate coercendus & castigandus est Accusator, qui censuras istas promulgando Ecclesiam & Rempublicam perturbat, totique Orbi Catholico perniciosè imponit. Rem itaque discutiamus.

Argumentum adversus Accusatorem ineluctabile, est ipsum Breve Apostolicum datum ad Episcopos Belgii 24. Novembris 1696. *Quod pertinet*, ait Summus Pontifex, *ad PENDENTES controversias circa administrationem Sacramentorum*, donec aliquid specialius decernatur, ab iisdem Episcopis advigilandum est, ut juxta Sanctiones Canonicas, statuta Conciliorum, & praxim Ecclesiae administrentur, habitâ casuum atque eorum circumstantiarum ratione. Etenim in præsens magnâ sollicitudine discussioni propositionum, quæ inter alias abundè delatas ad hoc argumentum spectant, adlaboratur à Consultoribus & Qualificatoribus supremæ hujusce Inquisitionis, qui omnes sunt pietate ac doctrinâ præstantes.

Ex quo sic ratiocinamur: Si controversiæ circa administrationem Sacramentorum adhuc pendentes sint; si usque in præsens magnâ sollicitudine discussioni propositionum illarum adlaboretur; si discussioni adhuc adlaboretur à consultoribus & qualificatoribus: quâ veri specie dici potest, eas jam censuratas esse, approbantibus Summo Pontifice & Cardinalibus? An post censuram summi Pontificis & Cardinalium adhuc pendent controversiæ? An propositiones à summo Pontifice & Cardinalibus censuratae adhuc à Consultoribus & Qualificatoribus discutuntur?

At fortè post Breve Apostolicum censuræ latae sunt.

R. Novit ipse, se circa Novembrem 1696. paulo antè datum Breve Apostolicum, Sacræ Congregationi supplicasse, ut propositio-num discussio sisteretur: scit supplicationi suæ annuisse S. Congregationem, & in hunc usque diem earum discussionem stitisse: proindè nec ignorare debuit, censuras in hunc usque diem, approbantibus summo Pontifice & Cardinalibus latas non esse.

Accedit aliud argumentum, quod ad hominem vocant, desumptum ex nupero *Specimine Dispositionis*, quod edidit Doctor Stey-aert, ubi hæc in Romani indignabundus effuit: *Nimirum fave-rat ipsis Roma ad invidiam: Omnia ipsis contraria passim pro-scripserat: NIHIL PENE QUOD IPSORUM ESSET AUT PUTARETUR.*

Ex quibus brevissimâ consequentiâ conficitur: Ergo Roma non proscripsit viginti octo propositiones, quæ aut nostræ sunt, aut nostræ esse putantur. Si enim illas proscripisset, verum non foret, eam nihil penè proscripsisse quod nostrum esset aut putaretur.

Sed estne credibile, Virum Religiosum, Sacerdotem, S. Theologiæ Doctorem & nuper Episcoporum Belgii in Urbe Deputatum, edè ve-nisse

nisse temeritatis , ut nisi de re ista certus foret , auderet non solum in lectione publica coram innumeris testibus id asserere ; sed etiam scriptis publicis coram Orbe toto promulgare : præsertim cum non multò post imposturam detectum iri ignorare non posset ?

R. Opstupui ad hæc fareor ; sed non minus aliquando obstupui , dum non minus falsa Opstratio affinxit. Duo hic Spècimina proferam.

Accusabat inter sexaginta & unam propositiones hanc , quæ erat trigesima tertia : *Partem etiam non exiguam hujus sollicitudinis habent Theologorum Confessarii , utpotè qui præcipua vocationis signa , probitatem scilicet & spiritum ipsorum interiorem optimè possint habere perspecta , qui proinde ante omnes ab illis (Episcopis) consulendi sunt : Quam* adscribebat Opstratio in præfat. Pastoris boni pag. 11. lin. 22.

Sed cum pro more haberet Reverendissimus Qualificator , cui Propositionis istius examen commissum erat , non credere Accusatoribus , nisi ipse prius accusationes sincere esse ex ipsis scriptis , unde desumptæ dicebantur , deprehendisset ; ac præterea ægrè hic sibi persuadere posset inveniri Theologum , qui doceret ab Episcopis consulendos esse Confessarios , ut de promovendorum probitate testimonium perhiberent : dignatus fuit ipsam Pastoris Boni præfationem inspicere ; & mox deprehendit , non aliud illic dici , quam Confessarios consulendos esse ab ipsis Theologis super sua vocatione , priusquam aut Sacros Ordines aut curam Animarum suscipiant : Propositionem verò Pastoris Boni corruptam fuisse ab Accusatore , inferendo hanc vocem , *Episcopis* , cum inferere debuisset hanc , *Theologis*. Accersiri itaque ad se juber Accusatorem ; profert Pastorem Bonum ; inspectâque ac lectâ præfatione , errasse se agnovit Accusator , & cum rubore discessit.

Accusaverat etiam hanc , quæ inter easdem propositiones erat undecima : *Si de genere illorum sit , qui non solum sit criminofus , sed etiam criminofus sit cum scandalo vulgi* (Opstræt pag. 130. lin. 5.) *talis etiam post peractam pænitentiam non est Pastor , qui autè fuit publicus peccator.* Idem pag. 131. lin. 2. & seqq.

Sed rursus impostura deprehensa fuit à Consultoribus , qui censuerunt eam *fideliter extractam non esse* , ut videre licet in ipsa *Accusatione & Querela* , ubi de propositione ista agitur. Et sanè non aliud locis citatis dicit Pastor Bonus , quam quod Pastor , qui

antea fuit cum scandalo vulgi criminosus, non possit amplius dici esse vitæ irreprehensibilis & tamæ integræ, tametsi conversus sit & in secreto Pœnitentiæ Tribunali absolutus. Statuatur nunc quæ fides, post lapsus ejusmodi, Accusatori habenda sit.

Rogabat eum jam Româ reducem Vir quidam Eximius, qui fieri potuisset, ut tam falsò accusasset Opstratium? An fortè, in-
quiebat, è Belgio submissæ erant accusationes, quas ipse in fonte non inspexeras? Non, reponebat, sed ipse eas è Pastore Bono excerpseram. Qui ergo, aiebat ille, sic errare potuisti? *Homines sumus*, inquiebat, *errare possumus*.

Eodem fortè responso absterget imposturam de Censuris, quas propositionibus nostris inustas esse asseruit: sed judicet Sedes Apostolica cui imponitur, & Orbis Catholicus cui illuditur, an ea tam faciliè abstergi possit. Grave fortasse non videbitur falsa affinxisse Opstratio: sed censuras, quas non tulit, affinxisse palam Sedi Apostolicæ, non potest non gravissimum videri & cum multarum Animarum perniciæ conjunctum.

§. 5.

Recensentur aliæ Imposituræ triginta & sex, quas ex sola de occultis & internis conjectura temerariè nobis affingit Accusatio in Reflexionibus secundis.

INter omnes criminandi rationes ea iniquissima est, quæ nullis externis indiciis suffulta, sed solâ de internis conjecturâ nixa, homines, etsi contraria omnia exterius protestantes, de nefandis consiliis accusat.

Hanc rationem init *Accusatio in Reflexionibus secundis*, ubi scopum nostrum trigies & sexies designat: sed ita infeliciter, ut triginta illæ & sex *Reflexiones* totidem imposturæ sint, à scopo nostro quam longissimè aberrantes. Atque en illas tibi breviter exli-
bitas. Scopus, inquit videtur esse

1. *Ad dandam absolutionem non acquiescere sincero emendationis proposito.* pag. 7.

2. *Privandum esse pœnitentem gratia Sacramentali, donec totus emendatus, & fortè ante Sacramenti susceptionem justificatus fuerit.* ibid.

3. *Absolutiones sine præviis pœnitentiis, & sine frequenti confessione donatas in irritum vocare.* pag. 9.

4. *Neminem umquam primâ vice absolvere.* pag. 10.

5. *Opera*

5. Opera pœnitentiæ à contritione & confessione distincta stabilire tamquam unicum signum conversionis internæ. ibid.

6. Ordinariè reputare peccatores, donec per notabile tempus egerint, non dico pœnitentiam, sed pœnitentiæ opera. pag. 11.

7. Declamare reos culpæ mortalis ac pœnæ æternæ quicumque pœnitentiæ à contritione & Confessione distinctæ fructus non afferunt. pag. 12.

8. Suspendere omnes absolutiones & plerasque odiosas reddere. pag. 13.

9. Non absolvere nisi eos, quos certò constat jam à Deo absolutos esse. pag. 14.

10. Directores animarum aliter practicantes, odiosos & contemptibiles reddere. pag. 17.

11. Persuadere hominibus, sese omnes heroës esse virtutum, ex nulla infirmitate labi, totos mundos, ne dicam ~~1203 pæ~~ pag. 18.

12. Multos sine forma judicii à suis Ministeriis excludere, forsan ut ipsi (utpote Pastores Boni) mundi, i più excellenti in dottrina ed in pietà, in eorum loca substituantur. pag. 20.

13. Docere omnem ætatem & sexum omne genus & speciem & circumstantiam peccatorum, ne per ignorantiam incidant in aliquod horum. pag. 21.

14. Stabilire cautum exemplum, quo utantur scientiâ confessionis, ut perveniant ad alios casus. pag. 23.

15. Injicere sibi suisque facultatem imò necessitatem interrogandi nomina complicum, ut arripiant occasionem contra eos agendi sub prætextu boni publici & hujusmodi. pag. 24.

16. Quacumque viâ se ingrerere in notitias complicum. pag. 25.

17. Posse diffamare quemcumque absentem, incognitum, inauditum, & indefensum, ad relationem cujuscumque mulieris. pag. 26.

18. Inducere homines ne curent legi Missas particulares. pag. 27.

19. Impugnare speciales Missarum applicationes. ibid.

20. Homines inducere ut non astiment Missas, nisi illorum qui erant celebraturi, etsi stipendium nullum accepissent. pag. 28.

21. Admittere quasvis in quocumque statu hominum perturbationes, ut manteneant sua principia. pag. 29.

22. Armare partem suam contra faciendas, & jam inde sepe factas objectiões, quod nimirum colligatio, quâ inter sese confesse-

rati sunt, teneat praxim à longè maxima Ecclesiæ parte dissonam. pag. 30.

23. *Paucitatem suam adversus universalitatem in perpetuum erigere.* pag. 34.

24. *Nova facere omnia.* pag. 36.

25. *Enervare omnem doctrinam & praxim, quæ diminuit fructus dignos pœnitentiæ, quos statâ lege ad absolutionem requirunt.* Ibid.

26. *Totam revelationem (de scapulari) suâ auctoritate dejicere, & ipsum scapularis usum tollere.* pag. 38.

27. *Etiâ in hoc (in processionibus, ubi simul cum Venerabili deferuntur Reliquiæ & imagines sanctorum) aliquid indulgere Seditariis, in quorum gratiam jactant se Catholica dogmata velle mitigare, quasi ut minùs abhorreant.* pag. 38.

28. *Ubique stabilire suum notabile tempus.* pag. 39.

29. *Stabilire propositionem tertiam Jansenii, statuendo peccata necessitatis.* pag. 40.

30. *Stabilire propositionem tertiam Jansenianam aliis verbis.* pag. 41.

31. *Negare adjutorium omne aliud quàm efficax cui numquam resistitur.* Ibid.

32. *Non prædicare gratiam, nisi efficaciter operantem.* Ibid.

33. *Primam propositionem tradere aliis verbis, & ex prima pariter deducere reliquas, mutato solo syſthemate verborum.* pag. 42.

34. *Potentia proxima & voce, gratia sufficiens, uti, sed sanum earum sensum rejicere, & aliis verbis Jansenianas tradere.* pag. 43.

35. *Subducere se auctoritati Ecclesiæ* pag. 45.

36. *Fabricare libertatem libros omnes seu proprios seu alienos, sibi bene visos, ab Ecclesiâ quomodolibet proscriptos, in animo & saltém secretò tenendi, credendique ut catholicos.* pag. 46.

Aut nequissimi sumus nos, si ista consilia animo versamus; aut nequissimus est Accusator, si per calumniam consilia ista pessima nobis affingat. Cum verò neque nos deceat de illis suspectos esse, neque ipsum de tot calumniis: provocamus ipsum coràm Sede Apostolica, aut quovis alio Judice legitimo, ut criminationes suas prober: Quod si non præstiterit, nos quidem à suspitione tam atroci absolvemur; ipse verò calumniæ notam non evadet.

Diluuntur imposturae Pastori bono impactae circa hanc propositionem quae inter 61. accusatas fuit prima: Si quaeras, quâ praxi hi omnes utantur? R. Eâ quam vocant strictiorem, seu eâ quâ nemo extra casum necessitatis absolvitur, nisi qui prius per tempus notabile vitam emendavit.

Etsi hæc verba habeat Pastor Bonus in *Praxi Pastorum* §. 5. per imposturam tamen illi hic, tum in *Propositione prima*, tum in *Reflexione prima* assignitur, quod enuntiet, *Omnes Pastores bonos eâ praxi uti*: manifestum enim est, Auctorem Pastoris Boni eo loco tantum enarrare, quid faciant *hi omnes Pastores boni*, quorum illic praxim describit. Non sequitur autem: *Hi omnes Pastores boni utuntur eâ praxi; Ergo omnes Pastores boni utuntur eâ Praxi.*

Quin ipse Auctor Pastoris Boni in *Notis Epilogo* subjectis disertè declarat, se, dum *antithesim* ponit BONAM inter & MALAM praxim, nequaquam indicare velle, eos omnes Pastores debere inter malos reputari, qui praxim, quam bonam vocat, ad extremum usque apicem non assequuntur. Notâ 1. Et rursus: *Si quæ apud quosdam Pastores in usu sunt, non continud existimandum esse, velle se omnes alios ad eundem præcisè usum & praxim adigere.* Notâ 5. Prorsus ut illi adscribi non possit *propositio prima*, quam malè ex Pastore Bono fabricavit Accusator, affictamque Pastori Bono tamquam *temerariam... & injuriosam multis piis & doctis Pastoribus* censurat.

At quid de Praxi illa, quâ usos fuisse pastores quosdam narrat Pastor Bonus, qui *extra casum necessitatis neminem absolvebant, nisi qui prius per tempus notabile vitam à criminibus emendasset?*

R. Observatum hic ante omnia velim, agi de Peccatore, qui non peccato mortali qualicumque, sed *crimine*; nec crimine uno, sed *criminibus* maculatus est: cui an non meritò extra casum necessitatis differatur absolutio donec per tempus notabile vitam à criminibus emendarit, ex aliorum, quam subjungo, doctrina statuatur.

1. S. Carolus Borromæus: *Est*, inquit, *præterea consultum absolutionem differre* (italicè, *differatur adhuc absolutio*) *donec evidens appareat emendatio in iis, qui tametsi dicant & polli-*

ccantur, quod se eximent peccato, tamen Confessario probabilem faciunt metum ne contrarium contingat. Instruct. Past. p. 2. c. 15. Metum autem istum meritò faciunt homines criminibus maculati, donec per tempus notabilē vitam à criminibus emendārint.

2. Eminentissimus Cardinalis DE AGUIRRE: "*Inherentes, inquit, non modo Conciliis, Canonibus, & Patribus supra laudatis, nec non Cardinalibus, Episcopis, & Theologis horum temporum, sed etiam rationi manifestæ, fundatæ in doctrina fidei & experimento frequenti, dicimus MAXIME OPORTERE, ut gravium peccatorum rei, præsertim relapsi, antequam confitentur, præmittant aliquanto tempore juxta numerum & qualitatem scelerum, fructus dignos pœnitentiæ interioris exteriorisque.... Aliquanto, inquam, tempore, veluti (si quid amplius obtineri non potest) QUARUMDAM HEBDOMADARUM aut saltem DIERUM, in assidua contritione, oratione, jejunio, fletu, planctu, eleēmosynis, aliisque exercitationibus piis, &c.*" Dissert. 8. in Can. xi & xii Concil. Tolet. 3. n. 148. Si per tempus *quarundam hebdomadarum aut saltem dierum*, ergo per tempus *notabile*.

3. Illustrissimus Episcopus Atrebatensis in *Instructione* ad Pastores & Confessarios cap. 9. ipsis illis terminis utitur, docetque, "*Differendam absolutionem peccatori in occasione proxima, quam deferere non potest, constituto, donec NOTABILI TEMPORE à peccato abstinuerit.... Eandemque rationem servandam circa eos qui sibi ipsis sunt occasio proxima per habitum quem committendo crimina ignominiosa contraxerunt. Et cap. 12. differendam similiter absolutionem recidivo, donec NOTABILI TEMPORE post relapsum à peccato abstinuerit, & sic se disponere conatus sit, ut MORALEM de contritione ipsius CERTITUDINEM Confessarius habeat.*"

Post hæc opus non esse existimo refutare ea quæ hîc *Reflexione* tertiâ *Guerulus* noster opponit praxi, quâ usos fuisse quorundam Pastores narrat Pastor Bonus: refutabo tamen, ut vel sic constet, nîl eum refutatione dignum dixisse.

1. Dicit Opstratium manifestè renovare errorem *Chariclis*, qui, ut ait, *differerebat absolutionem, donec præmissæ essent pœnitentiæ opera.*

R. Si is erat error *Chariclis*, Opstratius ab eo abest quàm longissimè; quippe qui contrarium ubique profiteatur, ac speciatim nuper

per professus sit in *Expositione de Laborioso Baptismo* ad Art 1. 2. 7. 12. & 13.

2. Dicit eum incidere in errorem *variorum impugnantium ab-solutiones frequentes.*

R. Non magis in errorem istum incidit Opstratus quàm S. Carolus Borromæus, Eminentissimus Aguirrius, Illustrissimus Episcopus Atrebatensis, cum quibus eandem prorsus doctrinam proficitur.

3. "Repugnat, inquit, praxi Christi Domini in Maria Magdalena, in filio prodigo."

R. Ubi talia conversionis signa attulerit pœnitens, qualia attulit Maria Magdalena & filius prodigus: non dubitabit Opstratus eum absolvere.

4. *Repugnat sanæ Theologiæ, juxta quam peccator gratiâ Sacramenti indiget ad exequendam emendationem, quam proposuit.*

R. Sed sana etiam Theologia docet, peccatorem criminibus maculatum prius ad gratiam Sacramenti recipiendam disponi debere.

5. *Repugnat etiam Concilio Trident. quod Sess. 14. Can. 5. pronuntiat anathema: si quis dixerit eam contritionem quæ paratur per discussionem &c. cum proposito melioris vitæ non esse verum & utilem dolorem, nec præparare ad gratiam: id est, non esse sufficientem præparationem ad gratiam.*

R. Et nos illi anathema dicimus: sed quod homini criminibus maculato credi mox debeat, dum præparationem illam se habere affirmat, Tridentinum non dicit.

6. *Repugnat SS. Patribus..... Ambrosio in cap. 22. Luc.... Chrysostomo in Orat. de S. Philogonio.... Leoni Magno Epist. 101. &c*

R. Non aliud dicunt Patres illi, quàm aut peccatorem mox, ut peccata deslet, à Deo respici; aut posse brevissimo tempore converti: ut fusè ostensum est in *Appendice ad Doctrinam de Laborioso Baptismo* à pag. 45. usque ad 68. Item in *Responsione Brevis* à pag. 46. usque ad 58. Et in *Responsione pro Responsione Brevis* à pag. 73. usque ad 81. Ac tandem in *Disquisitione Altera asserpta* à pag. 31. usque ad 45.

7. *Denique repugnat S. Patri Nilo, qui Presbyteri Chariclis errorem tamquam Novatianismo vicinum ex professo impugnans, Nè itaque dicas, inquit, mi Vir, eos qui opere deliquerunt, VERBIS TANTUM confitentes, Dominus non accipit. Lib. 3. Epist. 243.*

R. Vel S. Nilus docet, solam Confessionem verbalem sufficere,

(16)
ut præfert titulus Epistolæ S. Nili nuper editæ præfixus, *Sufficiencia Confessionis verbalis ad Absolutionem absque laboriosis Pœnitentiæ operibus præviis*; vel id non docet. Si doceat: à S. Nilo cum Theologis omnibus recedimus, & aliis Patribus adhæremus. Si non doceat: frustra nobis Nilus objicitur.

S. 7.

Deteguntur Imposturæ Accusationis circa propositionem, quæ inter 61. fuit tertia: Praxis bona (Opstraet Past. Bon. pag. 441. lin 2.) absolvi neminem posse, nisi qui prius per dignos fructus pœnitentiæ vitam emendârit. Ibid. lin. 11.

DUplex est in una accusatione impostura. Prima, quod Pastori bono adscribatur hæc propositio, *Absolvi neminem posse* &c. Cum tamen Pastor Bonus tantum narret, eam propositionem à quibusdam Pastoribus prædicatam fuisse. Altera, quod supprimat Accusator, eam à Pastoribus prædicatam fuisse in iis Parochiis, *ubi Superiores, Subditi, Parentes, Proles, Juvenes, Senes* &c. in peccandi consuetudine pœnitentiæ multo prius tempore relicti fuerant; quod loco citato Pastor Bonus expressit.

Addit imposturam tertiam, quâ Pastori Bono adscribit hanc suam propositionem tertiam, *Opus est frequenti confessione priusquam ad conversionem perfectam veniatur*: Neque enim hoc dicit Pastor Bonus, sed tantum narrat, quod Pastores quidam, dum primum ingrediebantur Parochias sic corruptas, cæperint prædicare, *Opus esse precibus, labore, directione boni Confessarii, frequenti Confessione* &c. priusquam ad conversionem perfectam veniatur. Quo modo loquendi manifestum est non aliud significari, quàm varia esse media, quibus ad conversionem perfectam veniatur, atque inter hæc esse *preces, laborem, directionem boni Confessarii, frequentem confessionem*, & alia quæ continentur sub hac particula &c. ut sunt v. g. jejunium & elemosyna, quorum aliquibus opus esse solet ad perfectam conversionem assequendam.

Prætereo imposturas, quæ continentur Reflexione 1. & 2. sed lubet discutere, *an temeraria & injuriosa multis piis ac doctis pastoribus sit illa Pastorum prædicatio: Absolvi neminem posse, nisi qui prius per dignos fructus pœnitentiæ vitam emendârit*: sic enim Accusator eam perstringit.

Si

Si prædicatio ista censurâ digna sit; digna etiam censurâ erit hæc prædicatio Christi, *Nisi pœnitentiam egeritis, omnes similiter peribitis*: si autem hæc absque impietate censurâ digna dici non possit; non intelligo, quo pacto censurâ digna dici possit ista. Etenim ut salvari nemo potest, nisi qui pœnitentiam egerit; ita nec absolvi: si autem absolvi nemo possit, nisi qui pœnitentiam egerit; absolvi etiam nemo potest, nisi per dignos fructus pœnitentiæ vitam emendârit: nam *pœnitentiam* (dignam) *agere*, est *per dignos fructus pœnitentiæ vitam emendare*: Omnis enim pœnitentia, est fructus dignus pœnitentiæ; & vicissim omnis fructus dignus pœnitentiæ, est pœnitentia.

At, inquiet Accusator, Pastores illi requirunt fructus pœnitentiæ externos.

R. Evidens est id eos in sua prædicatione non dicere; ac proinde eis immentò affingi. Quin & affingi eis per summam calumniam: cum ne suspicari quidem de illis liceat, quod doceant, absolvi non posse v. g. moribundum, qui prius dignos fructus pœnitentiæ externos non præstiterit. Suspiciari certè id nemo potest de Authore Pastoris Boni, qui cùm antea sæpius, tum non ita pridem in *Expositione doctrinæ de laborioso Baptismo* art. 13. iterum professus est, *Validè & Sacramentaliter absolvi pœnitentem, modo internè conversus sit, etsi nulla opera pœnitentiæ externa præmiserit*. Quæ opponit *Querelæ* Auctor, excutiamus.

1. Objicit Rituale Romanum. 2. Praxim totius Ecclesiæ. 3. Sanctos Patres. Sed nulla ex iis loca affert.

R. Nos contra, & Rituale Romanum, & Praxim Ecclesiæ, & Sanctos Patres à nobis stare prolatis, fusè eorum locis, in *Doctrina de Laborioso Baptismo* ostendimus.

4. Objicit S. Nilum, qui dicit *non laboribus & molestiis, sed simplicibus humilibus verbis* salvatum esse Publicanum & Latronem.

R. Salvati non sunt per verba sola, sed per fructus dignos pœnitentiæ.

5. "Latro, inquit, *semel*, Filius prodigus *semel*, Magdalena *semel*, publicanus *semel*, confessus est: ergo nimis exorbitat regula quæ frequentem confessionem exigit."

R. Regulam illam in Pastore Bono traditam non esse, sed frequentem confessionem numerari tantùm interea, quibus solet ad perfectam conversionem veniri, paulò ante ostensum est.

6. "Opponit, "quod sancti Patres distinxerint crimina in oc-
 "cultâ & manifesta; quorum illa respexerint forum poli, & citò
 "à Deo ac sacerdote Dei vices gerente soluta fuerint; hæc verò
 "respexerint forum fori, quæ quia requirebant scandalî repara-
 "tionem, more humano solvebantur tardè: Ex quo concludit pec-
 "catorem occultè tantùm criminofum citò juxta Patres absolvi de-
 "bere. Errasse autem nos qui distinctionem illam in Patribus non
 "viderimus. Quæ omnia confirmat ex Augustino Enchir. c. 65.
 "& Ivone Epist. 228."

R. Nemo est vel mediocriter in sanctis Patribus, Canonibus,
 & veteri Ecclesiæ disciplina versatus qui ignoret, occulta etiã cri-
 mina olim publicâ & longâ pœnitentiâ ante absolutionem expiari
 debuisse. Si dubitet Accusator, adeat Morinum lib. 5. de pœnit. c. 9.
 10. 11. 12. 13. & 14. Nam operæ pretium non est, rem tam
 manifestam & notam omnibus studiosè probare. Porro loca, quæ
 pro se allegat, ipsi contraria sunt.

Allegat ex Enchiridio Augustini c. 65. hæc verba: *Rectè consti-
 tuuntur ab iis, qui Ecclesiæ præsumt, tempora pœnitentiæ ut fiat
 etiã satis Ecclesiæ*: quæ sic interpretatur, ac si illa tempora
 pœnitentiæ tantùm constituta fuissent ut repararetur scandalum co-
 ram Ecclesiâ. Sed si legisset verba quæ proximè præcedunt, di-
 dicisset tempora illa ed constituta fuisse, ut dolor cordis qui oc-
 cultus est, & per sola verba aut alia signa ejusmodi cognosci satis
 non potest, per pœnitentiam longò tempore peractam innotesce-
 ret. Quia, inquit Augustinus, *plerumque dolor alterius cordis
 occultus est alteri, neque in aliorum notitiam per verba vel que-
 cumque alia signa procedit... rectè constituuntur ab iis, qui Ec-
 clesiæ præsumt, tempora pœnitentiæ, ut fiat etiã satis Ecclesiæ*.

Magis hic sensus elucescit ex Epistola 228. S. Ivonis, quam e-
 tiã pro se allegare ausus est Accusator. Quærebatur à S. Ivone:
 "Quomodo inter se convenirent prophetica sententia quæ dicit,
 "In quacumque hora peccator ingemuerit, salvus erit, & Synoda-
 "lis quæ crimina sua confitentes aliquamdiu à Corporis & Sangui-
 "nis Christi Communionem suspendit? Quæstio, inquit, facilè sol-
 "vitur... Cum enim criminalis culpa delinquentem separet à Capite
 "& Corpore, rationis ordo hoc exigit, ut internus Judex tantò
 "remittat celerius, quantò solus magis videt interiùs: Judex verò
 "qui tantum videt in facie, usque adeò delinquentes sub peccati pœ-
 "na detineat, DONEC PER MANIFESTUM PœNITENTIÆ FRUCTUM
 "QUI

"QUI SIT PŒNITENTIS AFFECTUS, INTELLIGAT." Dein citat S. Augustinum Enchir. cap. 65. quem paulò ante citavimus.

Ex ipsis itaque locis, quæ pro se assert *Querulus Accusator*, elucet, non ideo tantum pœnitentibus injunctum fuisse ante absolutionem tempus pœnitentiæ, ut Ecclesiæ pro scandalo satisfieret; sed etiam ut *per manifestum pœnitentiæ fructum, qui esset pœnitentis affectus*, Ecclesiæ & Sacramenti Minister intelligeret.

7. Assert locum quemdam Augustini serm. 16. de verbis Dom. c. 8.

R. Sed nil aliud eo loco docet S. Pater, quam crimina occulta occultè corripienda: quod huc non pertinet.

8. Subjungit, "ocultos Mœchos & Homicidas ab Altari remotos non fuisse, sed Augustinò consentiente communicasse cum reliquis; proindeque juxta mentem ejus brevi spatio temporis reconciliatos cum Deo fuisse: observatam enim fuisse hanc regulam Augustini ex Homil 50. *Nos à Communione prohibere quemquam non possumus (quamvis hæc prohibitio nondum sit mortalis, sed medicinalis) nisi aut sponte confessum, aut in aliquo sive seculari sive Ecclesiastico judicio nominatum atque convictum.*"

R. Planè falsum est, occultis Mœchis & Homicidis, dum sua peccata secretò confitebantur, injunctum secretò non fuisse ut se ab Altari removerent, sed brevi temporis spatio reconciliatos cum Deo fuisse: Nam ex solâ lectione Canonum Pœnitentialium constat, tam eos à sacerdotibus servari debuisse circa peccatores occultos, dum crimina sua secretò confitebantur, quam circa publicos; ut videre licet in Morino loco jam citato. Dum verò sua crimina non confitebantur, aut se sacerdotum judicio non submittebant, & tamen palam offerebant se ad communicandum cum reliquis; tum servabatur ista regula Augustini, & publicè (utpote peccatores occulti) ab Altari non repellebantur. Mirè itaque circa *forum fori & forum poli* hallucinatur *Querulus*; dum putat ad Officium Confessarii in foro poli non spectare, secretò injungere Peccatori occulto, ut se ab Altari removeat, sed tantum id spectare ad officium judicis in foro fori circa peccatores publicos.

§. 8.

Refellitur Impostura Accusatoris circa hanc, quam adjunctam vocat: Cuius homini etiam laico (extra casum iustæ necessitatis) absolutio differenda est, donec vitam emendaverit... Igitur multò magis Sacerdoti vel Pastori. Opstræt Past. Bon. pag. 131. lin. 36.

Reflexione primâ observat Accusator, jam non agi de criminibus, sed de iis qui certa crimina non committunt: Verum tacere non debebat, agi de iis qui sunt *male vitæ*. Laicos autem & Sacerdotes malæ vitæ, sine vitæ emendatione, absque iusta necessitate, absolvendos esse, nescio quis Theologus, præter Accusatorem, dicere auderet.

Imposturam atrocem, quam habet *Reflexione 2. scopum nostrum esse neminem umquam primâ vice absolvere*, jam supra retulisse, refutasse sit.

Reflexione 3. nil dicit nisi propositionem repugnare iis omnibus, quæ ad propositionem primam adduxerat, & præsertim S. P. Nilo. Sed refutata illic sunt abundè omnia: nec opus est eadem repetere.

§. 9.

Refutantur Imposturae Accusationis circa propositionem hanc: Quid postremo de lapsis in crimen, qui neque consuetudinarii sunt, neque Recidivi, si nulla pœnitentiæ opera præmiserint, præter præparationem illam ordinariam, quæ in discussione Conscientiæ, actibus fidei, spei, dilectionis, doloris, propositi consistit; nonnè hos saltem omnes (nisi extraordinaria quædam obstant) iudices conversos? Potius iudicare illos debeo non esse, quam esse conversos? Opstræt Praxis administ. Sacram. Pœnit. pag. 81. lin. 38. & pag. 82. lin. 12.

Prima hic impostura est in *Reflexione prima*, ubi Opstratio affingitur, quod doceat *lapsum in crimen debere regulariter judicari indispositum, licet habeat actum fidei; spei, dilectionis, doloris, & propositi.*

Detegatur impostura, si addantur propositioni lineæ quatuordecim, quibus eam mutilavit Accusator. Siquidem ex illis manifestum erit, non dici eos regulariter judicandos esse indispositos, qui

qui se ad absolutionem præpararunt per actus fidei, spei, dilectionis, doloris, propositi; sed eos, qui etsi se non magis præpararint quam non-conversi, dicunt tamen se actus fidei, spei, dilectionis, doloris, propositi (quemadmodum etiam dicunt non-conversi) elicuisse.

Secunda impostura ibidem est, quod Opstratus prærequirat Opera pœnitentiæ, ab his omnibus (actibus) distincta.

Sed refellitur ex ipsa *Dissertatione de Praxi* quæ accusatur. Nam parte 3. cap. 4. §. 5. pag. 72. disertè dicitur, "quod omnes sine controversia admittant, præparationem istam, quæ in discussione conscientie, actibus fidei, spei, dilectionis, doloris, propositi, consistit, ad absolutionem sufficere.

Tertia impostura est, "quod scopus noster sit, Opera pœnitentiæ à contritione & Confessione distincta stabilire, tamquam unicum signum conversionis internæ."

Jam toties hanc imposturam refutavi, ut de ea suspectus esse amplius non possim. Sed videamus, an in errorem damnatum non incidat ipse Accusator.

Sufficere ait duo signa conversionis internæ, *Contritionem* & *Confessionem*; sed quid per contritionem intelligat, investigemus. Vel intelligit contritionem merè internam; vel contritionem operibus proditam; vel significatam tantum verbis. Intelligere non potest contritionem merè internam: Quia hæc cum notior non sit ipsa conversione internâ, signum illius esse non potest. Non intelligit etiam contritionem *Operibus* proditam: Quia opera ubique impugnat. Superest igitur ut intelligat contritionem verbis tantum significatam. Si autem hanc intelligat, necesse est eum incidere in errorem damnatum ab Innocentio XI. propositione 60. inter 65. *Pœnitenti habenti consuetudinem peccandi contra legem Dei, naturæ, & Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat se dolere & proponere emendationem.* Talis enim pœnitens habet duo signa conversionis internæ, *Contritionem* verbis significatam & *Confessionem*, quæ juxta Accusatorem sufficiunt.

Quarta Impostura est, "Quod nulla nobis hætenus de consuetudinariis & Recidivis steterit disputatio." Reflex. 3.

Sed an nescit de Consuetudinariis nobiscum disputasse Authorem *Tractatus de Operibus pœnalibus*, & asseruisse, quod hæc sit *praxis Ecclesiæ universæ, Consuetudinarium prima vice absolve-*

re, modo sincerè affirmet se contritum esse &c. Item secundâ vice, dummodo à prima confessione vitam aliquo modo emendârit? Quin & idem cum proportionem de tertiâ & quarta confessione dicendum? Art. 6. pag. 50.

An nescit eandem doctrinam defendi in libellis, *Praxis & Doctrina communis Ecclesiæ, & Confutatio Responſionis Brevis* &c.

An nescit de Consuetudinariis nobiscum disputasse Doctorem Damen in *Doctrina & Praxi S. Caroli*, ubi ad Assert. 13. & 22. docet, Consuetudinarios primâ saltem & secundâ vice, solius promissionis intuitu, absolvi debere?

An demum nescit, omnes libellos istos à Doctore Steyaert cum magnis encomiis approbatos?

Sed noverat Accusator, Romæ istam de Consuetudinariis doctrinam non ferri; ideoque ei persuadendum, quod nulla de illis foret disputatio in Belgio.

Impositura quinta est, "Quod eodem serè modo habeamus peccata malitiæ & infirmitatis." Reflex. 3.

Sexta, "Quod non secernamus habitum seu consuetudinem re tractatam à non retractata." Ibid.

Septima, "Quod privatâ autoritate stabiliamus novitias regulas contra totius Ecclesiæ utum." Ibid.

Quæ omnia cum absque probatione ulla confidentissimè alleget, ne refutanda quidem, sed neganda tantum putamus.

Superest ut breviter perstringamus quæ objicit.

1. "Si quis, ait ex Antonino, semel ex occasione peccati oblata in peccatum ruit, & postea tristitiam & verecundiam ostendit de peccato, signum est quod peccatum sit ex passione, & quod de facili emendetur, part. 2. tit. 9; c. 6. §. 4.

R. S. Antonini doctrinam admitto; sed nego eam rectè extendi ad quævis crimina, præsertim adhæſionis.

2. Iterum opponit suum Nilum lib. 3. Epist. 243. docentem, quod Dominus Os etiam suscipiat, secundum David dicens, PECCAVI DOMINO.

R. Suscipit Os dicens PECCAVI DOMINO, si Ori cor respondeat: si non respondeat, non suscipit.

3. Objicit praxim S. Philippi Nerii in ejus vita descriptam, qui statâ lege Consuetudinarios absolvebat citò, injunctâ penitentia ut statim à recidiva redirent, iterum citò absolvendi.

R. Si hæc fuerit praxis S. Philippi Nerii, miranda est in Sancto, non

non imitanda; utpotè ordinariis & communibus sanæ Theologiæ regulis non congruens. Quod vel ipse Accusator fatetur, dum ait, nullam nobis hætenus de Consuetudinariis & Recidivis stetit disputationem: stetisset autem, si praxim illam communiter imitandam putasset.

§. 10.

Refellitur Impositura Accusatoris circa hanc propositionem: Juxta ordinarias Dei leges non datur peccatoribus conversio cordis interna, quæ in Sacramento ad justificationem requiritur, nisi per opeta pœnitentiæ impetretur. Opstræt de Labor. Baptif. pag. 8. col. 2. lin. 27.

UNam hic imposturam notabo, quam Accusator habet *Reflexione primâ*, nimirum: "Hæc omnia multum disteere ab iis, quæ D. Hennebellus in Opstratii justificationem Romæ adduxit."

Ego verò affirmo, D. Hennebellum doctrinam istam Romæ nomine Opstratii apertè professum fuisse.

Et quidni Romæ profiteretur Doctrinam, quàm ibidem profiteretur Eminentissimus AGUIRRIUS his verbis: "Licet Deus potestate absolutâ aut providentiâ vel miseratione singulari possit hominem gravium scelerum reum subitò ad ingentem contritionem movere efficaciter & perfectè ad se convertere, nihilominus juxta CUSUM ORDINARIUM ea insignia & præstantissima dona non largitur subitò, sed gradatim, ac MEDIA IMPETRATIONE FACTA PER OPERA PŒNALIA, in Oratione, cleëmofyna, jejunio, fletu, & planctu aliisque mortificationibus corporis & animæ. Per eos autem actus divino auxilio exhibitos, PAULTIAM IMPETRAT peccator majora & ulteriora auxilia ad dilectionem Dei & contritionem &c." Dissert. viii. in Can. 11. & 12. Concil. Tollet. 3. Excurfu 2.

En ipsam Opstratii doctrinam, Eminentissimi Cardinalis verbis expressam: quam proindè non debuerit Hennebellus erubescere.

Sed quid ad hanc Accusator? Unum Nilum opponit dicentem, quod Dominus Jesus confessionem per labia non rejiciat.

R. At neque nos eam rejicimus; modò cum conversione cordis conjuncta sit.

Refutatio imposturæ Accusationis circa hanc propositionem:
Magni fletus & labores exiguntur ad obtinendam remissionem
culpæ mortalis & pænæ æternæ. *Doctrina de Labor. Bapt. §. I.*

Auctor *Doctrinæ de Laborioso Baptismo* post *Observationem* quam locis Patrum subjungit, distinctius explicat, quid per *magnos fletus & labores* intellectum velit, ne quis doctrinam ut justo rigidiorē accusaret: Id omittere Accusator non debuerat.

Sed gravius Authori illi imponit *Reflexione primâ*, ubi dicit, "Quod censeat opera pœnitentiæ à confessione & contritione distincta necessario præmittenda esse ad obtinendam remissionem culpæ mortalis & pænæ æternæ." Verum hanc imposturam refutavit Opstratius (terè sine hyperbole dixerim) sexcenties, ut videre licet in *Expositione Doctrinæ de labor. Bapt. sub art. 4. 7. & 13.* Item in *Responsione Brevis*, *Responsione pro Responsione Brevis*, *Disquisitione Altera Asserta*, & alibi.

Quo verò sensu propositionem illam tradat intelligi debet, non ex Accusatore, sed ex ipsa *Doctrina de Laborioso Baptismo*; quæ si vel legatur, omnis mox impostura & Accusatio evanescet. Sed quæ Accusator objicit, excutiamus.

1. Opponit Tridentinum sess. 14. c. 2. "ubi pœnitentiam non vocat Laboriosum Baptismum, nisi quia non sine magnis fletibus & laboribus obtineri potest, ut Pœnitentia sit nobis Baptismus, id est, ut tantum nobis proffit, quantum Baptismus profuit, dum nova prorsus in illo (Christo) efficimur creatura, plenam & integram peccatorum omnium remissionem consequentes, nimirum à culpa & pœna, tam temporali, quam æterna."

R. Non ob eam solum causam Pœnitentiam vocari laboriosum Baptismum; sed etiam, quia non sine magnis fletibus & laboribus obtineri solet remissio culpæ mortalis & pænæ æternæ, ostensum est in Scripto, *Locus Concilii Tridentini de laborioso Baptismo sess. 14. c. 2. Vindicatus*, ad quod Lectorem remitto. Unum adjicio, quod locum illum de remissione culpæ mortalis & pænæ æternæ etiam intelligant duo Magni Episcopi, Virodunensis & Atrebatensis. Nam ille in suo *RITUALI de Sacramentis* in genere §. 3. docet, quod Deus condonare non soleat iis, qui suum Baptismum

mum violarunt, nisi post multas lachrymas; quod prebat ex hoc loco Tridentini, Non sine magnis nostris fletibus & laboribus: Hic verò in sua Instruptione cap. 7. eundem locum afeit, ut conversionem magni peccatoris difficilem esse ostendat.

2. Opponit etiam Caput 14. sess. 6. ubi eadem Synodus pœnitentiae opera exigit, *non quidem pro pœna æterna, quæ vel Sacramento vel Sacramenti voto unà cum culpa remittitur, sed pro pœna temporali: Cui cum directè opponatur propositio, videtur erronea & fortè aliquid amplius: quia palmarem Concilii Definitionem evertens. Ita Accusator.*

R. Sed jam dudum objectio ista elisa est in *Doctrina de Lab. Bap.* n. IV. Item in *Appendice ad Doctrinam* Append. VI. §. 2. n. 2. Ubi ex Vasquesio in 1. 2. q. 113. art. 2. Disp. 203. c. 9. ostensum est, propositionem istam nequaquam Concilio opponi. Nam Concilium eo loco agit de justificatis, quibus jam pœna æterna remissa est; ideoque non mirum, quod pœnitentiae opera ab illis non exigit *pro pœna æterna, sed tantum pro pœna temporali: Propositio verò agit de peccatoribus, quibus nondum pœna æterna remissa est; & hos cum eodem Concilio sess. 14. cap. 2. non sine magnis fletibus & laboribus in Sacramento Pœnitentiae justificari solere affirmat. Quare sicut Concilium sess. 6. cap. 14. non opponitur sibi ipsi sess. 14. cap. 2. ita nec propositio opponitur Concilio.*

3. Objicit Bellarminum lib. 4. de pœnit. c. 13. ubi dicit, "præceptum illud, *facite fructus dignos pœnitentiae*, dari quidem hominibus in hac vita, sed intelligi *cum conditione*, si videlicet velit "quis perfectam remissionem peccati quoad omnem pœnam."

R. Hoc minimè repugnat propositioni quæ asserit, non solere Deum juxta cursum ordinarium nisi per magnos fletus & labores peccatori conversionis donum largiri, eique culpam mortalem & pœnam æternam remittere.

4. Allegat usum Ecclesiæ, quæ pœnam quidem irrogat, sed tantum exequendam post absolutionem; adeoque tantum pro pœna temporali.

R. Sed usus etiam Ecclesiæ est, peccatoribus nondum ad absolutionem dispositis injungere quædam opera pœnalia, quibus sensim curentur, & ad consequendam remissionem culpæ mortalis & pœnæ æternæ disponantur. Utrumque usum amplectimur; nec alter alterum excludit.

5. Opponit Morinum qui codice de pœnit. pag. 139. producit

varias antiquas Græcorum formulas absolutorias, quarum aliæ adhibebantur *statim post confessionem*, aliæ in fine post pœnitentiæ opera peracta. Primas ostendit fuisse absolutorias à peccato, in foro poli; secundas à pœnis in foro fori. Ex quo infert Accusator, quod nequidem in pœnitentiis solemnibus magni illi fletus & labores exacti fuerint ad obtinendam remissionem culpæ.

R: Contrarium discet Accusator ex Morino de pœnit. lib. 9. c. 3. & 4. ubi Sacramentalem absolutionem non nisi post magnos fletus & labores olim concessam fuisse ostendit: Cujus etiam dilationis causas fusè refert lib. 1. cap. 14. & seqq. Ubi inter cæteras allegat etiam has duas. 1. Ut contritionis dolor, qui soli Deo cognitus est, lapsu temporis, per opera pœnitentiæ hominibus innotesceret. 2. Ut Operibus istis laboriosis pœnitens misericordiam Dei sibi alliceret & impetraret. Cap. 16. Ibid.

§. 12.

Refellitur Impostura Accusationis circa hanc propositionem: Regula prudentiæ in administrando Sacramento Pœnitentiæ observandæ Past. Bon. pag. 188. Regula decima; Ordinariè nocet pœnitenti dubiè disposito absolvi. Ibid. pag. 190. Si autem aliquo tempore se à peccatis continuerit, & aliquo modo pœnitentiam fecerit, potest saltem dubiè dispositus judicari Ibid. 350.

TRia sunt, quæ hic capit Accusator.

Primum, quod Author Pastoris Boni *vocet dubiè dispositum, ubi non est justa causa dubitandi* Reflex. 1.

Secundum, quod *Autoritate privatâ statuat regulas.* Ibid.

Tertium, quod *scopus ipsius videatur esse, suspendere absolutiones, & plerasque odiosas reddere.* Reflex. 2. Additque *proinde falsum esse id quod Hennebellus ad propositionem primam Romæ dixit: Opstratio cum suis sufficere emendationem & pœnitentiam aliquo tempore præmissam.* Ibid.

Ad singula respondeo.

Ad primum quidem: Nulla verosimilitudine dici posse, certò semper dispositum judicandum esse pœnitentem, *qui aliquo tempore se à peccatis continuit, & aliquo modo pœnitentiam egit:* cum enim nullus propè sit tam impius, qui non saltem modico aliquo antè Confessionem tempore se à peccatis contineat, & quancumque pœnitentiam agat; nemo etiam propè esset, qui non de-

deberet certò dispositus judicari: quod nulli iudicio sano videbitur.

Præterea Pastor bonus loco citato manifestè agit de poenitente, qui *aliquo* quidem *tempore* & *aliquo modo poenitentiam* egit, sed nondum proportionatè ad peccatorum suorum gravitatem, numerum, adhesionem &c. quemadmodum agere deberet, nisi urgeret aliqua necessitas: agit enim de sponsis ob necessitatem aliquam Matrimonio jungendis.

Ad secundum: Non magis Autorem Pastoris Boni accusari hic posse de auctoritate privatà, quam accusari de ea possint alii quivis Theologi, qui ex Scriptura Sacra & traditione doctrinam & praxim administrandi Sacramentum Poenitentiae proponunt.

Ad tertium: Non nisi per temeritatem calumniae plenam ex verbis Pastoris Boni colligi potuisse scopum tam impium, *suspendere omnes absolutiones & plerasque odiosas reddere*. Quæ enim consequentiæ species: *Pastor Bonus docet, poenitentem qui aliquo tempore se à peccatis continuit; & aliquo modo poenitentiam egit, posse saltem dubiè dispositum judicari; Ergo scopus ipsius esse videtur, suspendere omnes absolutiones & plerasque odiosas reddere?* Sic tamen ratiocinatur *Querulus*.

Quod addit, falsum proinde esse id quod Hennebellus Romæ dixit, *Opstratio cum suis sufficere emendationem & poenitentiam aliquo tempore præmissam*, ipse fallitur: Sufficit enim præmissam esse *aliquo tempore*, longiori vel breviori; criminum qualitati & circumstantiis proportionato, quod dixit Hennebellus: Non sufficit præmissam esse *aliquo tempore*, criminum qualitati & circumstantiis non proportionato, quod dixit Opstratius. Proinde nec Hennebellus Opstrario, nec Opstratius Hennebello contrarius est.

Verbo diluenda sunt argumenta duo quæ opponit *Reflex. 3.*

1. Augustinus gravissimo peccatori dicit, *corrigere te hodie; quid differis in crastinum?* Ergo non requiritur tempus longum, ubi sufficit hodiernum.

R. Similia argumenta jam solvi sæpius, ac ostendi nil aliud ex ejusmodi locis Patrum sequi, quam peccatorem posse, non autem solere repente & brevissimo tempore converti: alioquin etiam securum, brevissimo tempore converti solere peccatores quosque gravissimos; cum hos etiam sic SS. Patres hortentur. Vide *Appendicem ad Doctr. de Lab. Bap.* à pag. 45. usque ad 68.

2. Alterum argumentum ducit ab exemplo S. Philippi Nerii

"qui etiam consuetudinarios statim absolvebat, inunctâ pœnitentiâ „ ut recidivi mox redirent, statim denuo absolvendi; & sic pluri- „ mos, etiam à consuetudine, curabat." Ex quo infert, absolutio- nem ordinariè non nocere Pœniteni, de quo propositio: præsertim cum hic non agatur de Consuetudinariis.

R. Exemplum istud S. Philippi Nerii (si res ita se habeat) ad- mirandum est, ut jam supra monui, non imitandum: si enim sin- gulari istam Consuetudinarios subito convertendi gratiam ha- buerit Vir ille singulari sanctitate præditus; non eandem sibi arro- gare possunt quivis de grege Confessarii: ac proindè se debent communibus Theologiæ regulis conformare: Quod si contendat *Querulus*, exemplum istud passim imitandum esse; cur non infert passim etiam mox absolvendos esse Consuetudinarios recidivos? Sed jam supra scilicet processus est, nullam sibi nobiscum hætenus de Consuetudinariis & recidivis stetisse disputationem. At steterisse debuerat, si exemplum S. Philippi Nerii passim imitandum sit: si autem passim imitandum non sit, non debuerat indè argumen- tum desumere.

Firma ergo manet Regula, quam impugnat Accusator: *Ordinariè nocet pœniteni dubiè disposito absolvi*: si enim noceat pœniteni, exponi (absque necessitate) periculo sacrilegii; profectò pœniteni dubiè disposito ordinariè nocet absolvi: cum pœnitens dubiè dispositus periculo sacrilegii exponatur.

S. 13.

Refutantur imposturae Accusationis circa hanc Propositionem, quæ inter 61. fuit decima tertia: Pro verisimili Dispositione invenientur hæc & similia: peccavit tantum ex infirmitate, confitetur cum gemitu, tussione pectoris, lachrymis &c. protestatur se dolere ex amore Dei super omnia dilecti, emendationem firmissimè proponit, dicit se malle mori millies, quàm Deum vel semel lethali ter offendere, affirmat se numquam ita doluisse ut nunc dolet, est Vir sincerus & prudens cui possit fides adhiberi. Pro necessitate autem absolvendi adferentur hæc & ejusmodi: Est magna festivitas vel Indulgentia; si non absolvatur, numquam redibit; incipiet nocere bonis Confessariis, detrahendo, obmurmurando, alios instigando &c. si non communicet, incurret infamiam apud alios qui id notabunt, debet per absolutionem & Sacramentum Eucharistiæ muniri adversus relapsum
&c.

&c. Quæ omnia dum prudentiâ carnis ponderant quidam directores, quosvis passim absolvunt: prudentiâ carnis, inquam, nam hæc omnia eò tantùm inveniunt, ut liceat sibi, quod carni gravissimum est, omnibus hominibus satisfacere, & nullum incommodum à pœnitentibus sustineant. *Past. Bon. pag. 179. sive part. 4. cap. 6. §. I. n. 3.*

Prima impostura est, quod in propositione omittat Accusator, sermonem esse in Pastore Bono de quibusdam Animarum directoribus, qui dum cupiunt quosvis passim absolvere, in omni pœnitente, quantumvis malè disposito, quamdam verisimilitudinem dispositionis & quamdam necessitatem absolvendi prudentiâ carnis inveniunt. Quare sic exprimi debebat propositio: *A quibusdam Animarum Directoribus, in omni pœnitente, quantumvis malè disposito, per prudentiam carnis pro verisimili dispositione irruentur hæc & similia: Peccavit tantum ex infirmitate* &c. Quæ expressio cum narret tantum quid faciant quidam secundum carnem prudentes, qui quosvis passim absolvunt; non video quo pacto dici posset *temeraria, & injuriosa multis piis ac doctis Pastoribus*, ut propositionem censurat *Querulus*: cum nulli pii ac docti Pastores quosvis passim, quantumvis malè dispositos absolvant.

Altera Impositura est, "Quod Author Pastoris Boni non censeat, „prædictas dispositiones & necessitates posse etiam ponderari prudentiâ spiritus, quasi tunc ad absolutionem sufficerent."

Tertia, "Quod rejiciat signa conversionis sanctissima, & ad prudentiam carnis remittat illis acquiescere." Resl. 1.

Quarta, "Quod scopus ipsius videatur esse, non absolvere nisi „eos, quos certò constat jam à Deo absolutos esse. Resl. 2.

His addere possem propositiones 9. 10. & 12. quas ex verbis Pastoris Boni non satis fideliter Accusator fabricavit: sed imposturarum satis est.

Cum autem imposturas suas non probet; nolo iis refutandis immorari: sed superest aliquid circa propositiones 11. & 13. quæ possent fidelius excerptæ videri.

Propositio undecima hæc est: *Pro non dispositione pœnitentis sufficit sola operum absentia.*

R. Hæc, fateor, verba sunt Pastoris boni: sed miror ea ab ipso accusari potuisse; cum Theologum esse non putem, qui ea neget.

Siquidem requirunt omnes, ut Confessione saltem, dum fieri potest, præmittatur præparatio quæ in discussione Conscientiæ, & conatu ad eliciendos actus fidei, spei, dilectionis, propositi consistit: quam si ne pœnitens quidem, ubi potuit, adhibuerit, censent omnes solam illam præparationis istius absentiam pro non dispositione ipsius sufficere: Atqui hæc præparatio etiam inter opera recensenda est: proinde cum de Operum absentia loquitur Pastor Bonus, de illius etiam præparationis absentia loquitur. Non quod velit pro dispositione Pœnitentis præparationem istam passim sufficere: sed quod pro non-dispositione sufficere putet solam operum, atque adeò illius etiam præparationis, absentiam. Quandonam verò præparatio ista sufficiat, & quandonam præter præparationem istam alia etiam opera requirantur, id eo loco non determinat Pastor Bonus: tantum ponit generalem hanc regulam, pro dispositione Pœnitentis præcipuè ponderanda esse opera, juxta Evangelium, *Ex fructibus eorum cognoscetis eos*; solam autem operum absentiam pro non-dispositione sufficere.

Porro ne videar verba Pastoris Boni in alienum sensum detorquere, manifestum est Pastorem bonum loco citato distinguere signa dispositionis in verba aut signa verbis tantum æquivalentia, & Opera: Quidquid autem est plusquam verba aut signa verbis tantum æquivalentia, sub Operibus comprehendit: Atqui præparatio ista, quæ in discussione conscientiæ & conatu ad eliciendos actus fidei, spei, dilectionis, propositi consistit, est plusquam verba aut signa verbis tantum æquivalentia: Ergo Pastor Bonus sub operibus istam etiam præparationem comprehendit. Absit tamen ut propterea censeat præparationem istam passim in peccatoribus sufficere: sed opera peccatorum gravitati, numero, durationi, aliisque circumstantiis proportionata requirit.

Propositione decimâ tertiâ accusat Certitudinem Moralem.

Sed hæc tum ex Decreto Innocentii XI. tum ex Illustrissimorum Ecclesiæ Præfulum Instructionibus, tum ex Theologorum omnium doctrina sic stabilita est, ut *Queruli Accusatoris* murmure concuti amplius non possit.

Innocentius XI. *illicitum esse* definivit, in *Sacramentis confendis sequi opinionem probabilem de valore Sacramenti, relicta tutiore* &c. Atqui hoc facit is, qui certitudinem aliquam moralem non habet de dispositione Pœnitentis, quam habere potest: Ergo &c.

Illustrissimus Episcopus & Comes Virodunensis in Instructione cui titulus: *Pratique du Sacrement de Penitence* &c. Tract. 3. de Contrit. hanc regulam præscribit tertiam: *Confessarius non debet (generaliter loquendo) supponere quod suus pœnitens veram contritionem habeat; sed debet se de ea securum reddere per signa MORALITER CERTA. Nam in praxi non supponitur, nisi id de quo dubitari non debet. Porro nullâ est inter partes pœnitentiæ, de qua tanta dubitandi ratio habeatur, quanta de Contritione.*

Illustrissimus Antistes Atrebatensis cap. 5. suæ Instructionis non minus disertè docet, *Persuasionem Confessarii de Contritione sui pœnitentis non debere esse persuasionem qualemcumque.... sed firmam, ut possit in ipso formare CERTITUDINEM MORALEM.*

Eandem esse Theologorum omnium sententiam, testatur idem Illustrissimus ibidem, dum addit: *Casuiistas omnes, etiam laxissimos, in materia pœnitentiæ, illam necessariam in Confessario judicasse.*

Postremò ipsa ratio docet, dum non habetur certitudo quædam moralis de dispositione pœnitentis, haberi de ea morale dubium; dum autem de ea habetur morale dubium, tunc certum est, & Sacramentum periculo irreverentiæ, & suscipientem periculo salutis, & Ministrum simul cum suscipiente periculo sacrilegii exponi.

Cæterum si displiceat Accusatori definitio Certitudinis Moralis, quam ex scripto, *Certitudo Moralis*, adjungit; adeat *Responsionem Brevem* §. 3. & *Respons. pro Respons. Brevis* §. 1. Item *Disquis. Alteram* §. 13. & *Disquis. Alteram Assertam* §. 12. Ubi ea abundè defensa est. Ad ea quæ objicit veniamus.

1. Inter Patres chorum ducit S. P. Nilus; *Ne itaque, inquit ille, ruditer enunties, nuda pœnitentiæ verba à Deo non suscipi... Tu multos fortè & ingentes salute spoliās cum dicis: Verba sola non suscipit Deus. Contraria servatori doces, ô homo!*

R. Si nuda & sola verba sufficiant S. Patri Nilo, profiteamur nos ab illo recedere: si non sufficiant, objicere nobis non potest. De sensu autem ipsius contendere non libet.

2. Opponit Catechismus Romanum part. 2. de Sacram. Pœnit. n. 82. ubi docet eos, qui prorsus imparati ad confessionem veniunt, posse absolvi, *si auditâ confessione judicaverit* (Sacerdos) *neque in enumerandis peccatis diligentiam, neque in detestandis dolorem, omnino defuisse.* Quid ergo, inquit, de aliis?

R. Imò verò docet ibidem Catechismus Romanus, *homines*
H. 2. pror-

(32)
prorsus imparatos debere humanissimis verbis dimitti: eos verò qui affirmant se in eam rem omne studium & diligentiam contulisse, audiendos esse, & absolvi posse si audita confessione judicaverit. &c.

3. Argumentatur ex parabola de filio prodigo, dicitque "totum spatium, quod inter filii propositum eundi ad Patrem, & citam Patris receptionem intercessit, in Evangelio non recitari: quia conversio non itineris laboribus, sed recessui à porcorum pastione ne adscribitur."

R. Spatium istud recitatur his verbis: *Surgens venit ad Patrem suum*. Undè & conversio rectè, non solum recessui à porcorum pastione, sed & itineris laboribus adscribitur.

"At vim, inquit, maximam in adducto exemplo ponimus, quod filius tot criminum reus, unicà confessione defunctus sit, & quod inter confessionem & reconciliationem nullum notabile tempus intercesserit."

R. Et nos peccatorem tot criminum reum unicà confessione defungi permittemus, nullà inter confessionem & reconciliationem morà interposità, si ea quæ filius prodigus, confessioni ultro præmiserit. Plura de filio prodigo vide in Doctrina de Lab. Bapt. pag. 123. & seqq. Item Disquis. Altera asserta §. 7. pag. 31: & seqq.

4. Objicit ex Concilio Tridentino sess. 14. c. 5. *Ipsam Confessionis difficultatem ac peccata detegendi verecundiam*, graves labores esse.

R. Non id diffitemur: sed illi præcipuè labores non sunt ob quos idem Concilium Pœnitentiam laboriosum Baptismum à Patribus dictum fuisse testatur.

5. Opponit ex Bellarmino De Pœnit. lib. 2. c. 11. "Non requiri, certum gradum intensiōis, neque MORAM ULLAM TEMPORIS, ad veram contritionem."

R. Ipse Bellarminus se explicat, dum ex Ecclesiastico mox subjungit: *Facile est in oculis Dei subito honestare pauperem*. Cap. 11. Quo significat, Deo quidem id facile esse; sed non propterea id Deum passim facere solere.

6. Adsert S. Franciscum Salesium, qui Collat. 18. dicit, *vix esse opus tempore ut (actus Contritionis) ritè eliciatur*.

R. Sanctus ille Collatione citatà alloquitur Animas quasdam spirituales & perfectas, à quibus facilè actus contritionis circa venialia, quæ quotidie committunt, exiguo tempore elici nemo negat:

gat: Sed ab his argumentari ad peccatores, nec sana Theologia nec Dialectica patitur.

7. Addit ex Augustino lib. 2. cont. Cresc. cap. 19. hæc verba: *Sive ad malum, sive ad bonum*, PARVO MOMENTO animus commutatur.

R. Sed sensus Augustini alius non est, quàm parvo momento animum commutari, cum Deus vult: ut ex contextu apud Augustinum patet.

8. Afferit plerosque, qui ex infirmitate labuntur, *quoad culpam* sanari citò; nihilominus relinqui peccati reliquias successivè sanandas: ad quæ probanda citat S. Thomam p. 3. q. 86. 2. 5. ad 1,

R. Sed ne verbo quidem illic S. Thomas significat, eos qui ex infirmitate labuntur, cito quoad culpam sanari: reliquias autem sanari dicit aliquando subito, aliquando successivè.

9 Adducit Catechismum Romanum, "qui ex una parte nō aliùs „inculcat pœnitenti, quàm ut statim confiteatur, & ex alia citam „à peccatis absolutionem addicit." p. 2. c. 5. n. 42. &c.

R. Non aliud isto & aliis similibus locis, addicit Catechismus, quam Deum mox, ut peccator conversus est, veniam largiri.

10. Distinguendum esse ait forum poli à foro tori; *In foro poli seu conscientie creditur homini pro se & contra se, non autem in foro exterioris iudicii.* S. Thom. in 4. dist. 17. q. 3. art. 3. ad. 2.

R. "Non aliud vult S. Thomas, dum ait pœnitenti pro se & „contra se esse credendum, quam credendum ei esse SOLUM DE „FACTIS, ut quod confessus fuerit, quod talia fecerit vel non fecerit &c. Confessariorum autem est de dolore, proposito, dispositione judicare ex signis." Sic istam S. Thomæ sententiam explicat Doctor Steyaert in Aphorismis de Sacram. Pœnit. §. 15. n. 13. Quin & Accusator ipse hic illam limitat ex S. Carolo Borromæo his verbis: *Nisi probabilem de non sincero emendationis propositum tunc faciat.*

11. Oppugnat Certitudinem Moralem ex S. Thoma p. 3. q. 80. art. 4. ad 5. ubi dicit, *quod homo PER CERTITUDINEM SCIRE NON POSSIT, utrum sit verè contritus: sufficere autem, si signa contritionis in se inveniat, puta si doleat de præteritis, & proponat cavere de futuris.*

R. Intelligit S. Thomas certitudinem omnimodam, qualem nec habebat Apostolus dicens: *Nihil mihi conscius sum, sed non in hoc justificatus sum*, 1. Cor. 4. cum tamen haberet Certitudinem

Moralem: Et ad hanc signa, et si non omninò infallibilia, sufficiunt. Locum autem illum S. Thomæ fusiùs explicatum vide in *Disquis. Altera* à pag. 381. ad 392. Item in *Disquis. Altera Asserta* à pag. 73. ad 77. &c.

12. Rursum ex S. Thoma p. 3. q. 84. art. 10. ad 4. objicit, quod relabi in peccatum *non excludat, quin prima penitentia vera fuerit*: nos proindè ex quodam S. Gregorii loco malè concludere, solorum non relabentium propositum verum fuisse.

R. Non id concludimus: sed passim relabentium propositum meritò suspectum esse, cum S. Gregorio aliisque Patribus putamus.

13. Dicit Sacramentum Pœnitentiæ institutum esse, *ut per Sacerdotum sententiam, non SEMEL, sed QUOTIES ab admittis peccatis ad ipsum pœnitentes confugerint, possint liberari.* Trid sess.

14. c. 2.

R. Et nos hoc dicimus: sed an toties ad absolutionem dispositi sint, Sacerdotum prudentiæ Concilium relinquit.

14. Dicit Tertullianum ex nimia austeritate in Montanistarum Hæresim prolapsum esse, idque ab Adversariis diligenter notandum.

R. Sed non minùs notandum, plures in hæresim prolapsos esse ex nimia laxitate: ut prolapsi sunt Audiani.

15. Objici dicit ab Opstratio, quæ objiciuntur à Tertulliano jam lapsò: *Quis timebit prodigere, quod habebit postea recuperare?* &c. lib. de pudic. cap. 9.

R. Usus est aliquando Opstratius his & similibus SS. Patrum locis: *Quod faciliè sanatur non multum cavetur.* Aug. in Psalm. 6. *Si citò rediret homo ad pristinam beatitudinem, ludus illi esset peccando cadere in mortem.* Idem Serm. 34 de divers. c. 12. *Incentivum peccati tribueretur delinquenti.* Ambros. in Psal. 118. Idque non aliò, quam ut ex SS. Patribus ostenderet, quam perniciofa sit nimia in absolvendo facilitas: sed habere eum commune aliquid cum errore Tertulliani jam lapsi, atrox calumnia est.

16. Refutare conatur similitudinem desumptam à febricitante, dicens non adverti ab Opstratio, febrium malitiam naturalem esse, non moralem: malitiam autem moralem voluntate retractantis tolli; febrium autem non nisi purgatione peccantis humoris &c.

R. Similitudo in eo sita est, quod sicut recursus febris, statò tempore ut priùs redeuntis, signum est, adhuc dominari in corpore humorem illum peccantem, qui febrium producit, etsi tempore medio

dio intermittat: ita relapsus in peccatum, æquè frequens ac prius, signum sit, adhuc dominari in voluntate & nondum retractatam esse cupiditatem, quæ producit peccatum: signum, inquam, non infallibile, sed morale quoddam, quod sufficit ut conversio identidem relabentium suspecta sit.

17. Tandem objicit quædam ex libro *de vera & falsa pœnitentia* apud S. Augustinum, ubi dicitur: *Videmus adhuc quotidie in Ecclesiâ sæpe febricitantes, sæpe languidos, sæpe passionibus captos, sæpe liberari; ut appareat toties opus miserantis, quoties confessio pœnitentis.* cap. 5.

R. Hæc meritò Autor ille adversus eos, qui potestatem sæpius post Baptismum remittendi peccata in Ecclesiâ negabant: sed immeritò ea *Querulus* adversus nos, qui potestatem illam in Ecclesiâ palam profitemur.

Fatigo, scio, Lectorem hisce refutandis: sed veniam spero, qui non nisi coactus id faciam.

§. 14.

Refellitur impostura Accusationis circa hanc propositionem: Adeo ut prorsus sensu & judicio communi destituti esse videantur Directores illi, qui sine ulla vitæ mutatione prævia judicant suos Pœnitentes esse conversos, dummodo se de peccatis dolere, & emendationem proponere, verbis, gemitibus, lachrymis, aut similibus signis protestentur. *Past. Bon. parte 4. cap. 6. §. 1. num. 3.*

MUtilam esse propositionem, indicat particula, *Adeo ut*, à qua incipit: Indicat enim eam pendere à textu præcedente, qui supprimitur, ut facilius persuadeantur imposturæ, quæ sequuntur *Reflex. 1. & 2. Sensus propositionis tendere in censuram aliter sapientium, quasi sensu & judicio communi destituti esse videantur; & scopum videri esse, Directores animarum aliter practicantes odiosos & contemptibiles reddere.*

Siquidem propositio si cum suo contextu exhibeatur, reducitur ad hoc argumentum: "Ex solo sensu & judicio communi vulgus
"statuit, conversos non esse, qui vitam & mores non mutant, ut
"patet in Ludi-Magistro, Patre, Domino, Patre-familias &c.
"Ergo sensu & judicio communi destituti esse videntur Directores
"illi, qui sine ulla vitæ mutatione prævia judicant suos pœnitentes

"esse conversos." Cujus argumenti solam conclusionem exhibuit Accusator, ut hæc à suo antecedente avulsa, duriuscula appareret.

Propositioni autem opponit hæc verba: *Considerabit Confessor animum mentemque pœnitentis, ac fletum, gemitum, & lachrymas intimi doloris indices.* S. Carolus in Sacram. de Sacram. pœnit. sub tit. 5.

R. Omnino hæc consideranda sunt; sed simul etiam consideranda est hæc S. Caroli Borromæi regula: *Consultum est absolutionem differre, donec evidens appareat emendatio in iis, qui TAM-ETSI DICANT AC POLLICEANTUR quod se eximent peccato, tamen Confessario probabilem faciunt metum, nè contrarium contingat.* Instruct. Past. p. 2. c. 15.

S. Patrem Nilum, aliosque, dicit se opposuisse ad propositionem primam: Ubi & illis responsum est.

§. 15.

Refellitur Accusatio circa hanc propositionem quæ inter 61. fuit decima: Quid agendum Confessario, si obtulerit se Sacerdos aut Pastor vitæ alioquin bonæ, sed qui ex infirmitate & tentatione insolita semel lapsus sit?... Proindè æquum videri, ut cum olim Sacerdos lapsus in perpetuum, nunc saltem ad tempus valdè notabile ab officii sui munere excludatur. Past. Bon. part. 4. Cap. 1. §. 7. & 9.

Priusquam ostendam, quam æquum hoc sit, duo observatum velim. Primum, agi hic de crimine, ob quod olim Sacerdos lapsus ab officio removebatur in perpetuum, ut ex ipsa propositione manifestum est.

Secundum, non agi de casu necessitatis: nam de eo speciatim agit Pastor Bonus §. 12. sequente, ubi & admittit necessitatem posse esse ejusmodi, ut liceat Sacerdoti lapsso sine pœnitentia ad tempus notabile prius peracta celebrare aut Sacramentum aliquod administrare.

His observatis, quid mitius dici poterat de Sacerdote lapsso in crimen, ob quod Clerici olim in perpetuum ab officio removebantur, quam æquum videri, ut dum nulla urget necessitas, ad tempus saltem valdè notabile ab eo removeatur?

Etenim "omne crimen, præsertim carnis, commissum post Baptismum, à tempore Apostolorum, sive secretum sive publicum, "im-

"impedimento perpetuo fuisse ad recipiendum Sacros Ordines, & administrandum jam susceptos," ostendit Eminentissimus ACQUIRRIUS Dissert. 10. Excursu 5.

Eandem disciplinam stabilitam etiam fuisse variis Canonibus & Decretis Conciliorum Hispaniæ, ostendit ibidem Excurs. 1.

Quin & annis circiter quinquaginta post obitum S. Gregorii, sæculo nimirum septimo mediante, eam religiose observatam fuisse, probat ibidem ex Epistola Martini Papæ ad Amandum Episcopum Trajectensem, cui ita scribit: *Nullatenus in huiusmodi peccato delinquentibus ad destructionem canonum Compassionem exhibeas. Nam qui semel post suam ordinationem in lapsum ceciderit, deinceps jam depositus erit, nullumque gradum Sacerdotii poterit adipisci: sed sufficiat ei lamentationibus fletibusque assiduus, quoadusque advixerit, in eadem pœnitentia perseverare, ut delictum commissum divina gratia extinguere valeat.*

Porrò veterem istam disciplinam proponit Vir Eminentissimus, non tantum ut cognoscat, sed & quodammodo, si fieri possit, ut instauretur quantum nostrorum temporum conditio fert, ut monet in Præfat. ibidem.

Nec dubitat, quin Canones illos de Clericis lapsis in peccatum carnis præ oculis habuerit Concilium Trid. sess. 22. ubi præfatos Canones de Vita & honestate Clericorum in usum revocari & ab omnibus accuratè custodiri præcepit. Ibid. Excurs. 11.

Hinc neque dubitat, quin multi ex Patribus Tridentinis, velut S. Carolus Borromæus, Venerabilis Bartholomæus de Martyribus & alii similes in suas Diœceses reversi, omni studio & diligentia curaverint observantiam & instaurationem eorundem Canonum, prout ut ipsis præceptum erat additâ comminatione illâ: *Ne subditorum neglectæ emendationis ipsi condignas, Deo vindice, pœnas persolvant.* Undè & idem S. Carolus ait, nihil magis curavit inculcavitque opportunè importunè, quàm observantiam & instaurationem nemi sacrorum Canonum & veteris disciplinæ Ecclesiasticæ. Ibid.

Certè Instruct. Past. part 2. cap. 20. Confessarios monet his verbis: *Confessarius Canones pœnitentiales ad unguem sciat oportet; nam quamvis illi possint & debeant secundum prudentis & timorati Confessarii arbitrium mitigari, prout pœnitentis contritio, personarum qualitas, diversaque conditio, aliæque circumstantiæ ostendent; utilissimum tamen est semper ipsos Canones præ oculis habere, atque eos ad amissum respicere, quantum conveniens erit.*

Quæro jam, quid Confessarius hisce S. Caroli monitis obtemperare volens, minus facere possit; quam ut Sacerdoti in crimen lapsi ostendat, olim sacerdotes ejusmodi à ministerio suo remotos fuisse in perpetuum; proinde æquum videri, ut ipse saltem removeatur ad tempus valde notabile, præsertim ubi nulla urget mox cum restituendi necessitas?

Si cui adhuc id minus æquum videatur; is, quæso, expendat, non solum Canonibus Ecclesiæ, sed & jure naturali ac divino sanctum esse, ut SANCTA SANCTE tractentur: non videri autem Sanctitatem tam Sanctis Mysteriis tractandis necessariam recuperari ordinariè à Sacerdote, qui tanto ea crimine contaminavit, nisi ad eam per tempus valdè notabile operibus pœnitentiæ, orationibus, aliisque pietatis exercitiis contenderit. Et esto eam citius recuperasset; quis poterit tam citò de ea recuperata securitatem præstare? Quis proinde non censeat, tutius saltem esse & æquius per tempus valdè notabile, dum nulla est necessitas, ab officio cessare, quam cum periculo sacrilegii, absque necessitate, se tam immaturè officio ingerere?

Hunc profectò vel hodiedum esse Ecclesiæ sensum, ex eo collige, quod Episcopus in Ordinatione Presbyterorum *providendum* esse dicat, ut *Cælestis sapientia, probi mores, & DIUTURNA JUSTITIÆ OBSERVATIO ad id electos commendet*: DIUTURNA enim non erit, nisi fuerit per *tempus valde notabile* continuata. Quod si *diuturna* fuisse debeat, antequam Ministerium Sacerdotale primum suscipiatur: quidni & diuturnam fuisse oporteat, priusquam ad idem redeatur post crimen commissum? Nisi forte qui crimine ministerium suum commaculavit, & eo se indignum reddidit, citius ad illud venire dignus sit, quam qui numquam id sacrilegii commisit.

Præterea etsi Ecclesia veterem suum circa Sacerdotes lapsos rigorem relaxarit; adhuc tamen hodiedum vult, ut suo officio non restituantur, nisi post pœnitentiam dignè peractam. Quis autem post crimen censeat eos dignè pœnitentiam egisse, nisi saltem per tempus valdè notabile se ab Altari, quod contaminârunt, corde contrito & humiliato abstineant?

Hujus disciplinæ, post relaxatos antiquos Canones, assertorem habemus Sanctum Anselmum lib. 1. Epist. 56. ad Abbatem Guilielmum Edit. Colon. 1612. ubi suam de lapsis Sacros Ordines habentibus sententiam rogatus, responderet, *Eos, qui se apertâ libidinis*

conversazione Deo reprobables exhibent (id est , Interprete Eminentiſſimo AGUIRRIIO Dissert. 10. Excurs. 9. qui notoriè in ea parte peccarunt , sive quorum turpitudine nota est) juxta Sacros Canones & Sedis Apostolicæ Decreta , *nullatenus amplius Sacris Ordinibus uti posse* , sed debere ab Altari abstinere in perpetuum : Eos verò , qui occultè lapsi sunt , posse restitui , sed hâc conditione , *si per Sacrificium spiritus contribulati , cordisque contriti & humiliati Deum placantes , ad virtutum profectum studiosè contenderint*.

Tutiùs tamen esse dicit , etiam his , abstinere. " Quoniam , „ inquit , fermè semper occultum est , *quorum remissa sunt iniquitates , & quorum tecta sunt peccata*."

Sed quia non omnes volunt tutius istud amplecti , distinguit inter eos qui abſinent sponte , & eos qui abſinent inviti. Invitos (post actam nimirum dignè pœnitentiam) prohiberi quidem in perpetuum non debere existimat. Sed eos , qui indicenti cessationem sponte consentiunt , dicit multò tutiùs ministrare aut permissoſ aut etiam jussos. UTRISQUE tamen NECESSARIUM ESSE UT VEL AD TEMPUS ABSTINEANT.

En ex Anselmoplusquam Pastor Bonus desideret. Dixerat Pastor bonus , *aquum videri* &c. Dicit Anselmus , *neceſſarium eſſe* ut lapsus in crimen ad tempus abſtineat.

Eandem Sacerdotibus lapsis disciplinam præſcribunt etiamnum Ritualia , & Episcopi.

Instructiones Ritualis Alecſenſis citatæ à Doctore Steyaert in Theſi edita 7. Maii 1691. ita habent de Sacram. in gen. pag. 4. edit. 5. " Si adeo infelices forent (Sacerdotes) ut in peccatum a- „ liquod mortale , præcipuè contra puritatem , laberentur ; debe- „ rent , quantum in ipsis est , facere , ut vices eorum alius sacer- „ dos suppleret , atque interea PER TEMPUS NOTABILE abſtinere à „ Miſſa celebranda & Sacramentis adminiſtrandis , committentes „ ſe ſuo Episcopo aut alteri ſacerdoti admodum ſpirituali , ut juxta „ ipſius præſcriptum congruam agerent pœnitentiam." Addit Do- „ ctor ille ibidem , Rituale iſtud ab Episcopis Galliæ ſerè triginta ap- „ probatum fuiſſe.

Rituale Virodunenſe de Sacram. in gen. §. 3. de caſu ſacerdotis lapſi & in neceſſitate adminiſtrandi Sacramentum conſtituti ita lo- „ quitur : " Caſus ille videri deberet moraliter impoſſibilis : nam etſi „ omnes homines , quemcumque perfectionis gradum acquiſive- „ rint , ſemper in periculo labendi verſentur , periculum tamen iſtud

"adeo remotum videtur à Sacerdote , qui qualitates habet chara-
 "teri suo respondentēs , ut timori isti locus non sit ... Sed infelici
 "isto casu supposito quæ regula certa dari potest illi , qui ut
 "novum sacrilegium evitet , non nisi momentum habet quo ve-
 "niam postulet ? Si Deus condonare non soleat iis , qui suum Bap-
 "tismum violârunt , NISI POST FUSAS MULTAS LACHRYMAS ; Non
 "sine magnis nostris fletibus & laboribus : Credemusne facîle ,
 "cum flectendum ad primum verbum Sacerdotis ? Consilium , quod
 "suggerere illi possumus , & quod in funestis illis circumstantiis
 "ipsi præscribimus , illud est , ut cum tunc Deo offerre non possit
 "aut torrentes lachrymarum , aut ingentem bonorum operum nu-
 "merum , aut pœnitentias culpæ suæ magnitudini proportionatas ,
 "QUEMADMODUM NECESSARIUM FORET offerat ~~solam~~ illi mul-
 "ta bona desideria &c." Ergo , ubi necessitas non est ministrandi ,
 "ibi , priusquam administrum redeatur , NECESSARIUM esse dicit ,
 "fundere torrentes lachrymarum , ingentem bonorum operum nu-
 "merum cumulare , pœnitentias culpæ magnitudini proportionatas
 "subire , quæ omnia nisi tempore valde notabili præstari non possunt.

Sed quid plura ? Ipsos Accusatores hic nobis consentientes ha-
 "bemus. Consentit nobis Doct̃or Steyaert in Thesi mox citata :
 "Item in aliâ Thesi , quam defendit 18. febr. 1690. Actandem in sua
 "declaratione ad Art. 36. inter *Articulos oblatos* &c. Ubi hæc habet :
 "Quid de Sacerdotibus in peccata mortalia præcipuè carnalia lap-
 "sis ? Quid his agendum temporibus ? Quamquam disciplina ve-
 "tusetiamnum observanda non sit , quacumque enim occasione
 "mutata sit , verè tamen & benè est mutata ; tamen non eodem
 "die aut post aliquot horas , ut quidam perperam asseruerunt
 "SED POST MAGNOS ET PER ALIQUOD NOTABILE TEMPUS PERAC-
 "TOS PœNITENTIÆ LABORES , suppositâ conversionis veritate , ad
 "ministerium suum tales readmitti posse videntur."

Adeò scilicet manifesta est hæc veritas , ut vel ab Adversariis te-
 "stimonium accipiat : Ut mirari satis non possim Accusatoris nostri
 "maledicentiam , qui Reflex. 2. dicit *scopum nostrum* in ea doctrina
 "tradenda *videri esse unicum* , *persuadere hominibus nos omnes*
Heroës esse virtutum ; *ex nulla infirmitate labi* , *totos mundos* ,
 "ne dicam , ait , *καταπύς*. Et in hunc fortasse finem D. Hennebel-
 "lum se suosque in Memoriali suæ Sanctitati contra Decreta Re-
 "gia (dicere debuisset , contra eos qui abutuntur Decretis Regiis) ob-
 "lato , non dubitasse appellare *i più eccellente in dottrina ed in pie-
 tà*,

tà, in doctrina & pietate excellentiores, quemadmodum Opſtratus suos satis liberaliter nominat Paſtores bonos. Hiſce dictis adjungit aliud non minùs acerbum: "Utinam, inquit, non confundantur ſententià S. Hieronymi: *Rigidi autem ſunt, non quod & ipſi pejora non peccent; ſed hoc inter nos & illos inter eſt, quod illi erubeſcant conſiteri peccata, quaſi juſti: nos dum pœnitentiã agimus, faciliùs veniam promeremur.*" Epist. 54. ad Marcellam. Quæ ſcommata ut Viro Religioſo indigna ſunt, ita noſtro reſponſo digna non credimus. Super eſt ut reſpondeamus objectionibus.

1. Ante Patres omnes objicitur S. Nilus, neſcio quã felicitate nuper ab Accuſatore noſtro in lucem productus. Dicit hic lib. 2. Epist. 261. "Divinã Providentiã, non Angelos, ſed homines infirmos ſacerdotes conſtitutos eſſe, ut erga lapſos humaniter ſe præbeant. Nec contendendum, univerſos irreprehenſibiles eſſe, qui Eccleſiæ præſunt. &c.

R. Hæc omnia lubenter admittimus; ſed ſequitur inde: Ergo æquum non videtur, ut cum ſacerdos lapſus olim in perpetuum, nunc ſaltem ad tempus valdè notabile à ſuo Officio removeatur? Conſequentiam negamus.

2. Citare etiam pro ſe audet S. Anſelmum eo ipſo loco, quem paulò ante adduximus, & proſert ex ipſo hæc verba: *De lapſis ſacros Ordines habentibus, & ſpontaneã voluntate ſecretò quibus debent conſitentibus, nequaquam eſt aſſerendum, quod iſdem Ordinibus amplius uti nullatenus poſſint, ſi per ſacrificium ſpiritûs contribulati, cordiſque contriti & humiliati Deum placantes, ad virtutum profeſſum ſtudioſè ſe converterunt...* Prohiberi autem invitum debere, qui occultum crimen humili conſeſſione ſponte & occultè detegit minimè exiſtimo..... Magni criminis reus eſſe videtur, qui talem cogit à ſui Ordinis officio ceſſare.

R. Perſuadere mihi non poſſum, quod Accuſator S. Anſelmum legerit, aut ſaltem legerit attentè. Nam vel legenti manifeſtum eſt, S. Anſelmum, ubi dicit talem à ſui Ordinis officio non debere ceſſare, non aliud dicere, quàm eum, cujus lapſus occultus eſt, non debere ceſſare in perpetuum; quemadmodum dicit ceſſare debere eum, cujus lapſus eſt notus.

Quin & diſertè dicit, NECESSARIUM ESSE ut lapſus quicumque AD TEMPUS ABSTINEAT & non niſi cum magna Prælati diſcretione revocetur. Diſcat hinc æquus judex, quàm parum citationibus Accuſatoris fidendum ſit.

3. Urgere tamen ex Anselmo pergit incommoda, quæ ex doctrina nostra timenda sunt: Futurum ut, si inviti ab Ordinis sui Officio prohibeantur, *multis obstruatur via salubris confessionis, qui potius eligant in mortem penitus occultari, quam hac occasione in certitudinem vel in suspensionem alicujus criminis adduci.* Quod etiam incommodum narrat inter Gregorianos schismaticos in Armenia detectum, & Urbano VIII. relatum à Petro à Vitabolis 27. Maii 1631. apud Clementem Galanum pag. 132. Errore 15. "Si sacerdos in carnis peccatum vel secretissime labatur, Confessarius in Sacramentali Confessione privat eum facultate celebrandi: ex quo pessima inolevit consuetudo, ut sacerdos in ejusmodi peccatum lapsus, minime illud confiteatur, eoque maculatus non cessat usque ad mortem celebrare."

R. Ob hoc incommodum docet quidem S. Anselmus, sacerdotem lapsum occultè post actam dignè pœnitentiam prohibendum non esse ab officio in perpetuum, si invitus sit; sed minime docet, eum propterea prohibendum non esse ad tempus, donec dignam pœnitentiam egerit: imò verò docet id esse NECESSARIUM, ut jam ex ipso vidimus.

Quod ad Gregorianos schismaticos attinet, videtur adhuc apud ipsos sacerdos in carnis peccatum occultè lapsus privari facultate celebrandi in perpetuum: proinde juxta S. Anselmum potest adversus usum istum merito hoc incommodum urgeri: minime verò adversus usum, quem ipse necessarium judicat, ut sacerdos sic lapsus ab Officio suo prohibeatur ad tempus, quo dignam pœnitentiam agat.

4. Ex Augustino Homil. 50. adfert hæc: "Multos etiam in ipsis honoribus Ecclesiasticis Præpositorum & Ministrorum non congruenter vivere sermonibus & Sacramentis quæ per eos populis ministrantur."

R. Sed indene rursus sequitur, eos, dum crimina sua confitebantur, tempore Augustini ab altari remotos non fuisse; aut hodie æquum non esse ut removeantur saltem ad tempus? Nec ipso, credo, Accusator existimat, doctrinam quam accusat, posse argumentis ejusmodi labefactari.

Detegitur Impostura enormis circa propositionem hanc quæ inter 61. fuit undecima: Si de genere illorum sit, quos primo loco recensui, qui non solum sit criminosus, sed etiam criminosus cum scandalo Vulgi (Opstraet Past. Bon. pag. 130. lin. 5.) talis etiam post peractam pœnitentiam non est Pastor qui fuit antè publicus peccator. Ibid. 131. lin 2.

Imposturæ hujus enormitas patebit, ubi propositionem exhibuero suppletis lineis, quas Accusator omisit. Sic enim ea se habet in Pastore Bono: *Si (Pastor) ... non solum sit criminosus, sed etiam criminosus cum scandalo vulgi ... obventâ ... post dignam & diuturnam pœnitentiam absolutione, nescio an unquam vel ipsi vel Ecclesiæ expediat ut suo officio restituatur. Quomodo enim ipsi expediat officio restitui, qui debet potius peccata in officio commissa humiliter deslere? Aut quomodo id expediat Ecclesiæ, quæ utiliter regi non potest, nisi ab iis, qui sunt VITÆ IRREPREHENSIBILIS ET FAMÆ INTEGRÆ? Jam autem talis, etiam post peractam pœnitentiam, non est Pastor qui ante fuit publicus peccator. Ubi manifestum est non aliud asseri, quam non expedire Ecclesiæ, ut Pastor criminosus cum scandalo vulgi, etiam post actam pœnitentiam suo officio restituatur, eò quod Ecclesia utiliter regi non possit nisi ab iis qui sunt VITÆ IRREPREHENSIBILIS ET FAMÆ INTEGRÆ: Talem autem (vitæ nimirum irreprehensibilis & famæ integræ) etiam post peractam pœnitentiam non esse Pastorem qui fuit ante publicus Peccator.*

Sed Accusator omissis iis, ad quæ refertur vox, talis, & his præcipuè, *vitæ irreprehensibilis & famæ integræ*, effecit ut sensus esset: *Pastorem talem, qui antè fuit publicus peccator, etiam post actam pœnitentiam, non esse Pastorem.*

Deprehensa fuit calumnia, & non fideliter eam extractam fuisse ipse hic Accusator in *Censura*, quam adjungit, fatetur. Non tamen satis ingenuè, cum mox addit: *Nota propter brevitatem fuerant omisse aliquæ lineæ.* Quasi verò, sensum propositionis tam enormiter pervertere, sit propter brevitatem aliquas lineas omittere. Si enim hoc sit propter brevitatem aliquid omittere, quidni accusare liceat Sacram scripturam de hac propositione: *Non est Deus?* Propter brevitatem enim omittam hæc: *Dixit insipiens in corde suo.*

Debuerat post hæc Accusator erubescere: sed adeò non erubuit, ut audeat etiam propositionem, prout est in Pastore bono, tamquam *temerariam* censurâre. Censuram illam nunc executiam; ac ostendam *temerarium* dici non posse Pastorem Bonum, quid dixit: *Nescio an Ecclesiæ expediat, ut umquam suo officio, etiam post actam pœnitentiam, restitatur Pastor, qui antè fuit publicus peccator.*

A censura illa Pastorem Bonum vindicant.

1. Canon Apostolicus: *Oportet Episcopum irreprehensibilem esse* 1. Tim. 3. Irreprehensibilis enim non est, cujus peccatum fuit publicum, etsi de eo pœnitentiam egerit, ut mox docebo.

2. Canones & decreta Sedis Apostolicæ, quæ in hunc usque diem vigent, vetantque Clericos, quorum lapsus est publicus, officio suo umquam restitui.

Horum Canonum & Decretorum Vindex & Assertor strenuus est Eminentissimus AGUIRRIUS Dissert. 10." Clamant, inquit, „& consentiunt in iis excludendis Conciliorum omnium Canones „& Pontifices, ac sancti Patres totâ Dissertatione allegati Excurs. „9. n. 129. Quamvis enim disciplina Ecclesiastica successu temporum adeo laxata fuerit, numquam tamen Ecclesia voluit aliquid „generaliter statuere adversus tot Sedis Apostolicæ veneranda Decreta, & innumeros serè Conciliorum Canones, spiritu Dei conditos, & totius mundi reverentia consecratos, quibus clerici præsertim post sacrum Ordinem lapsi palam in peccatum carnis, perpetuo deponuntur ab exercitio. Excurs. 10. n. 144. Si autem lapsus carnis sacerdotum fuerit manifestus, undè ipsam sinistram „suspicionem aut notam juridicè vel publicè apud alios contraxerit, jam plura præmisimus totâ Dissertatione, & sæpè diximus, „nullum aditum apparere in Conciliis aut sacris Canonibus, imo „neque in illis Epistolis suppositis Gregorio Magno ad Secundinum, & Isidoro ad Messanum, ut redeant ad munus sacerdotale „exequendum. Quare solum videtur restare illis locus agendi pœnitentiam” Ibid. Excurs. 12. 179.

3. Eandem disciplinam confirmat S. Anselmus lib. 1. Epist. 56. supra citatus, ubi cum ex Epistola S. Gregorii, ut inscribitur, ad Secundinum resolvisset, Presbyterum occultè lapsum, post actam dignè pœnitentiam posse officio restitui, objicit sibi ipsi eundem S. Gregorium in aliis suis quibusdam Epistolis, ubi eum restitui studiosè prohibet, cumque supponeret, ut eo seculo supponebant serè omnes, Episto-

Epistolam illam ad Secundinum germanam esse, hanc concilian-
di inter se contrarias S. Gregorii Epistolas rationem invenit, ut
diceret, eum in aliis quidem Epistolis reditum prohibuisse Clericis
lapsis palam, in aliis verò, post dignam pœnitentiam, concessisse
lapsis occultè. Verba ipsius sunt: *Sed quoniam idem Beatus Gre-
gorius id ipsum in aliis suis quibusdam Epistolis studiosè prohi-
bet; nè sibi ipsi contrarius sit, de apertis quidem prohibuisse, de
occultis verò post dignam pœnitentiam concessisse intelligitur.* U-
bi S. Anselmus, etsi ex supposititia S. Gregorii ad Secundinum E-
pistola resolvat, Presbyterum occultè lapsus posse officio post
dignam pœnitentiam restitui; disertissimè tamen ex aliis ejusdem
Gregorii Epistolis id negat de eo cujus lapsus est publicus. Quod
& confirmat paulo antè, ubi rationem allegat, cur occultè lapsus
possit post dignam pœnitentiam restitui: *Nam, inquit, nec apud
Deum reprobatum officium alicujus propter culpam quam ipse
agnoscit; nec apud homines decoloratur Sacri Ordinis dignitas,
cujus peccatum non cognoscunt: QUIBUS DUABUS CAUSIS carna-
lis lapsus prohibet ad Sacros Ordines* REDITUM.

Si duabus illis causis carnalis lapsus prohibet reditum, redire
certè non potest is cujus lapsus est publicus, quia HOMINES PEC-
CATUM ILLIUS COGNOSCUNT.

4. S. Anselmo consonat S. Thomas in Supplem. Quæst. 28. art.
1. ad 3. "Post publicam pœnitentiam, inquit, peccator non redit
„ ad hanc dignitatem, ut possit ad Clericatum assumi, & Episco-
„ pus talem ordinans potestate ordinandi privari debet, nisi fortè
„ necessitas Ecclesiæ id exposcat aut consuetudo; tunc enim dis-
„ pensativè recipitur ad minores, non autem ad sacros." Rationes
quatuor assignat. "Primò propter dignitatem Ordinum istorum.
„ Secundò, propter timorem recidivi. Tertiò, propter scandalum
„ vitandum, quod posset in populo oriri ex memoria præcedentium
„ peccatorum. Quartò, quia non haberet frontem alios corrigen-
„ di, cum peccatum ejus fuerit publicum."

Meritò ergo dixit Pastor Bonus, nescire se an vel Pastori, qui
cum scandalo vulgi criminòsus fuit, vel Ecclesiæ expediat, ut Pa-
stor ejusmodi suo officio restituatur. Istud mirum, ausum fuisse
Accusatorem censurare Propositionem, quæ tot Canonibus & Con-
ciliorum Decretis, tantis Sanctorum autoritatibus & rationibus
stabilitur. Minimè verò timendum ab Ecclesia Romana, ne con-
tra tot tamque aperta Summorum Pontificum & Conciliorum De-

creta, nunc primum in favorem Sacerdotum, qui publicè criminosi sunt, decernere aliquid incipiat: præsertim ubi Synodus Tridentina sess. 22. cap. 1. de Reform. disertè statuit, ut non obstantibus consuetudinibus quibuscumque, observentur Canones & Decreta, quæ alias à Summis Pontificibus & à Sacris Conciliis de *Clericorum Vita*... copiosè ac salubriter sancita fuerunt. In quibus cum præcipui sint Canones illi, qui vetant Clericos in peccatum carnis palam lapsos, officio restitui; dubitare non licet, ait Eminentissimus AGUIRRIUS Dissert. 10. n. 149. id ipsum desideratum & confirmatum à Concilio Tridentino. Superest ut quæ objicit *Quervulus*, refellamus.

1. Contrarium, inquit, docuit & practicavit Christus Dominus in Petro.

R. Idem sibi objicit Augustinus lib. 1. ad Bonif. seu Epist. aliàs 50. nunc 185. cap. 10. *Beatum Petrum*, inquit, *quando amarissimas lachrymas fudit, utique Dominum negasse pœnituit, Et tamen Apostolus mansit. Sed* (respondet) *non ideo supervacua putanda est posteriorum diligentia, qui ubi saluti nihil detrahebatur, humilitati aliquid addiderunt, quo salus tutius muniretur; experti, credo, aliquorum fœtas pœnitentias per affectatas bonorum potentias. Cogunt enim multas invenire medicinas multorum experimenta malorum. Non rectè igitur à Petri post lapsum restitutione argumentum ducitur.*

Notat præterea Eminentissimus AGUIRRIUS Dissert. 10. n. 132. dispensatum quidem aliquando fuisse cum iis qui lapsi erant in peccatum hæresis vel schismatis, sed non cum iis qui lapsi erant palam in crimen carnis: "Eo quod hoc, inquit, videatur majorem incertiam & deformitatem asserere tractandis divinis mysteriis, quæ jure suo speciali exigunt insignem puritatem in corpore, nec solum in anima: ac proinde vel in iis, qui jam dignos pœnitentiae fructus egerunt, & veniam apud Deum & homines acceperunt, relinquunt velut maculam quamdam sive notam apud omnes ejus turpitudinis antiquæ conscios, ut indecens appareat cum illis dispensare, vel eos restituere vel promovere."

2. *Peccat*, inquit, *propositio, concedens secreto Confessario amotionem, quæ soli Tribunali publico competit.*

R. Ad similem de penitentia solemni objectionem respondet S. Thom. in Supplem. q. 28. art. 1. ad 2. *Quod penitentia solennis* (dico ego, amotio ab altari) *quantum ad injunctionem non erit forum occultum: quia sicut occultè quis confitetur, ita ac-*

cultè ei pœnitentia injungitur: sed executio exit forum occultum, & hoc non est inconueniens.

3. Peccat, inquit, propositio non recognoscens, quod Pastor emendatus possit ædificare & regere. Quemadmodum si Flodoardo credimus, Angelus Domini Genebaldo Laudunensi Episcopo, post publicam pœnitentiam emendato, dixit: *Suscepit Dominus pœnitentiam tuam... Fac ministerium Episcopalis Officii &c.*

R. Posse Pastorem emendatum, post publicam pœnitentiam, casu aliquo singulari ædificare, & regere, non negat propositio: sed negat passum id rectè fieri, aut à Canonibus permitti. Atque hoc confirmat vel ipsum exemplum Genebaldi, quod Accusator adducit. Nam Genebaldus in perpetuum abstinuisset ab Altari, nisi ipse Angelus Domini, post publicam & longam pœnitentiam ei dixisset: *Surge & hinc egrediens, fac ministerium Episcopalis Officii.* Neque verò umquam illum restituit S. Remigius, qui absque ulla spe restitutionis pœnitentiæ illum addixerat; nisi miraculo & speciali Dei jussu, ut eum restitueret, admonitus fuisset. *De reclusione divino jussu eductum Sedi suæ restituit,* inquit Sigebertus.

4. Sophisma esse dicit, quod de ministrorum irreprehensibilitate propositio objicit: Aliam enim esse pro præsentī, quæ sufficit; aliam pro præterito, quæ desiderabilis est, sed non requiritur.

R. Mirum, si non advertat sophisma esse quod ipse objicit. Nam etsi irreprehensibilitas pro præsentī sufficiat; ea tamen pro præsentī haberi non solet, dum quis pro præterito in crimen publicum, & præsertim carnis, post sacros Ordines lapsus fuit: ut paulò ante ex S. Thoma & Aguirrio ostensum est.

5. Dicit alioqui nec Petrum fuisse umquam suo officio restituentum, postquam ei Paulus in faciem restitit, *quia reprehensibilis erat.* Gal. 2.

R. Non existimo eum seriò hoc objicere: quippe qui ignorare non possit, quod nemo ignorat Theologus, Petrum reprehensibilem non dici ob crimen aliquod de quo solo hic agitur; sed ob simulationem tantum venialem, ob quam nemo umquam dixit debere Ecclesiæ Ministros ab officio cessare.

6. Objicit Epistolam quæ sub Gregorii Magni nomine circumfertur ad Secundinum. Item Epistolam Calixti I.

R. Adeòne in antiquitate peregrinus est Accusator, ut quod omnes docti agnoscunt, ipse solus ignoret? Unius tantum, sed E-

minentissimi juxta ac doctissimi Viri de Epistolis illis judicium proferam, AGUIRRI: "Epistolam, inquit, nomine tanti Pontificis ad Secundinum intrusam fuisse exemplaribus quibusdam Operum S. Gregorii, vel saltem interpositam ab aliquo impio aut sciole, quoad eam partem de sacerdotibus lapsis post pœnitentiam restituendis, videtur evinci ex tot tanti Pontificis testimoniis, quibus palam tradit oppositum, illudque ubique & constanter exsequitur, veluti præscriptum Canonibus sacris, à quibus fas non esset deviare: Unde doctissimus Joannes Morinus in Volumine insigni de Pœnit. lib. 4. c. 15. censet in ea Epistola inveniri nonnulla vitiata ac corrupta: quale imprimis est, quod Sacerdotes lapsi in peccatum carnis restituantur ad gradum pristinum post pœnitentiam actam. Accedit quod Goulinvillæus in suis Observationibus ad eandem Epistolam, laudatus à Merbesio tertiâ parte *Summæ Christianæ* Quæst. XXVI. pag. 437. testatur, partem illam ejus Epistolæ de sacerdotibus in carnale delictum prolapsis, in pristinum gradum post actam pœnitentiam recipiendis, vix reperiri in uno aliquo ex triginta M. SS. & nullatenus extare in vetustissimo Codice Rhemeni, in quo descriptæ inveniuntur omnes Romanorum Pontificum Epistolæ à Gelasio ad Joannem VIII. id est, quatuor ferè sæculorum decursu ab anno Christi CCCXCII. usque ad DCCCLXXXII. Accedit testimonium Mamesii asseverantis eandem particulam minimè extare in aliquo ex octo M. SS. pervetustis Anglicanis. Idemque testatur Wendrokus in Notis ad Epistolam VI. Provinciale m. sect. 3. §. 3. de antiquissimo quodam exemplari Claravallensi Registri Gregoriani. Quæ omnia argumento sunt, præjectæ ad Secundinum Epistolæ assutum fuisse postea centonem illum adeo contrarium doctrinæ expressæ tot locis à S. Gregorio.... Insuper observatur, inquit, in Collectione illa Conciliorum & Epistolarum Decretalium à tempore S. Clementis Papæ usque ad Gregorium Magnum inclusivè, quam fecit Isidorus Hispalensis... nullatenus extitisse Epistolam prædictam ad Secundinum cum illo additamento de restitutione sacerdotum lapsorum post debitam pœnitentiam.... Collige præterea, nec in eadem Collectione tempore ipsius S. Isidori extitisse Epistolam illam secundam S. Calisto Papæ adscriptam Tomo 1. Conciliorum cujuslibet editionis, in qua dicitur inter plura alia: *Errant qui putant, Domini Sacerdotes post lapsum, si condignam egerint pœnitentiam, Dominum ministrare*

" non posse, & suis honoribus frui, si bonam deinceps vitam duxerint, & suum sacerdotium condignè custodierint &c. ... Quapropter non miror, Viros aliquot eruditos tempore Gregorii XIII. incumbentes correctioni Decreti Gratiano adscripti, rejecisse eam partem Epistolæ secundæ Calisti Papæ, veluti assutam & confictam, ut testatur doctissimus Antonius Augustinus Dialogo IV. lib. 2. *De Emendatione Gratiani.*" Hæc AGUIRRIUS Dissert. 10. n. 40. 41. & 42. Item n. 48. 49. & 50.

Sufficient, spero, ista, ut discat Accusator, Epistolam nomine Gregorii Magni ad Secundinum, & Epistolam Calixto Papæ adscriptam, eâ saltem parte quâ illas citat, germanas non esse.

At demus illi quod falsum est, & supponamus paulisper, eâ etiam parte illas germanas esse; quid inde conficiet?

R. Non aliud, quam Sacerdotes lapsos occultè, post actam dignè pœnitentiam, posse officio restitui; minimè verò sic restitui posse lapsos palam. Cum enim S. Gregorius lib. 3. Epist. 26. & Epist. 38. Item Regist. lib. 4. Epist. 5. 16. & 17. Item lib. 6. Epist. 39. & alibi, constanter doceat, lapsos post Sacrum Ordinem in crimen carnis, etiam post actam dignè pœnitentiam, restitui numquam posse; & tamen simul supponatur docuisse ad Secundinum, eos posse post actam dignè pœnitentiam restitui: aut dicendum erit, Sanctum Gregorium sibi ipsi contrarium esse, aut certè secum conciliandum hæc distinctione, ut restitutionem neget, etiam post actam pœnitentiam, lapsis palam; concedat autem lapsis occultè. Quâ ratione Epistolam ad Secundinum, quam genuinam esse putabat, cum aliis Gregorii Magni Epistolis conciliavit S. Anselmus lib. 1. Epist. 56. supra citatâ. Porro sibi ipsi contrarium esse S. Gregorium, non dicet Accusator. Superest ergo ut dicat nobiscum, lapsos palam in crimen, præsertim carnis, etiam post actam pœnitentiam, juxta S. Gregorium restituendos non esse.

§. 17.

Refellitur Accusatio circa hanc propositionem, quæ inter 61. accusatas fuit duodecima: Eandem regulam servare debet Confessarius, qui in tali necessitate Sacerdotis lapsi Confessionem audiret. Neque enim aliâ conditione deberet ipsi aut Missæ celebrationem, aut Sacramentorum administrationem permittere, quam ut ubi primum necessitas desisset, se ab Officio suo removeret, ut ad tempus notabile dignam pœnitentiam perageret, non rediturus ad suum Officium, nisi id expedire judicaretur.
Past. Bon. Parte 4. Cap. 1. §. 12.

HÆc doctrina non tantum Pastoris Boni est, sed ipsius Doctoris Steyaert in Thesi Sabbathina die 18. feb. 1690. & in sua declaratione ad art. 36. inter articulos oblatos &c. ubi eandem Thesis repetit his verbis: "Verum quid de sacerdotibus, in peccata
 "mortalia præcipue carnalia lapsis?.... Quid his agendum temporibus?.... Non eodem die aut post aliquot horas, ut quidam
 "perperam asseruerunt, sed post magnos & per aliquod notabile
 "tempus peractos pœnitentiæ labores, suppositâ conversionis veritate, ad ministerium suum tales readmitti posse videntur. Et
 "quidem brevius tempus esse potest pro Sacerdote aliâs bonæ vitæ,
 "qui occultè & per extraordinariam tentationem ceciderit. Verum si quis, recidivam passus & corde corrupto sit; ad aliquod
 "bene regulatum Monasterium, ut ibidem diuturniorem pœnitentiam peragat, remittendus videtur. Quid verò de bono isto; ut
 "supra, ita infelicitè & occultè cadente, & subito presso, ut pro
 "Parochianis die Dominico aut festo celebret, orituris alioqui commotionibus, ut fieri amat, ingentibus? Supponitur is gemitibus & lachrymis veniam in Confessione postulare, paratusque
 "postea, facere quæ videbuntur. R. Nos primâ Vice permisivè nos non habebimus, sed lachrymis ejus miscentes lachrymas nostras, absolutione donatum ad Altare dimitemus, FACTURUM
 "POSTEA, ut jam dictum est de Pœnitentia Sacerdotis lapsi, ANTE
 "QUAM OFFICIO RESTITUATUR."

Eandem doctrinam iterum palam defendit 7. Maii 1691. dicitque esse fere 30. Episcoporum Galliæ rigidissimorum. Ita tunc loquebatur, quia accusabatur de laxitate: "Circa quæstionem, inquit, famosam de Sacerdote lapsio, sentimus, quod manifestè
 „ sine

„fine ullius abominatione (laxitatis saltem nomine) Rituale A-
 „lectense, à rigidissimis quibusque Episcopis Galliae fere 30. ap-
 „probatum, de Sacramentis in genere pag. 4. edit. 5.” Ipsa au-
 „tem verba Ritualis Thesi suae per Appendicem subnectit; quae
 „latine è gallico versa sic habent: ” Si (sacerdotes, & speciatim Pa-
 „stores Animarum) adeo infelices forent, ut in aliquod peccatum
 „mortale, praecipue contra puritatem laberentur, facere deberent
 „quidquid in se est, ut per alium aliquem sacerdotem vices suas
 „suppleri curarent; atque interea PER TEMPUS NOTABILE abstinere
 „à Missa celebranda & Sacramentis administrandis, committentes
 „se suo Episcopo, vel alicui sacerdoti valde spirituali, ad pœni-
 „tentiā convenientem ipsorum consilio agendam.

” Et Sacerdos quidem, cui hoc malum contigisset, non minus
 „se credere deberet ad hanc rationem ineundam teneri, eo quod
 „non invento aliò Sacerdote, coactus fuisset necessitate indispen-
 „sabili ad Missam celebrandam vel Sacramentum aliquod admi-
 „nistrandum, praemissa solum peccati confessione, vel etiam, ubi
 „copia Confessarii deerat, contritione tantum coram Deo exhibi-
 „tā. Debuisset enim credere, quod Deus ipsum misericorditer non
 „respexisset, nisi quod in fundo cordis ipsius vidisset verum desi-
 „derium reparandi lapsum tam grandem per dignos fructus pœ-
 „nitentiae juxta spiritum & regulas Ecclesiae: Id quod deberet abs-
 „que mora exequi, respiciens etiam tamquam novam causam do-
 „loris ipsam necessitatem in qua fuerat Sacramentum aliquod in
 „eo statu administrandi.”

Memini me interfuisse Disputationi, in qua Thesim istam de-
 fendebat Doctor Steyaert: & ne quem terreret Rituale Alesten-
 se, cujus auctoritatem citabat, monebat non esse prohibitum illud,
 sed aliud quoddam legi permissum. Quod ut ut sit, teste certè Do-
 ctore Steyaert, triginta circiter Episcoporum Galliae est Doctrina
 ista, quam nunc *Querela* Author Accusat, ac veluti *temerariam*
 & *perniciosa in praxi* censurat.

Addo his Rituale VIRODUNENSE supra etiam citatum, ubi de
 Sacram. in gen. §. 3. praescribitur Sacerdoti lapso, ut si in necessi-
 tate coactus fuerit praemissa tantum Confessione, vel actu contritio-
 nis, Sacramentum aliquod administrare; post illud administratum
 subiciat se directioni sapientis & habilis alicujus Directoris, ut
 peccatum suum expiet, ut impleat exactè quod propo-uerat, &
 deinceps adversus tale periculum se muniat. Ad iram autem Dei tali

casu placandam, necessarios esse dicit *lachrymarum torrentes, ingentem bonorum operum numerum, & poenitentias magnitudini criminis proportionatas*. Nunc quid obijciat *Querulus*, videamus.

1. "Propositio, inquit, nimis manifestè repugnat omnibus supradictis."

R. Imò verò multò manifestius per ea, quæ supradictis responsa sunt, confirmatur.

2. Repugnat Tridentino, quod casum nostrum in individuo complectitur, "agens de sacerdote in celebrandi necessitate posito, quem *sibi peccati mortalis conscium*, ubi copia Confessarii deest, finit celebrare, injuncto onere, non ut à ministerio suo desistat, sed si *necessitate urgente Sacerdos absque prævia Confessione celebraverit, quamprimum confiteatur*."

R. Si nihil aliud eo casu requirat Concilium; sequitur totam Sacerdotis quantumvis impii ad celebrandum præparationem solâ criminis Confessione, aut, si copia Confessarii deest, solâ contritione, qualis ab homine ejusmodi tempore tam exiguo expectari potest, contineri: quod à mente Concilii prorsus alienum esse nemo dubitaverit. Dico, *Sacerdotis quantumvis impii*: nam Concilium agit de sacerdote *sibi conscio peccati mortalis*, nullâ distinctione factâ inter sacerdotem lapsum ex infirmitate & ex malitia, inter relapsum & non relapsum, inter consuetudinarium & non consuetudinarium ac proinde omnibus istis sufficiet, aut Confessionem celebrationi præmisisse, aut, si copia Confessarii defuerit, post celebrationem quamprimum confiteri. Quod cum nequaquam admitti possit, respondendum est, dicere quidem Concilium, quid necessariò facere debeat Sacerdos qui urgente necessitate absque prævia Confessione celebraverit, nimirum ut *quamprimum confiteatur*; sed quod id sufficiat, minimè dicere: Contra verò, dum illum jubet quamprimum confiteri, satis insinuare, facere eum debere quod Ritualia & Episcopi triginta jam citati præscribunt: Ut se sapienti alicui directori subiciat, & ex illius præscripto dignâ poenitentia crimen eluat, ejusdem arbitrio relinquens, an citò Altari restituendus sit, an verò diutius, aut etiam in perpetuum, ab eo removendus.

§. 18.

Refutantur Imposturae Accusationis circa hanc propositionem, quæ inter 61. fuit trigesimanona: Si jubeat celebrari ingentem numerum Missarum non sine magnis sumptibus, docere potest (Pastor) illum non tam habiturum merita pro numero missarum, quas fieri jubet, quam pro mensura charitatis, quâ fieri imperat. Quod verò existimare posset infirmus, se tuncquidem habiturum mercedem pro eleemosynis, sed participem non fore sacrificiorum, quorum alioquin particeps fuisset; vel saltem non æquè participem, ac si ipse ea specialiter pro se celebrari jussisset; rursus instruere eum oportet: Primum, quod etsi pro se specialiter sacrificia celebrari jussisset; Deus tamen non tam respiciat pretium, quàm charitatem, quâ celebrari jubentur. Deindè, quod etsi pro se nulla celebrari jussisset, omnium tamen sacrificiorum, quæ per mundum universum offeruntur, futurus sit particeps, si potius ad sublevandas necessitates pauperum, quam ad celebrandas pro se Missas, secundum rectum ordinem charitatis, suas pecunias relinquat. Etenim sacrificia omnia pro fidelibus omnibus, tam vivis quam defunctis, nemine excluso, offeruntur: Deus verò unumquemque pro suo beneplacito, juxta mensuram charitatis uniuscujusque, reddit illorum participem.
Past. Bon. parte 4. Cap. 8. §. 7.

Propositio fideliter è Pastore Bono extracta non est: Nam manifestum est in Pastore Bono agi de Infirmo qui aliquid disponit contra charitatem Dei vel Proximi. Verba Pastoris Boni sunt: *Si infirmus aliquid disponat contra Charitatem Dei vel proximi; Pastor is est ipsum instruere. Ut...* Hæc verba omittit Accusator, ut non appareat agi de infirmo, qui aliquid disponit contra charitatem Dei vel proximi. Absolutè autem Accusationem inchoat his verbis: *Si jubeat celebrari &c.* ac si de quovis infirmo, etiam juxta ordinem Charitatis disponente, ageretur.

Hoc si observetur, nihil incommodi erit in tota Pastoris ad infirmum ejusmodi Instructione.

Etenim *si infirmus (CONTRA CHARITATEM DEI VEL PROXIMI) jubeat celebrari ingentem numerum Missarum non sine magnis sumptibus* (quos juxta rectum ordinem charitatis deberet v.g. vel pauperibus vel prolibus suis relinquere) quid rationabilius illi dicere

re potest Pastor, quam ut tam ingentem Missarum numerum tantis sumptibus, contra charitatem Dei vel proximi celebrari non jubeat: Equidem *non tam eum habiturum merita pro numero Missarum* (quas contra rectum Charitatis ordinem fieri jubet) *quam pro mensura charitatis, quâ pauciores fieri imperat.*

Quod si existimet infirmus, se tunc quidem habiturum mercedem pro eleemosynis; sed participem non fore sacrificiorum, quorum alioquin particeps fuisset; vel saltem non æquè participem fore, ac si ipse ea specialiter pro se celebrari jussisset: rursus eum, ait Pastor Bonus, instruere oportet.

Primum, quod etsi pro se specialiter sacrificia (contra charitatem Dei vel proximi) *celebrari jussisset; Deus tamen non tam respiciat pretium, (quod contra charitatis ordinem ad Missas celebrandas datur) quàm charitatem, qua* (Missæ pauciores) *celebrari jubentur. Deindè, quod etsi pro se nulla celebrari jussisset* (quod ex necessitate sæpè facere debent Pauperes, & ex charitate nonnumquam alii, qui aut pauperibus, aut Prolibus tenentur omnia relinquere) *omnium tamen sacrificiorum, quæ per mundum universum offeruntur, futurus sit particeps, si potius secundum rectum ordinem charitatis ad sublevandas necessitates pauperum, quam* (contra ordinem charitatis) *ad celebrandas pro se Missas, suas pecunias relinquat.*

Et sanè quid Infirmis, qui vel pauperes sunt vel aliâ necessitate impediti ut nullas vel paucas jubere possint pro se Missas specialiter celebrari; quid, inquam, illis, ubi de Missarum numero solliciti sunt; dici potest aut verius aut ad eos consolandum accommodatius, quam participes eos fore omnium sacrificiorum, quæ per mundum universum pro fidelibus omnibus, tam vivis quam defunctis, nemine excluso, offeruntur? Participes, inquam, pro Dei beneplacito, juxta mensuram charitatis uniuscujusque?

Nam quod pro Dei beneplacito quisque particeps fiat sacrificiorum quæ per mundum universum pro omnibus, nemine excluso offeruntur, ex eo patet, quod è duobus æqualiter malis alter aliquando convertatur, alter non convertatur; è duobus æqualiter justis alter præ altero in justitia proficiat vel perseveret &c. Quod non nisi in Dei beneplacitum refundi potest.

Quod tamen etiam hic attendatur *mensura charitatis uniuscujusque*, colligitur ex Concilio Trid. Sess. 22. cap. 2. ubi docet sancta Synodus, sacrificium istud verè propitiatorium esse, per ipsumque

sumque fieri, ut si cum vero corde, et recta fide, cum metu et reverentia, contriti ac poenitentes ad Deum accedamus, misericordiam consequamur, & gratiam inveniamus, in auxilio opportuno. Et S. Thomas 3. p. q. 79. art. 7. ad 2. *Illis, inquit, prodest plus vel minus secundum modum devotionis eorum.*

Verum, inquit Accusator, in hoc præcipue peccat Propositio, quod eos, qui specialiter pro se sacrificia celebrari non jubent, æquè dicat eorum participes fore, ac illos, qui ea pro se specialiter celebrari jubent: hoc autem admitti non posse.

R. Neque hoc dicit propositio, sed dicit:

1. Dum vel paupertas vel ordo charitatis vetat, quo minus possit moribundus jubere pro se specialiter Missas celebrari, ad solatium ipsi dici posse, participem eum fore Sacrificiorum omnium, quæ per mundum universum pro fidelibus omnibus, nemine excepto, offeruntur.

2. Si objiciat Moribundus, se non æquè illorum participem fore, ac si ea pro se specialiter celebrari jussisset, responderi posse, unumquemque eorum participem esse juxta mensuram charitatis & pro Dei beneplacito; proinde confidere ipsum posse, fore ut æquè illorum particeps sit, dum juxta ordinem charitatis non jubet ea pro se specialiter celebrari, ac si contra ordinem charitatis ea pro se specialiter celebrari juberet: Nam etsi sacrificia specialiter præfint iis, qui pro se illa specialiter juxta ordinem charitatis celebrari jubent; non idem tamen promittere sibi posse eos qui id faciunt contra ordinem charitatis. Præterea etsi tunc participes non sint fructus specialis, qui ex speciali sacrificiorum applicatione oritur; tamen quia non nisi juxta ordinem charitatis omittunt curare ut ea sibi specialiter applicentur, omnino confidendum esse, fore ut Deus ipsos tantò magis participes faciat fructus generalis, cujus participes sunt omnes per Orbem fideles, pro quibus generaliter offeruntur; atque ita compensetur fructus ille, quem alioquin ex speciali pro se applicatione percepissent.

Quæro nunc, quid in tota hac Pastoris ad infirmum instructione sit, quod possit aut *periculosum* videri, ut secundam partem censurat Accusator, aut *malefonans* & *suspectum de errore*, ut *attento contextu* & *sine Authoris*, censurat tertiam? Imò verò quid attento contextu & sine Authoris, in tota Instructione est aliud, quam quod infirmum secundum rectum ordinem charitatis dirigat, & consoletur, cum de Missis, quas juxta eundem ordi-

nem celebrari jubere non potest , anxius est & sollicitus? Veniamus ad imposturas.

Præterea duas , quas Pastori bono affingit *Propositione* sua XXVII. & XXVIII. sed tertiam præterire non possum , quam eisdem affingit *Propositione* XXIX. quasi doceat , " Quod Deus unusquisque pro suo beneplacito juxta mensuram charitatis uniuscujusque reddat sacrificiorum participem , sive aliquis pro se , nulla , sive aliqua celebrari jusserit."

Quarta est , " Quod suadeat moribundis , ad fundandas pro se Missas jam tunc determinatis , ut potius bona dent pauperibus." Reflex. 1.

Quinta , " Quod tunc potius futuri sint participes sacrificiorum totius mundi. Ibid.

Sexta , " Quod tunc præter participationem Missarum , insuper habituri sint mercedem eleemosynarum." Ibid.

Septima , " Quod sive quis Missas pro se legi curet , sive non , qualiter illi Missæ profuturæ sint." Ibid.

Octava , " Quod scopus sit , inducere homines , ne curent legi Missas particulares." Refl. 2.

Nona , " Quod videamur velle impugnare speciales Missarum applicationes." Ibid.

Decima (quam atrox scommata dixerim) " Quod cum quodam , (Juda scilicet Isariote) dicere videamur , ut quid perditio hæc?" Ibid.

Undecima , " Quod determinatum ad fundandas Missas : avertemus & ad aliam pietatem , seu meliorem , cum sacerdotum gratia vi detrimento divertamus." Refl. 3.

Duodecima , " Quod id faciamus ex pravis principiis." Ibid.

Decima tertia , " Quod evertemus pias fundationes seu minus bonum." Ibid.

Decima quarta , " Quod tollamus vim & efficaciam particularium applicationum." Ibid.

Ad harum imposturarum refutationem sufficit , genuinum propositionis accusatæ sensum paulò ante exposuisse. Superest ut & objectionibus faciam satis.

I. " Tutissimam ait esse doctrinam , suadere ut talis moribundus dividat , partem pauperibus , partemque celebrandis Missis destinans , ut percipiat fructum utrumque."

R. Nec hoc dissuadet Pastor Bonus : sed instruit tantum moribundum

bundum, ne contra Ordinem charitatis aliquid disponat.

2. "In ipso sacro Canone Missæ non modo pro vivis, sed etiam „pro defunctis adhibetur speciale Memento... Et S. Monica tantum „*memoriam sui ad Altare Dei fieri desiderabat.* Quod Augustinus non solum fecit, sed cognoscens falsum esse, quod omnes Missæ æqualiter profint, sive alicui specialiter applicentur si- „ve non: *Inspira*, inquit, *Domine Deus meus, inspira servis „tuis, Fratribus meis... ut quotquot hæc legerint, memine- „rint ad Altare tuum Monica famula tuæ cum Patricio quon- „dam ejus conjugis... ut quod à me illa poposcit extremum, ul- „terius ei præstetur in multorum orationibus.* Universa enim „Ecclesia antiquissimâ consuetudine recepit, ut vivi omnes pro „omnibus defunctis, sed quilibet *diligentius* pro amicis oret.... „Ex quo sequitur, sacrificia & preces sic offerri pro omnibus, om- „nibusque prodesse; ut tamen specialius profint, pro quibus *dili- „gentius* exhibentur."

R. Tam multis opus non erat ad probandum, quod sacrificia profint specialiter iis, pro quibus specialiter offeruntur: ultro factemur, hunc Monicæ, hunc Augustini, hunc Ecclesiæ universæ sensum esse. Sed de hoc non agitur in Pastore Bono. Hæc duo aguntur. 1. An Pastor moribundum, qui ingentem Missarum numerum magnis sumptibus celebrari jubet, ubi id vetat rectus ordo charitatis, instruere non possit de sumptibus illis juxta ordinem charitatis in alios usus expendendis? 2. An moribundum quem vel charitas, vel alia necessitas vetat jubere pro se specialiter Missas celebrari, instruere rursus ac consolari non possit dicendo, participem eum fore omnium sacrificiorum, quæ per Ecclesiam universam pro fidelibus omnibus, nemine excepto, offeruntur: & quamquam particeps non sit fructus specialis, quem percipiunt illi, pro quibus offeruntur specialiter, confidere tamen posse, tantò eum copiosius participem fore fructus generalis, qui communis est omnibus; atque ita compensatum iri, quod ex fructu speciali defuerit. Sanè, nisi sic liceat instruere & consolari moribundos pauperes? & eos quos charitas vetat pro se specialiter Missas celebrari; necesse erit eos absque solatio morti dimittere: cum inde quidem Missas celebrari jubere vetet paupertas vel charitas; inde verò confidere ipsis non liceat, quod eo casu æquè sacrificiorum participes futuri sint, ac si ea pro se celebrari jussissent.

3. Objicit, "quod Ecclesia semper approbaverit foundationes

„Anniversariorum & Missarum, etiam quotidianarum: licet num-
quam de fuerint pauperes, quibus istæ pecuniæ fuerint applicabi-
les &c.

R. Tantum abest ut foundationes Anniversariorum & Missarum improbet Pastor Bonus, ut econtra eo ipso loco, quo accusatur, doceat, quo modo illæ ad majus Ecclesiæ bonum faciendæ sint: *Ut si quis, inquit, fundare velit beneficium aliquod vel sacrum; fundet ea cum onere excipiendi confessiones in Parochia, catechizandi &c.* Adeo ut de alio accusari non possit Pastor Bonus, quam quod omnia juxta ordinem charitatis fieri desideret: in quo reum se esse non credit.

S. 19.

Consutantur imposturæ circa hanc propositionem que inter 61. fuit quadragesima: Si qui Sacerdotes jam celebrent, quia stipendium offertur, alioquin non celebraturi, Deus profectò plerumque per hujusmodi Missas non tam honoratur, quam stipendium, propter quod Missæ celebrantur. Past. Bonus part. 4. cap. 8. §. 7.

Manifestum est hic non agi de Missis, quatenus per illas honoratur Deus ex opere operato, & a Christo qui est principalis offerens; sed tantum de Missis, quatenus per illas honoratur Deus ex opere operantis, seu Sacerdotis qui celebrat; atque hoc solum sensu dici, quod *si qui Sacerdotes jam celebrent, quia stipendium offertur, alioquin non celebraturi, Deus profectò plerumque per hujusmodi Missas (ex opere scilicet operantis) non tam honoretur, quam stipendium propter quod celebratur.* Enimvero si Sacerdotes ejusmodi celebrarent propter Deum; celebrarent etiam plerumque tunc, cum non offertur stipendium: atqui non celebrant nisi dum hoc offertur: Ergo plerumque non tam celebrant propter Deum, quam propter stipendium. Si autem non tam celebrant propter Deum, quam propter stipendium; profectò non tam Deum, quam stipendium honorant: Id enim honorant propter quod celebrant.

Sic genuino propositionis sensu exposito, ruunt imposturæ sequentes:

1. „Sensum Pastoris Boni clarum esse, quod scilicet dentur Missæ aliquæ, per quas honoratur Deus, & dentur aliæ, per quas Deus plerumque non honoratur. Refl. 1.

2. "Quod Missæ priores celebrentur æquè multæ, sive infirmus
 „curet celebrari, sive non. &c." Ibid.

3. "Scopum videri esse, homines inducere, ut non æstiment
 „Missas nisi illorum qui erant celebraturi, etsi stipendium nullum
 „recepissent." Resl. 2.

Prætereo Imposituras quas continet proposito ipsius XXX. &
 XXXI. quæ unà cum cæteris faciliè dissilantur, si modò observetur
 quodjam antè monui, propositionem non agere de Missis quatenus
 per illas honoratur Deus ex opere operato, sed tantum quatenus
 per illas honoratur ex opere operantis: sic enim faciliè intelligitur,
 quod etsi verum sit, Deum per omnes Missas honorari ex opere
 operato; simul tamen etiam verum sit, ipsum per omnes Missas
 non honorari ex opere operantis, seu celebrantis, qui celebrando
 peccare potest: Item, quod etsi omnes Missæ æquè æstimandæ
 sint quatenus valent ex opere operato, non tamen quatenus val-
 lent ex opere operantis. &c. Ad objectiones venio.

1. "Non subsistit, inquit, id quod Autor supponit: nimirum
 "quod non plures Missæ celebrentur, etsi offerretur stipendium."

R. Non hoc supponit Author; sed supponit, quod non plures
 celebrentur plerumque ab iis, qui celebrando Deum honorant,
 & non stipendium: ab aliis vero plures celebratum iri, disertè
 dicit.

2. "Si beneficia non fundentur, pauciores Sacerdotes fient, ac
 „proindè Missæ pauciores.

R. Non existimo spiritum ac mentem Ecclesiæ esse ut funden-
 tur beneficia, cò tantum, ut celebrentur plures Missæ; sed eam
 desiderare, ut alia Ecclesiæ utilitas conjuncta sit. Atque hinc do-
 cet Synodus Tridentina, quod *nullus debeat ordinari, qui judi-
 cio sui Episcopi non sit utilis aut necessarius suis Ecclesiis.* Sess.

23. de Reform. c. 16.

3. "Supponamus, inquit, aliquem jam celebrare, qui sine sti-
 "pendio non celebrasset: licet stipendium sit incentivum; equidem
 "potest talis Presbyter formare rectissimam intentionem."

R. Non dicit Pastor Bonus, numquam fieri ut Presbyter, qui
 oblato stipendio celebrat, alioquin non celebraturus, rectam inten-
 tionem habeat: sed dicit id plerumque non fieri in iis, qui nisi
 oblato stipendio non celebrant. Hoc autem nec ipse Accusator ne-
 gaverit.

4. "Sanè multi non recitarent officium, nisi haberent Benefi-
 "cium

"cium; non desinunt tamen Deum per officium honorare."

R. Paritas esset, si diceret; *Multi non recitarent officium, nisi haberent fructus beneficii*: Sed tunc pari etiam de illis ratione judicandum, nimirum non tam eos plerumque Officium legere propter Deum, quam propter fructus.

5. "Propositio manifestè sapit Donatistum, quia dicit Deum "per Missas talis Sacerdotis non honorari."

R. Non id dicit propositio: sed dicit tantum, Deum per Missas talis Sacerdotis non honorari ex opere operantis, hoc est, Sacerdotis non celebrantis propter Deum, sed propter stipendium.

6. "Tortuoso sophisinate vexatur Moribundus, ut censeat sibi "non profuturum, si Missas celebrari curet."

R. Teterrima omnium impostura est. Nihil enim aliud Moribundum monet Pastor Bonus, quam ut si Missas celebrari jubeat, secundum rectum ordinem charitatis id faciat.

§. 20.

Retunduntur imposturae Accusationis circa hanc propositionem, quæ inter 61. accusatas fuit quadragesima tertia: Expenduntur variz rationes, ex quibus nasci videtur quzdam necessitas conjungendi vel non conjungendi sponfos dubiè dispositos.... Quod si res amplius integra non sit, ut si sponsa sit gravida: tum sæpè maximè proderit, statui tale exemplum, ut discant Virgines sibi cavere, dum vident sponfas gravidas vel deferi ab illis à quibus deceptæ sunt, vel non nisi per multas difficultates cum illis conjungi. Sed inde oritur magnum scandalum. R. Imo verò insigne exemplum. Past. Bon. part. 4. cap. 10. §. 6. n. 3.

Infideliter excerpta est & exhibetur Propositio. Sic enim exhibetur, ac si Pastor Bonus improbare omninò rationes, quæ adferuntur pro sponfis dubiè dispositis conjungendis, nullamque earum vellet rationem haberi: Ubi tamen manifestum est, Pastorem Bonum velle expendi utrasque, & inter sese comparari; ut illis expensis statuatur Parochus, debeatne an non debeat dubiè dispositos conjungere. Sic pro sponfis conjungendis adfert hanc rationem quintam, *Quod periculo exponantur sponfi, nè à proposito conjugio retrocedant*. Non improbat hanc rationem Pastor Bonus; sed sic eam expendi vult, ut simul expendatur, *Quod non raro dubium sit,*

sit, meliusne sit illos conjungi, an à conjugio retrocedere.

Iterum pro jungendis affert hanc, *Quod aliquando res amplius integra non sit, ut si sponsa sit gravida.* Non rejicit iterum hanc rationem, quasi quæ attendi non debeat; sed simul expendum monet, *Tum sæpè maximè prodesse statui exemplum.*

Rursus pro jungendis urget, *Quod inde oriatur magnum scandalum.* Non negat hoc Pastor Bonus; sed simul expendi vult, oriri etiam inde *insigne exemplum.* &c. Porro quin rationes illæ utrimque à Parochis expendendæ sint, nemo potest in dubium revocare. Cùm autem Pastor Bonus nil aliud affirmet; nescio quâ temeritate propositionem ipsius tamquam *temerariam, scandalosam, & perniciosam in praxi* accuset *cenfuretque* Accusator Anonymus. Ex sensu propositionis jam exhibito corruunt Imposturæ sequentes.

1. Quod sensus sit, sponfos, qui simul peccaverunt, dubiè dispositos... non debere conjungi, etiamsi sponsa sit gravida." Refl. 1.

2. "Isto casu malle nos exemplum statuere, etiamsi sponsa à sponso defereretur." Ibid.

3. "In dubium nos ponere, an id non expediat proli nascituræ." Ib.

4. "Scopum nostrum videri esse, admittere quavis in quocumque statu hominum perturbationes, ut manuteneamus nostra principia." Refl. 2.

5. "Supponi à nobis, quod tales sponsi doleant, proponant, credant, sperent, diligant, & aliquo tempore in vim propositi à peccatis abstinuerint, & aliquo modo pœnitentiæ opera præstiterint." Refl. 3.

6. "Malle nos sponsum & sponsam suis concupiscentiis dimittere, quam ad sedandas eas, conjungere." Ibid.

7. "Opstratio nihil placere præ longi temporis pœnitentiâ." Ib. Detectis imposturis, superest ut refellantur objectiones.

1. "Hac conjunctione, inquit Accusator, tolleretur peccandi occasio proxima."

R. Non tollitur peccandi occasio interna, seu affectus quo Sponsi ejusmodi, etiam post Matrimonium, sic manent dispositi, ut etiamsi juncti non essent, simul tamen, ut prius, peccarent. Affectus autem ille, nisi magna incommoda obstant, tolli debet ante Sacramentum Matrimonii, nè illud sacrilègè suscipiatur.

2. "Repararetur scandalum."

R. Non est iste modus reparandi scandalum: cum hætenus in

Ecclesia Dei alius usitatus non fuerit, quam per pœnitentiam publicam.

3. "Servaretur honor familiarum."

R. Is jam læsus fuit à sponsis per crimen fornicationis publicum: non verò læditur à Parochis per hoc, quod paulisper differant Matrimonium, ut sponsi ejusmodi dignè se ad Matrimonium disponant & scandalum reparent.

4. "Sua daretur proli legitimatio."

R. Non negat Pastor Bonus, quin summa illius ratio habenda sit: sed simul expendenda monet incommoda, quæ ex facili conjunctione oritura sunt.

5. "Sua daretur proli educatio."

R. Verùm christianæ proli educationi non semper optimè consultitur per facilem conjunctionem: sed potiùs per dignam ad Samentum Matrimonii, pro qua laborare debet Pastor Bonus, præparationem.

6. "Non vidit Autor Pastoris Boni, quod sponfos libidinosos, ad stuprum faciat audaciores; quos leges terrent, dum ad Matrimonium obligant..... Et quilibet Pastor Bonus in casu omni, ne studium adhibet ut conjungat, solo Opstratio repugnante."

R. Impositura est cæteris annumeranda. Non repugnat Opstratio, quo minus tales sponsi conjungantur; sed econtra ut christianè conjungantur, laborat. Neque in hoc legibus contrarius est. Nam ut leges sponfos ad Matrimonium obligant; ita & illos jubent ritè à Parochis ad Matrimonium disponi. Quod si contingat, ut dum se disponere non volunt, diutiùs Matrimonium differatur, vel etiam fortè sponsus sponsum deserat, id saltem boni inde consecuturum dicit, ut insigne exemplum habeant Virgines, quo discant suæ pudicitiae cavere. Neque ipse hic Accusator dissentit: "Non negamus tamen, inquit, quin allaborandum sit, ut utriusque peccatum debitè castigetur." Quam in rem citat Canonem 25. & 26. Epist. 1. Canonicæ S. Basilii, & Antiquum Pœnitentiale Romanum ab Halitgario Cameracensi Episcopo exscriptum tit. de fornic. n. 2. Quibus ego hic adjicio: *Qui sponsalia contraxerint, si unà ante coierint, quam coram Parocho & testibus matrimonium inter eos celebratum sit, illius peccati, quoniam in eo sæpè delinquitur, absolutionem Episcopo reservatam esse volumus, gravemque illis pœnitentiam imponi.* S. Carolus Borrom. in Synodo Prov. 2. tit. 2. *Qui Matrimonium inituri sunt, diligenter moneantur, nè*
alt-

antequam ritè illud in Ecclesia celebrent, atque à Sacerdote benedictionem accipiant, carnali copula commisceantur, alioquin graviter ut stupri rei puniantur propter mortalem culpam quâ uterque ipsorum obstringitur: cujus quidem absolutionem Reverendissimo ipsi Episcopo dumtaxat reservatam esse volumus, à qua item non absolvi quempiam concedet, nisi gravi aliquâ atque etiam (si publicum est crimen) publicâ pœnitentiâ injunctâ, ut vitiosus hic usus, quo Sacramentum illud violatur, proptereaque nullo modo ferendus, è populo Dei tollatur. Franc. Bonhomius Sedis Apostolicæ Legatus in Visitatione Diœcesis Comensis anno 1579. tit. de Sacram. Matrim.

Si crimen fornicationis à sponsis commissum, Episcopo reservatum esset; si ab eo, dum publicum erat, absolvi non possent, nisi gravi aliquâ & publicâ pœnitentiâ injunctâ: nonne aliquando timendum erat, ne sponsus potius, quam hæc præstaret, sponsam desereret, aliave incommoda nascerentur? Et tamen hæc viros illos sapientissimos nihil terruerunt, quo minus ista decernerent. Satiùs nimirum existimabant permittere ut incommoda ista aliquando nascerentur, quam vitiosum istum usum, quo Sacramentum illud violatur, proptereaque nullo modo ferendum, ut Bonhomius loquitur, è populo Dei non tollere. Quâ igitur ratione accusari potuit Pastor Bonus, qui non ista aut similia Pastoribus præscribit; sed tantum utrimque, quæ expendenda sunt, proponit?

§. 21.

Refutantur Imposturæ Accusationis circa hanc propositionem quæ inter 61. fuit quadragesima tertia: Quis scit, an non aliquando eo usque deferenda sit Ecclesia, ut in spatio non majori, quam sit Gallia & Belgium, à paucis tantum scriberetur quoad omnia Ecclesiæ praxis seu disciplina in administrando Sacramento Pœnitentiæ. Dissert. de Praxi administr. Sacram. Pœnit. pag. 23. lin. 30.

Propositionem mutilavit Accusator, dum omisit hæc quæ ibidem subjungit Opstratus: *Non quod ego tam angustum (spatium) esse posse affirmem; sed quod sine Scriptura & Traditione judicium suspendam.* His enim additis manifestum fuisset, nil circa propositionem istam affirmare vel negare Opstratium, sed tantum judicium suspendere. Et sanè cum nusquam id vel in Scrip-

tura Sacra vel in Traditione determinatum sit; quin etiam ex Historia Ecclesiastica constet, vehementer aliquando Ecclesiam desertam fuisse; ex Scriptura verò Sacra, eò usque aliquando deferendam, *ut filius hominis veniens vix inveniat fidem in terra*: quid prudentius in ejusmodi quæstione facere poterat, quam ut iudicium suspenderet? Atque hinc etiam patet sensus alterius propositionis, quam Accusator adjungit: *Meritò dubitari posse, an Ecclesia non minus, imò non magis aliquando deserta fuerit, vel sit deferenda, quam si in spatio &c.* Nam ubi dubitatur, ibi iudicium suspenditur.

Itaque impostura est, "quod sensus illarum propositionum *assertorius sit*," ut asserit Accusator Reflex. 1. Neque enim quidquam asseritur, ubi *iudicium suspenditur*, & *dubitatur*.

Altera impostura est, "Quod scopus noster esse videatur, armare „partem nostram contra faciendas, & jam indè sæpè factas objectiones; quod nimirum colligatio, quæ inter nos contesserati sumus, teneat praxim à longè maxima Ecclesiæ parte dissonam." Refl. 2.

Tertia est, "Quod respondeamus, Ecclesiam potuisse eò usque „defecisse, ut legitima praxis absolvendi apud nos solos, in paucis Galliæ & Belgii argulis resideat." Ibid.

Quarta, "Quod tum argumentis, tum propriæ conscientiæ testimonio victi fuerimus, nos in paucis orbis argulis praxim fore „vere à totius Ecclesiæ usu diversam." Refl. 3.

Quinta, "Quod, quo paucitatem nostram adversus multitudinem erigamus, jam asseramus: Meritò dubitari posse, an Ecclesia „sia in hoc non fuerit eo usque à Deo deserta." Ibid.

Harum imposturarum falsitas manifesta erit legenti *Dissertationem* Opstratii *de Praxi* &c. Nam imprimis disertè illic *negat*, esse quamdam praxim administrandi Sacramentum penitentiae, quæ tantum servetur à paucis quibusdam in Gallia & Belgio Parte 1. cap. 2. pag. 22. in fine. Deinde cum Adversarius vellet factum illud supponere atque inde concludere, *quod praxis illa non posset esse praxis Ecclesiæ*: Respondet temerarium ac periculosum esse id definire. Temerarium quidem: quia id nusquam vel in Scriptura sacra vel in Traditione definitum est. Periculosum verò: quia sic in discrimen adducitur Ecclesia; ejusque indefectibilitas, quæ fide certa est, à facto incerto suspenditur. Si enim fieri possit aliquando, ut praxis illa servaretur tantum à paucis quibusdam in
Gallia

Gallia & Belgio (quod an fieri posset certum sibi non esse dicebat Opstratus) jam admitti deberet, quod certum est fieri non posse, ut Ecclesia de Orbe terrarum periret. Accedit, quod sic Catholicis eripatur responsum, quo Ecclesiam hactenus adversus sophismata Hæreticorum defenderunt. Hi enim cum jam pridem ex abusibus, qui per Ecclesiam universam grassabantur, concluderent Ecclesiam defecisse; respondebant Catholici, abusus illos quantumvis graves & communes imputari non posse Ecclesię, adeoque nec posse propter illos Ecclesiam deficere: At non valebit amplius ista responsio, si abusus in administrando Sacramento Pœnitentię tunc tandem Ecclesię imputandus erit, cum praxis legitima illud administrandi quoad omnia servabitur tantum à paucis quibusdam in Gallia & Belgio. Sed hæc fusius in *Dissertatione de Praxi*. Ad objectiones festino.

I. "Adversarii, inquit Accusator, Protestantibus arma ministrant: si enim admittatur, *merito dubitari posse an Ecclesia non minus, imò non magis aliquando deserta fuerit, quàm si in Gallia & Belgio à paucis tantum observaretur legitima praxis administrandi Sacramentum pœnitentię quoad disciplinam*; ne, mo non videt quam facile sit futurum Protestantibus ad alia, gradum facere."

R. Aded non metuendum est, nè id admittendo arma ministrantur Protestantibus; ut econtra, nisi admittatur, Protestantium arma propulsari non possint, ut jam ostensum est. Quod si Hæretici inde gradum facere velint ad Ecclesię defectibilitatem, aut illius admodicum terrę angulum coarctationem: mox in promptu erit Scriptura, quæ Ecclesię per totum Orbem diffusionem & usque ad consummationem sæculi indefectibilitatem clarissimè expressit. Confutabit etiam illos ratio, quæ evidenter demonstrabit non sequi: "Praxis legitima administrandi Sacramentum Pœnitentię ad paucos Ministros & ad spatium non majus quàm sit, Gallia & Belgium redigi fortè potest; igitur ed etiam redigi potest Ecclesia." Cujus sophismatis fallaciam latius detexi in *Dissertatione de Praxi* parte 1. cap. 2. §. 2. 4. & 5. simulque ostendi, ibi etiam esse Ecclesiam, ubi nullus est qui legitimam in administrando Pœnitentię Sacramento praxim observat: siquidem ibi esse Ecclesiam, ubi sunt qui fidem & doctrinam Ecclesię profitentur: posse autem eam profiteri etiam illos, qui minimè eam observant. Quemadmodum pessimi quique Catholici profitentur fidem & do-

ctinam Ecclesiæ circa mores, & sunt in Ecclesiâ; etsi mores illorum à fide illa & doctrina quàm longissimè diffideant.

2. "Comparat nos cum Donatistis schismaticis, quorum, inquit, dogma fuit principale, legitimam praxim baptizandi apud se solos existere, reliquam verò Orbis Christiani partem in hoc à Deo desertam fuisse: nescire se quid intersit inter legitimam praxim absolvendi & legitimam praxim baptizandi."

R. Injuriz & falsitatis plena est comparatio. 1. Donatistæ dicebant, legitimam baptizandi praxim apud se solos existere, reliquam verò Orbis Christiani partem in hoc à Deo desertam fuisse: Nos de legitima praxi absolvendi non tantùm id non dicimus, sed etiam disertè negamus. 2. Donatistæ ex eo quod crederent, legitimam baptizandi praxim apud se solos in Africa existere, concludebant, Ecclesiam ad solam Africam coarctatam esse, & de reliqua Orbis parte periisse: Nos etsi falsò supponeretur quod praxis legitima absolvendi in sola Gallia & Belgio servaretur, negamus tamen propterea, concludi posse, Ecclesiam ad solam Galliam & Belgium coarctari. 3. Donatistæ ab iis, qui aliam baptizandi praxim servabant, impio se schismate dividebant: Nos cum iis, qui aliam absolvendi praxim habent, in una Ecclesia charitatis & quantum in nobis est, pacis vinculum servamus. Absit ergo ut dogmatis aut schismatis Donatiani insimulemur. Judicet autem Sedes Apostolica, an ab errore Donatiano satis recedant qui dicunt, aliis locis non esse Ecclesiam, quàm ubi praxis legitima in administrando Pœnitentiæ Sacramento servatur: Hoc enim tacitè dicunt Adversarii, dum apertè hic accusare audent assertionem hanc: *Ut vetus Donatistarum error est, dicere solos bonos esse in Ecclesiâ; ita novus est, sed non procul à Donatiano recedens, affirmare in aliis locis non esse Ecclesiam, quàm ubi praxis legitima in administrando Pœnitentiæ Sacramento servatur.* Dissert. de Praxi pag. 28. lin. 21.

3. "Quod, inquit, contra Donatistas, hoc contra hunc Authorem militat: *Consuetudinis robore tenebatur Orbis terrarum, & hæc sola objiciebatur inducere volentibus novitatem.*" Aug. lib. 2. cont. Donat. c. 9.

R. Quàm consuetudo, de qua Augustinus, diversa est à consuetudine, de qua Accusator; tam argumentum Accusatoris diversum est ab argumento Augustini. 1. Argumentabatur Augustinus à consuetudine, cujus robore tenebatur orbis terrarum: Argumentatur Accusator à consuetudine (quosvis passim absolvendi) quam

veluti corruptelam præstantissimi in Orbe terrarum Theologi rejiciunt. 2. Argumentabatur Augustinus à consuetudine, quam idè credebatur ex Apostolorum Traditione venire, quia & per universam custodiebatur Ecclesiam, & illius initium non inveniebatur: *Sicut*, inquit, *multa non inveniuntur in litteris eorum, nec in Conciliis posteriorum; & tamen quia per universam custodiuntur Ecclesiam, non nisi ab ipsis tradita & commendata creduntur.* Lib. 2. de Bap. cap. 7. Argumentatur Accusator à consuetudine quæ nec per universam custoditur Ecclesiam, & cujus initium invenitur. 3. Objiciebat Augustinus consuetudinem illam Apostolicam & universalem Donatilis, inducere volentibus novitatem: Objicit Accusator consuetudinem suam novam & particularem Catholicis, conantibus tueri vetustatem.

Quare non magis concludere potest consuetudinem suam esse consuetudinem Ecclesiæ; quàm olim, dum per Ecclesiam ubique grassabatur simonia, concludi poterat praxim Ecclesiæ esse simoniam.

"At, inquit, simonia etiam tunc per Ecclesiæ leges castigabatur: at verò praxis administrandi Sacramentum poenitentia, de qua agimus, fundatur in Ritualibus, & Canonibus, & Traditione Patrum supra probatâ."

R. Nescio quid jactet de Traditione Patrum, qui unum præcipue Nilum produxit: si quos verò produxit præter Nilum ad eos supra responsum est. Nunc cum dicat, praxim etiam suam fundari in *Ritualibus & Canonibus*: palam ipsum provocho ut vel unum Rituale vel Canonem unum proferat, quo decernatur, debere aut posse v. g. lapsum in fornicationem passim absolvi, modo dicat se dolere & emendationem proponere: si autem proferre nullum possit, quo pacto dicat praxim suam in Ritualibus & Canonibus fundari?

Ad aliud responsum fugit, aitque non esse formandum argumentum à Simonia ad Sacramenta.

R. Et si etiam rectè hic à simonia formetur argumentum ad Sacramenta; obsequar tamen *Accusatori querulo*, & à Sacramento ad Sacramentum argumentum formabo. Testantur novem delecti à Paulo III. Cardinales & Theologi, primum abusum eo tempore in Ecclesia fuisse Ordinationem Clericorum & præsertim presbyterorum, *In qua*, aiunt, *nulla adhibetur cura, nulla adhibetur diligentia: quod passim quicumque sint, imperitissimi sint, vilissimo genere orti sunt, malis moribus ornati sint, adolescentes admittantur ad*

*Ordines sacros, & maximè presbyteratum... Hinc innumera scanda-
dala, hinc contemptus ordinis Ecclesiastici, hinc divini cultus
veneratio non tantum diminuta, sed etiam propè extincta.* En
hic argumentum à Sacramento ad Sacramentum: Si sic invalescere
per Ecclesiam potuerit praxis illegitima in administrando Sacramen-
to Ordinis, ut indè divini cultus veneratio non tantum diminuta,
sed etiam propè extincta foret; potest sanè etiam sic invalescere
praxis illegitima in administrando Sacramento Pœnitentiæ.

4. "Deficientibus Sacramentis, Ecclesia deficit: atque ita Au-
tor dum legitimam rationem Sacramenti Pœnitentiæ nititur re-
stringere ad terminos paucitatis suæ, eadem intentat toti Eccle-
siæ, & præsertim Romanæ."

R. Jam sæpiùs dixi imposturam esse, quod legitimam ratio-
nem Sacramenti Pœnitentiæ nitamur restringere ad terminos pau-
citatís nostræ: Hoc unum dicimus, incertum nobis esse ad quos ter-
minos & ad quam paucitatem redigi possint qui legitimam in ad-
ministrando Pœnitentiæ Sacramento praxim *quoad omnia* ob-
servant. Consequentias verò, quas indè format Accusator, planè
negamus.

Infert primùm, Sacramenta deficere iis locis, quibus non legi-
timè quoad omnia administrantur. Sed illatio inepta est. Nam etsi
non administrantur quoad omnia legitimè, quia v. g. illicitè admini-
strantur iis quibus administrari non deberent; administrantur ta-
men, adeoque nullo pacto dici potest tunc Sacramenta deficere.
Præterea etsi non legitimè administrantur circa aliquos, puta con-
suetudinarios qui ritè dispositi non sunt; semper tamen admini-
strantur legitimè circa alios ritè dispositos: quod indubiè sufficit
ut illic Sacramenta non deficient. Infert deindè, tunc etiam iis lo-
cis deficere Ecclesiam. Sed multò ineptius. Nam, ut jam ante
monui, ibi est Ecclesia, ubi sunt qui fidem & doctrinam Ecclesiæ
profitentur: hanc autem profiteri possunt etiam illi, qui nec secun-
dum fidem & doctrinam Ecclesiæ vivunt, nec secundum illam Sa-
cramenta administrant.

5. Parallelum instituit accusator nòs inter & Donatistas: sed
demptis imposturis, non semel antea repetitis, nihil in eo est quod
jam refutatum non sit, & ex iis ipsis, quæ citat ex Augustino, re-
futari iterum non possit. Tota enim vis in eo est, quod sicut S. Au-
gustinus Donatistis opponebat solam Ecclesiæ consuetudinem; ita
& nobis eandem opposuisse sufficiat. Citat autem ex Augustino hæc

hæc verba: *Quam consuetudinem credo ex Apostolica Traditione venientem; sicut multa non inveniuntur in litteris eorum, neque in Conciliis posteriorum, & tamen quia per universam custodiuntur Ecclesiam, non nisi ab ipsis tradita & commendata creduntur.* Lib. 2. de Bap. c. 7.

R. Sed ex his ipsis verbis supra ostendi, immensum discrimen esse inter consuetudinem, quam S. Augustinus opponebat Donatistis, & consuetudinem quam ipsi opponunt nobis. Consuetudo, de qua Augustinus, per universam custodiebatur Ecclesiam; non sic consuetudo quosvis passim absolvendi, de qua Accusator. Consuetudinis, de qua Augustinus, nullum inveniebatur initium: Consuetudinis, de qua Accusator, initium sat recens est. Consuetudo, de qua Augustinus, veniebat ex Traditione Apostolica: suam pro tali vendicare non audebit Accusator &c.

6. Communionem laicam sub una specie stabilivit consuetudo, & Ecclesiæ Principes ad eam contra Hæreticos manutenendam impulit regula: *Usus Ecclesiæ non posse esse erroneum.* Verba sunt Bellarmini: *Primo movit Ecclesiam consuetudo jam recepta & approbata consensu gentium & populorum.* De Sacram. Euchar. lib. 4. c. 28.

R. Et nos dicimus, *Usus Ecclesiæ non posse esse erroneum*, uti nec consuetudinem jam receptam & approbatam consensu gentium & populorum; adeoque sufficere ad praxim aliquam stabiliendam: sed talem esse usum & consuetudinem absolvendi, quam obtrudit Accusator, id verò pernegamus. Ut satis in *Doctrina de Laboratorio Baptismo* ostensum est.

7. "Similiter abrogatio præcepti Apostolici abstinendi à sanguine & suffocato, solâ consuetudine niritur."

R. Fateor: sed consuetudine, ab Ecclesia ipsa receptâ & probatâ.

Et tali consuetudine admittimus etiam abrogari potuisse, & nunc abrogatam esse antiquam praxim administrandi Sacramentum Pœnitentiæ juxta Canones. Verùm pessimè à consuetudine ista ad consuetudinem suam argumentatur Accusator.

8. Dicit quosdam objicere hanc sententiam Tertulliani: *Dominus noster Christus veritatem se, non consuetudinem cognominavit.* Lib. de vel. Virg. c. 1. nec observare, eam Tertulliani non stantibus, sed labentibus esse.

R. Cujuscumque sit ea sententia, certè vera est: Et si eâ abusus sit Tertullianus jam lapsus adversus consuetudinem Ecclesiæ;

non propterea probat eadem abuti alios adversus consuetudinem ipsius privatam.

9. Plura allegat ex Tertulliano de præscriptionibus, S. Augustino, S. Thoma &c.

R. Sed nil probant aliud, quam Traditiones Apostolicas & consuetudines Ecclesiæ sine scripto recipi debere; de quo nulla inter nos quæstio est. Hoc probare deberet, consuetudinem suam esse consuetudinem Ecclesiæ, aut de Apostolica Traditione venire: alioquin ex locis illis probat nihil.

Exagerationes quasdam verborum, scommata & dicteria, quæ hac Reflexione tertiâ accumulat Accusator, prætereo. Pauca attexam ex quodam Societatis Jesu Theologo, qui statum Ecclesiæ, ut erat tempore Sancti Ignatii de Loyola, sic describit, satis ad rem nostram accommodatè: " Liber, inquit, imo pudet „meminisse illius temporis, quo per Orbem universum jam altera „ram Babylonem, Stygius Imperator castra sua disposuit..... Cul- „tus divinus, reverentia Sacerdotum, Religio, Sacrorum usus, „quam exiguo tum temporis in pretio? Quam rara & infrequens „Sacramentorum usurpatio? Quàm neglecta in sanctissimo Eucha- „ristiæ cultu veneratio?... Argumento sit quod religiosissimus ac „litteratissimus scriptor ad declarandam miserrimi illius status faci- „ciem commemorat. In Ecclesia Urbis Romæ nobilissima, cum „pro more, certis anni diebus exponeretur divina Hostia, arcen- „dis sacri Ciborii furibus, alligabatur Molossus ad Altare, cate- „næ protensoris interpositu: addit, vix uno aut altero lumine ad „tantæ Majestatis præsentiam testandam appposito, dilapsis planè „omnibus, quorum erat adstare venerabundis, & ad res suas in- „tentis. Hoc in Urbe Roma, in Ecclesia Metropoli, unde Re- „ligionis decus, & fidei vigor expectandus erat, in æde sacra nobi- „lissima gestum, testes jurati confirmarunt. Inibi Romæ (quid ali- „bi fieret) participatio cælestis mensæ ad eam devenerat infrequen- „tiam, ut Christophoro Madridio, & aliis tunc viventibus, cer- „tandum fuerit libris editis adversus nimium quantum supinam „crassamque ignorantiam, contendentium peccare & violare sacra „instituta, qui plusquam in anno semel divina illa esca vesceretur... „Vix attinet commemorare, quàm pretiosus eo tempore fuerit „sermo Domini: quam, inquam, esset panis ille animarum arctus „& parvulis poscentibus, quàm pauci essent qui frangerent eis. Ad- „hæc divinorum Mysteriorum, sacrarum litterarum supina igno-
rantia

„rancia: *Non est scientia Dei in terra.* Osee 4 v. 1. Ad sobrium „doctorem appellare non licebat Morum integritas, honestas, „justitia, fides divina & humana inter ipsos Catholicos sub pedi- „bus jacebat” Hæc HENRICUS ENGELGRAVE in *Cælo Empyreo* part. 2. in Octava S. Ignatii §. 1. Ubi etiam dicit, ad Ignatium trans- ferri posse, quod Menza Græcorum de Chrysostomo: NISI FUISSET HIC SANCTUS, *Christum terras secundo, ante ultimum, adven- tu reviviscere oportuisset.* Quod vero narrat de Molosso ad Altare alligato, in ipsa Urbe Roma, in Ecclesia Metropoli, ad fu- res à Ciborio exposito arcendos, id hoc ipso anno 1698. die S. Ig- natii quidam è Societate Jesu Missionarius in Civitate Amsteloda- mensi palam ad plebem concionatus est, ut ex certissimis, quæ apud me sunt, testimoniis mihi constat.

Liceat nunc ex his ad rem nostram argumentari: Si sic eo tem- pore deserta fuerit Ecclesia: peccavitne, cum dixit Author *Dis- sertationis de praxi*, nescire se an sic aliquando Ecclesia possit de- feri, ut praxis legitima administrandi Sacramentum Pœnitentiæ servetur tantum quoad omnia à paucis in Gallia & Belgio? Et meritò dubitari posse, an Ecclesia non minus imò non magis aliquando deserta fuerit vel sit deserenda? Quæ enim & quantula est hæc desertio, si comparetur cum ista? Nam etsi supponeretur, quod legitima praxis servaretur tantum à paucis in Gallia & Bel- gio, v.g. quod Consuetudinarii ubique passim, nisi in Gallia & Bel- gio, absolverentur: non tamen propterea ubique legitima praxis de- ficeret quoad alios pœnitentes ritè dispositos; multo minus defice- ret Sacramenti Pœnitentiæ administratio; & minime ipsum Sacra- mentum. Quæ consequentiâ pessimâ *Querulus* è propositione ac- cusata deducit.

At si expendamus desertionem Ecclesiæ, quam describit EN- GELGRAVIUS, quantum hæc major apparebit!” Cultus divinus, reve- „rentia Sacerdotum, Religio, sacrorum usus, Sacramentorum u- „surpatio, Eucharistiæ veneratio (in ip’a Urbe Roma, in Ecclesia „Metropoli, undè Religionis decus, & fidei vigor expectandus „erat) morum integritas, honestas, justitia, fides divina & hu- „mana inter ipsos Catholicos sub pedibus jacebat: aded ut non „esset scientia Dei in terra, nec ad sobrium Doctorem appellare „liceret, & nisi Ignatius fuisset, Christum terras secundo, ante „ultimum, adventu reviviscere oportuisset.” Et post hæc non licebit, non dico affirmare, sed ne dicere quidem, nescire nos, An Eccle-

sia possit aliquando eo usque deferri, ut praxis legitima pœnitentiæ, v. g. circa consuetudinarios, servetur tantum à paucis in Gallia & Belgio? Non licebit, inquam, hoc dicere, non Sancti alicujus extollendi gratiâ, sed ipsius Ecclesiæ defendendæ? Neque enim argumento Hæreticorum ab abusibus desumpto respondere amplius possumus; si admittendum sit tunc Ecclesiam defecisse, cum in eam irreperisset abusus non minor, quam si legitima praxis pœnitentiæ tantum servaretur quoad omnia à paucis in Gallia & Belgio. Hinc non dubitanter Contensonius de Pœnit. cap. 2. Specul. 3. in Responsione ad object. 1. *Disciplina, inquit, praxim in plerisque Ecclesiæ membris posse corrumpi, & sæpè reapse corrumpi, prænuntiavit Christus Matt. 24. & Luc. 18. ubi fore ait, ut refrigescat charitas multorum, Filiusque hominis secundò veniens vix inveniat fidem in terra.* Neque timet nè hinc sequatur ipsa defectio Ecclesiæ: quia vel in mediâ praxeos & disciplinæ corruptione, ipsa Ecclesiæ fides & generalis de disciplina sensus omni loco & tempore incorruptus perseverat.

§. 22.

Refutatur Accusatio circa hanc propositionem, quæ inter 61. fuit quadragesima quarta: Itaque antè omnia amplector lubens, quod hic dicit, excessus in moribus semper futuros pro multò maxima Ecclesiæ parte: sed contendo idem dici debere de abusu in praxi seu disciplina administrandi Sacramentum Pœnitentiæ. Dissert. de Praxi pag. 17.

PRior propositionis pars erat Doctoris Steyaert, ex qua Auctor *Dissertationis de praxi* posteriorem sequi contendebat, hac ratione, quod excessus in administrando Sacramento Pœnitentiæ non aliud sint, quàm excessus in moribus. Sicut enim in moribus excedunt laici, dum regulas sibi in statu & Officio suo præscriptas non servant; ita in moribus excedunt Confessarii, dum non servant regulas sibi præscriptas in administrando Sacramento Pœnitentiæ, v. g. dum absolvunt passim Consuetudinarios, quos regulæ ab Ecclesia ipsis præscriptæ absolvi non sinunt.

Asserebat præterea Doctor Steyaert, *numquam tam præclare agi cum rebus humanis, ut quæ optima sunt, pluribus placeant in moribus: sed rursus hinc contra ipsum inferebat Author Dissertationis, "numquam tam præclare agi in Ecclesia, ut quæ op-*
 „ tima

„tima est in administrando Pœnitentiæ Sacramento praxis seu disciplina, pluribus placeat Ecclesiæ Ministris.” Sicut enim quæ optima sunt in moribus, idè non placent pluribus, quia difficilia sunt & cupiditati adversa; ita ob eandem causam non placet pluribus Ecclesiæ Ministris quæ optima est praxis administrandi Sacramentum Pœnitentiæ.

Atque hæc ipsi Evangelio, & Sanctis Patribus, aliisque Scriptoribus Ecclesiasticis, conformia sunt. Etenim si juxta Evangelium pauci sunt qui salvantur; si juxta SS. Patres pauciores salvantur è Sacerdotibus, Confessariis, Pastoribus &c. eò quod ipsorum officium præ officio laicorum difficilior sit & periculosius; si adhæc inter officia Sacerdotum nullum sit tam difficile & periculosum, ac ars ista artium, Regimen animarum; denique si Sancti moneant, eligendum esse Directorem unum è mille, vel, ut quidam, unum è decem millibus: profectò nec temeraria, nec piarum aurium offensiva, nec divinæ providentiæ injuriosa videri cuiquam poterit propositio, quam Accusator ut talem censurat. Nisi fortè etiam sic censurandæ sint hæ: *Stultorum infinitus est numerus. Lata porta & spatiosa via est, quæ ducit ad perditionem, & multi sunt qui intrant per eam. Quam angusta porta & arcta via est quæ ducit ad vitam, & pauci sunt qui inveniunt eam!* Item hæc Episcopi Atrebatensis: *PAUCI sunt (Directores) verè fideles suo ministerio, cum difficillimum sit, sed ut melius dicam, omnino impossibile, verba Concilii (Tridentini) quæ jam retulimus (non sine magnis nostris sletibus & laboribus) conciliare cum directione ignava & molli, quæ observatur in INFINITA MULTITUDINE Confessariorum.* Instruct. cap. 2.

Censuris imposturas adjicit.

1. "Sensum nostrum esse, quod legitima praxis semper sit apud „paucos." Reflex. 1.

2. "Scopum videri esse, paucitatem nostram adversus universitatem in perpetuum erigere." Reflex. 2.

3. "Opstratum non solum Ministros impetere, sed & ipsas leges atque instructiones, juxta quas ministrant." Reflex. 3.

4. "Propudiare eum auctoritatem omnium Ritualium, etiam „Romani." Ibid.

5. "Eundem in toto illo scripto, cui titulum fecit *de Praxi*, „&c. totum esse, ut ostendat, quod nec Instructiones, nec Leges, „nec diligentia, nec attentiones, neque omnia, quæ in quovis

„Ministrorum ordine reperiuntur, nec ipsa Ecclesia Romana, cæ-
 „terarum omnium hætenus Mater & Magistra, satis ponderis ha-
 „beant ad stabiliendam solidam & irrefragabilem praxim.”

Pro Coronide addit hoc scomma: ” Ille solus scilicet cum pau-
 „cis suis rem heri acu tetigit. Opstratum *nimirum liberanda ve-*
 „*ritus expectabat.*” Tertul. de Præscript. cap. 29.

Nunc diluenda quæ obijcit.

1. ” Sequi videtur error gravis: Quod optima praxis semper sit
 „apud pauciores.”

Respondeo verbis Contensonii, ” Præceptorum Ecclesiasticorum
 „observantiam, & castæ moralis disciplinæ custodiam esse quidem
 „singularem (*apud pauciores*) si cum illorum moribus conferatur,
 „qui laxiora sectantur; scriptum est enim, *stultorum infinitus est*
 „*numerus:* & voce Veritatis asseritur, quod lata est via quæ du-
 „cit ad perditionem, & multi sunt qui intrant per illam. At verò
 „si utrorumque vitæ consuetudo ad Evangelicarum Ecclesiastica-
 „rumque regularum amussim exigatur, jam quæ privata & singu-
 „laris videbatur, communis jure censetur, utpotè communi San-
 „ctorum usu probata, tametsi à paucis arctam viam ineuntibus
 „servata.” De Pœnit. cap. 2. Specul. 3. in solut. Object. 1.

2. Quid de Episcopis, id est, Ecclesiæ Ministris principaliori-
 bus, in plenario Concilio adunatis: An optima in administrando
 Pœnitentiæ Sacramento praxis his aliquando placeret? Dicit enim
 quod *Numquam* &c.

R. Quid si vicissim ego quærerem ab Accusatore, an iisdem ali-
 quando placerent optima in moribus? Dicit enim Doctor Stey-
 aert, cujus partes in accusando agit, *Numquam tam præclare agi*
cum rebus humanis, ut quæ optima in moribus sunt, pluribus
placeant? Sed nè effugium quærere videar, tam pro me quam pro
 ipso respondeo, manifestum esse nos non agere de Episcopis in
 plenario Concilio adunatis: qui ut universalem Ecclesiam repræ-
 sentant, ita in declarando Ecclesiæ circa fidem, mores, & praxim
 sensu errare non possunt. Verum de hominibus privatis agitur per
 Orbem universum dispersis: nec agitur de fide & sensu ipsorum cir-
 ca mores & praxim; sed de ipsis ipsorum moribus & praxi. De his
 autem credimus semper verum esse quod dixit Christus, *paucos*
esse qui inveniunt angustam portam & arctam viam quæ ducit ad
vitam. Matt. 7. adeoque etiam semper moraliter verum esse, quod
 quæ optima sunt in moribus & praxi administrandi Sacramentum
 Pœnitentiæ pluribus non placeant, sic nimirum ut opere etiam ea
 præstent.

” At,

”At, inquit, nos per Ecclesiam intelligimus *plebem Sacerdoti adunatam*, ut S. Cyprianus loquitur.”

R. Et nos eam intelligimus: sed quid inde confici potest? An quod ea dicenda sit praxis Ecclesiæ, quam plures de plebe & Sacerdotibus sequuntur? Minimè. Nam plures sequuntur praxim, quam ipsi non probant: *Video meliora proboque, deteriora sequor*. An quod ea sit praxis Ecclesiæ, quam plures ex illis praxim Ecclesiæ esse sentiunt? Ne hoc sequitur. Nam sensum suum fortè multi mutarent, si aut maturius eum ad sensum Ecclesiæ expenderent, aut in Concilio aliquo generali sententiam suam dicere deberent: & quamquam non mutarent, non propterea mox ex plurimum illorum sensu concluderet Ecclesia aut Concilium aliquod generale, eundem etiam esse sensum Ecclesiæ; sed sensu plurimum cum sensu pauciorum collato, diligenter expenderet, uter illorum Scripturæ Sacræ & Traditioni conformis sit, eumque tandem definiret esse sensum Ecclesiæ, quem in illis contineri deprehenderet. Exemplum habemus obvium in Doctrina de probabilibus. Si eo tempore, quo *Mundus se*, ut loquitur Doctor Steyaert, *Probabilistam mirabatur*, rogati fuissent Sacerdotes cum plebe suum de probabilitate sensum promere; respondiissent fortè plerique id quod in Academicis & Scholis tunc edocti erant tamquam certissimum, *Licetum esse sequi sententiam probabilem*: Sed absit ut propterea ex plurimum illorum sensu continuè conclusisset Concilium aliquod, eum esse sensum Ecclesiæ; nam etsi reclamasset vel unus, imò etsi reclamasset nemo, diligenter tamen doctrina illa ex sacris litteris & traditione discussa fuisset, priusquam ventum fuisset ad definitionem, atque ita facillè doctrinæ illius falsitas deprehensa fuisset.

§. 23.

Refutantur imposturae Accusationis circa hanc Propositionem, quæ inter 61. fuit quadragesima quinta: Obijcies Auctoritatem Ritualium, & præsertim Romani. Resp. Cum nullum conditum sit ab Ecclesia universali, vel saltem ab ea approbatum, tamquam quod sensum illius & praxim contineat, nullius etiam tanta potest esse, quanta est Ecclesiæ. De praxi administ. Sacram. Pœnit. pag. 32. lin. 7. & seqq.

Nescio quâ iterum fide Propositionem hanc excerpserit & exhibuerit Accusator. Verba hæc: *Obijcies auctoritatem Ri-*

tualium, & præsertim Romani. Resp. non sunt Opstratii, sed ipsius Accusatoris, qui ista Opstratio affinxit, ut videatur Opstratius Auctoritatem Ritualium & præsertim Romani sibi objectam rejicere; quod numquam fecit. Imo verò fecit contrarium, ut ex toto contextu, unde propositio sumpta est, patet; Etsi, ait, veneranda sit Ritualium Auctoritas: non tamen Auctoritati Ecclesie adequanda est. Siquidem Ritualium Auctoritas major esse non potest, quam sit illorum, qui ea condidit, vel qui ab aliis condita, ut sua, approbarunt. Itaque cum nullum conditum sit ab Ecclesia Universali, vel saltem ab ea approbatum, tamquam quod sensum illius & praxim contineat: nullius etiam tanta esse potest, quanta est Ecclesie universalis auctoritas.

Hæc sunt Opstratii; non verò ea quæ protulit Accusator, qui ad fulciendam calumniam subjungit: "Ad ostendendum quod Auctor directè impugnet doctrinam Ritualis Romani, & censeat eam non esse à Pastoribus observandam, ponitur adjuncta: *Quæ merè spectant ad Ritus observanda sunt à Pastoribus in administratione Sacramentorum.... Verum non est eadem Auctoritas Ritualium in iis quæ doctrinæ sunt.... Quod si Pontifex Paulus V. voluisset Rituale etiam esse normam doctrinæ, quam Pastores sequerentur, certè id in sua Præfatione nec tacuisset, nec tacere potuisset.*" Ibid.

Certum est hæc ibidem nec haberi, nec umquam ab Accusatore ibidem lecta esse: Undè rursus ipsius in accusando temeritas elucet. Locus, unde verba illa truncata sunt, non aliud habet, quam non eandem esse Auctoritatem Ritualium in iis quæ doctrinæ sunt, ac in iis quæ sunt Rituum: Quæ est ipsa doctrina Doctoris Steyaert ita pronuntiantis: *In Ritibus præcipua Manualium est Auctoritas.* De Administ. Sacram. Pœnit. concl. 43. Probatur verò id ex ipsa præfatione Ritualis Romani, ubi Pontifex suum in edendo Rituali consilium his verbis significat: "Restabat ut uno etiam volumine comprehensi sacri & sinceri Ecclesie Catholicæ ritus, qui in Sacramentorum administratione aliisque Ecclesiasticis functionibus servari debent ab iis qui curam animarum gerunt, Apostolicæ Sedis Auctoritate prodirent; ad cujus voluminis præscriptum, in tanta Ritualium multitudine, sua illi Ministeria, tamquam ad publicam & obsignatam normam peragerent, uno, que ac fideli ductu inoffenso pede ambulant cum consensu." En summi Pontificis consilium, uno volumine comprehendere
sacros

facros & sinceros Ecclesiæ Catholicæ Ritus, qui in Sacramentorum administratione aliisque Ecclesiasticis functionibus servari debent. Non dicit eodem volumine se etiam comprehendere voluisse Ecclesiæ Catholicæ doctrinam: nec proinde dici potest, eandem esse Ritualis Romani quoad doctrinam & quoad Ritus auctoritatem: major enim est illius autoritas quoad Ritus, ad quos præscribendos disertè se dicit Pontifex illud edere, quàm quoad doctrinam, ad quam præscribendam se illud edere non dicit: Atque hoc unum dixit Opstratius. Et quid, quod ipsum Ritale Romanum dicat quid amplius? Nam ubi tractat de iis quæ in Sacramentorum administratione generaliter servanda sunt, ita habet: "Quæ de...
 „Sacramentis scire, servare, & docere Parochi debent, cum ex
 „aliis libris, tum præcipuè ex Catechismo Romano sumi possunt.
 „Siquidem hic DE IIS FERE TANTUM agere instituti operis ratio
 „postulat, quæ ad ipsorum quinque Sacramentorum Ritus per-
 „tinent." Ritale Rom. impressum Lugduni 1680. En expref-
 „sum disertissimè, quod institutum Ritualis Romani sit, *de iis*
 „*fere tantum agere, quæ ad Sacramentorum Ritus pertinent.*

Imposturæ itaque sunt propositiones ipsius XXXVII. XXXVIII. & XXXIX. Quibus accedunt sequentes.

Quarta, "Sensum nostrum esse, quod error circa praxim non tantum resideat apud Ministros; sed quod non extet ullum Ritualæ, ne Romanum quidem, quod sit sufficienter approbatum, tamquam quod Ecclesiæ universalis praxim contineat." Refl. 1.

Quinta, "Quod Ritus (Ritualium) observandi sint, Doctrina non item." Ibid.

Sexta, "scopum nostrum videri esse, infringere Auctoritatem Ritualium & præcipuè Romani." Refl. 2.

Septima, "Infringere quicquid non tradit procrastinationes absolutionum, aliaque novitates, quibus delectamur." Ibidem.

Atque hæc satis ex dictis refutatur sunt. Superfunt Objectiones.
 1. Ex Bulla, quâ Paulus V. Ritale approbat, sic argumentatur: In omni Ritu includitur doctrina à Ritu inseparabilis: ergo unâ cum Ritu approbatur doctrina.

R. Quæstio nulla est de doctrina, quæ in Ritu includitur, atque ab eo inseparabilis est: nam hanc unâ cum Ritu approbari nulli dubium est. Sed de doctrina agitur, quæ in Ritualibus seorsim à Ritibus traditur; circa quam hoc unum affirmamus, quod ad eam

tradendam Ritualia præcipue condita non sint; ut ex ipso Rituali Romano jam docuimus.

2. Objicit Canonem 13. sess. 7. Concil. Trid. quo anathema dicitur iis, qui *receptos & approbatos Ecclesie Catholicae ritus.... contemni.... omitte.... aut.... per quemcumque mutari possederint.*

R. Et nos iis anathema dicimus; ideoque, vel ipso *Querulo* faciente, ritus observandos esse docemus.

3. Sic argumentatur: "Varia Mystéria fidei, v. g. transubstantiationis ex Ecclesie ritibus defendimus: Hæc verò argumenta fluxa jam & caduca erunt omnia, si Regulæ Opstratiæ obtineant: nihil enim erit facilius responsu, quam servari Ritus posse, sed Ecclesiam in doctrina, istis ritibus inclusa, cespitasse: Ergo &c."

R. Jam dixi non agi de doctrinaritibus inclusa, quæ æquè ab Ecclesia Catholica probatur ac ipsi Ritus ab eadem probati; omninoque fatemur, rectissimè Mystéria fidei ac solidissimè ex ritibus ab universa Ecclesia receptis adversus Protestantes, exemplo SS. Patrum, defendi. Sed hoc agitur, an doctrina in Ritualibus seorsim à ritibus tradita tantæ autoritatis sit, quantæ est ipsa universalis Ecclesia? Quod negat propositio accusata; cò quod Ecclesia universalis nullum Rituale condiderit aut approbavit, in quo doctrinam cum tanta autoritate definire ac tradere voluerit. Id quod confirmatur ex ipsa Bulla Pauli V. Rituali Romano præfixâ, ubi summus Pontifex, nullâ factâ mentione de doctrina, tantum *receptos & approbatos Ecclesie Catholicae ritus uno volumine comprehensos esse* præfatur. Cæterum si doctrina, in Ritualibus tradita, ipsius Ecclesie autoritatem obtineret; jam ea ipsis Conciliorum Generalium definitionibus adæquanda foret: quod nec ipse Accusator contendere auderet.

Et hæc quidem pro se Opstratius. Sequuntur nunc Responsalia aliorum, quos Author *Querulus* in eodem Scripto accusat.

Responsio ad propositionem quæ fuit inter 61. accusatas quinquagesima tertia: Referuntur quædam occurrentia, in Confraternitate SS. Trinitatis sub titulo B. M. V. de Redemptione Captivorum, quæ perniciosi erroris occasionem dare possunt (Zegerus Bernardus van Espen in Dictatis authenticè exhibitis fol. 38. verso lin. 1.) tria potissimum occurrunt, quæ dicto errori favere videntur, ac populo occasionem in illum incidendi, & Hæreticis materiam Ecclesiæ tribuendi, dare possunt. Primum Communicatio bonorum operum Confratribus hujus Confraternitatis, quibusdam diebus fieri solita, sub hac formula verborum: Communicamus vobis fratres orationes, jejunia, Missas, peregrinationes, & labores, pro redimendis etiam captivis, susceptos, cæteraque opera bona quæ per Dei gratiam, in nostra Congregatione & ordine fiunt, In nomine Patris & Filii & Spiritus Sancti. Amen. *Ibid. lin. 10. & seqq.*

Dicit *Querelator*, se nescire, quo fundamento hanc formulam communicationis bonorum operum impugnem. Sed ostendere debuisset, me eam impugnare. Nec enim dixi, eam esse erroneam; sed hoc asserui & assero, quod nisi à Parochis aliisque Animarum Directoribus exponatur, quæ sit vis hujus communicationis, natum sit fieri, ut ex illa generali communicatione bonorum operum in perniciosum errorem populus incidat. Quia hinc „facile apprehendent Fideles vulgares (ut habent Dictata) quod „ex hoc solum quod huic Confraternitati sint inscripti, Scapulare „Confraternitatis gestantes, singulis diebus quinies *Pater noster*, & quinies *Ave Maria* pro exaltatione S. Matris Ecclesiæ, „hæresium extirpatione, & Principum concordia recitantes; addito „uno *Pater noster* & *Ave Maria* cum versu *Gloria Patri* &c. „pro bona intentione Summi Pontificis; atque exiguum eleëmō- „synam verbi gratia trium assium cum primum Confraternitati „inscribuntur, & medium assium singulis annis pro redemptione „captivorum offerentes (ut regulæ Confraternitatis præscribunt) „participes efficiuntur omnium istorum bonorum operum: atque „hinc ulterius facile continget, ut segniores reddantur ad similia „pietatis opera, & mortificationis exercenda, credentes hæc sibi, „vi confraternitatis abunde communicari, eorumque fructum applicari.”

Hæc si auctor *Querela* addidisset, sat perspicuum fuisset, me formulam non simpliciter improbasse; sed solum monere, merito Parochos sollicitos esse, ut vis hujus formulæ populo exponatur, ne aliàs effectum illius ultra verum apprehendendo in perniciosum errore incidat. Unde & §. 19. monui: "Interim dum hæc for-
 ,, mula communicationis bonorum operum à Superioribus tolera-
 ,, tur, poterunt Parochi pro opportunitate ostendere, quàm pa-
 ,, rum fidendum sit huic bonorum operum communicationi, nisi
 ,, ipsi bona opera exerceant."

Hanc formulam communicationis bonorum operum *tolerari*, non autem *positive* probatam esse, sat innuit ipsum Decretum Congregationis Rituum probatum per Constitutionem Clementis VIII. ad quam provocat *Querela*.

In hoc enim Decreto dicitur §. 4. "Quamvis non sit usitatum
 ,, cam ita generatim fieri, sed certis tantum personis & Benefacto-
 ,, ribus, tamen Sanctitas Sua *non prohibet* id fieri expressis diebus,
 ,, omnibus qui præsentibus fuerint Confratribus *tantum* & Sororibus."

Dein addit §. 6. "Prohibet expressè Sanctitas sua ne populus
 ,, in Civitatibus, terris & locis publicè invitetur à dictis Congrega-
 ,, tionibus ad suas Ecclesias ad consequendam supra dictam com-
 ,, municationem Indulgentiarum & bonorum operum, hoc est, in
 ,, plateis, viis & locis publicis non apponantur cedulæ impressæ
 ,, seu manuscriptæ, quibus indicatur & promulgetur talis commu-
 ,, nicatio Indulgentiarum."

§. 25.

Responsio ad Propositionem inter 61. accusatas quinquagesimam sextam: Quis enim in animum inducat tantam Indulgentiarum profusionem à Pontificibus verè emanasse, qui non ignorant, quin & profitentur, quia per indiscretas, & superfluas Indulgentias, & claves Ecclesiæ contemnuntur, & pœnitentialis satisfactio enervatur? *Van Espen ibid. fol. 49. lin. 2. & seqq.*

Sensum esse duplicem illius propositionis, dicit Censura apostolica; atque in uno illorum non esse censurabiles; sed quis sit duplex ille sensus non exprimit. Hoc scio me hoc unum voluisse, & in dictatis apertissimè exposuisse, nullatenus verisimile esse, tantam indulgentiarum farraginem, qualis in libellis Confraternitatum passim occurrit, à Sede Apostolica emanasse; sed plerosque similes libel-

libellos meritò annumerari libellis illis, de quibus Synodus Provincialis Mechliniensis anno 1570. titulo *De Indulgentiis*: "Monet
 „pios suos filios eadem hæc Synodus, ne circumforaneis quibus-
 „dam, aut etiam cum privilegio impressis libellis temerè fidem
 „habeant, qui ex levibus aut superstitiosis causis, incertisque re-
 „velationibus, immodicas, & plus æquo exorbitantes pollicen-
 „tur indulgentias; potissimùm si promissiones contineant certo-
 „rum effectuum, periculorum scilicet evitationem, à gladiis, à
 „tormentis, ab aquis, à peste, aut liberationem certam à Pur-
 „gatorio."

Et Synodus Cameracensis anno 1565. eodem titulo "præcipit
 „ut Parochi populùm suum diligenter admoneant, ne circumfo-
 „raneis quibusdam, aut etiam impressis libellis temerè fidem ad-
 „hibeant, qui ex levibus, vanis & superstitiosis causis exorbitan-
 „tes indulgentias pollicentur."

Rationem addit: "Cum indulgentiæ non nisi ex piis & ratio-
 „nabilibus causis concedi debeant."

Legat *Querelator* libellos Confraternitatum idiomate vulgari
 impressos, & hæc distribui solitos; videbit, quàm graphicè hi li-
 belli à Synodis illis descripti sint.

Monui ergò conformiter ad citatas Synodos, quod meritò mo-
 neatur populus, ne libellis illis facilè fidem adhibeat; neque in-
 dulgentiis ibidem relatis temerè fidat; expressè eam in rem citatis
 verbis Synodi Cameracensis.

§. 26.

Responsio ad Propositionem quæ fuit inter 61. accusatas 57. Si hæc
 verba, *nisi per ipsos steterit*, accipiantur in dicto sensu, quod si ge-
 stantes Scapulare de sua parte nihil omiserint de observantia man-
 datorum Dei, morientes in Scapulari æternum non sint passuri in-
 cendium: ridicula plane redditur revelatio, cum etiam gestantes
 suam chlamydem, si nihil de sua parte omittant de observantia
 Mandatorum Dei, morientes æternum non sint passuri incendium.
 Si verò præfata verba, *nisi per ipsos steterit*, ita accipiantur,
 quasi gestantibus Scapulare promissum sit, quod certo sint ac-
 cepturi eam gratiam, quæ fiat ut sint observaturi mandata Dei,
 aut saltem in fine vitæ talem habituri poenitentiam, quæ ad e-
 vadendum æternum incendium sufficiat, tunc rursus hæc ad-
 missa explicatione major virtus attribuitur gestationi Scapularis,
 quàm

quàm ullius Sacramenti susceptioni. Non obstante igitur simili expositione, verum est, rem revelatam vel esse ridiculam vel inanem, vel esse aliquid in Ecclesia hæctenus inauditum, & Scripturæ, Patrum traditioni, qui rebus indifferentibus & externis nunquam tantam tribuere virtutem, dissonum potius, quàm consonum. *Idem ibidem fol. 17. l. 17. & seqq.*

Rursus hic monet censura, propositionem hanc accipi posse in duplici sensu; atque in uno sensu acceptam posse dimitti. Sed quis is sit sensus non exponit.

Ut autem sensus meus, aliàs, credo, sat clarè in Dictatis expressus, innotescat, sciendum, me primum ostendisse, quod revelatio, quæ B. Simoni Stock facta dicitur, & exprimi ac proponi lolet his verbis: *Dilectissime meus, recipe hoc tui Ordinis Scapulare, meum Confraternitatis signum, tibi & cunctis Carmelitis privilegium, in quo quis moriens æternum non patietur incendium: ecce signum salutis salus in periculis, sædus pacis & patet sempiterni*, si simpliciter proponatur, nata sit populum inducere in perniciosum errorem; scilicet "in abominandam eorum vanitatem ac superstitionem, qui certo pollicentur non ex hac vita mihi graturos sine poenitentia & Sacramentis eos, qui hunc illumve ex Divis coluerint:" utiloquuntur Synodus Cameracensis an. 1565. tit. De Sanctis cap. 6. & Synodus Mechliniensis anno 1609. tit. 14. cap. 1.

Posthæc monui in Dictatis: "Neque refert, quod peritiores, forsan aliter verba illa accipienda esse sciant, imo dicant: quia populus verba illa audiens & legens non solet attendere ad sensum, improprium quem vel ipsi peritiores difficulter exprimere possunt; sed ad sensum proprium ac obvium. Nemo vero ambigere potest, quin juxta obvium sensum verba illa præfatam ideam imprimant."

Scilicet illam ideam, quod qui præfatum habitum (id est *Scapulare*) gestaverit, Confraternitatisque adscriptus externa pietatis præscripta exercitia præstiterit, securus sit, quod æternum non patietur incendium.

Post hæc quorundam formulæ illius expositiones proponere & discutere intendens, hanc mihi objectionem formavi: "Sed replicabitur forsan ulterius, quod ultra gestationem habitûs necessa-
ria

„ria sit mandatorum observatio; multum tamen conferat Scapula-
 „ris gestatio. Est enim illa, ait Theoph. Raynaudus Soc. Jesu in Sca-
 „pulari defenso partē 2. q. 7. pignus uberis gratiæ auxiliatricis à
 „Deipara sodalibus suis exarata, cujus interventu servabunt man-
 „data, & vitam sancto fine concludent: & hæc est vis specialis ju-
 „xta Deiparæ sponfionem. Vel, ut Joannes De Lezana in Maria Pa-
 „trona cap. 5. num. 12. exponit, ideo in prædicta visione salutem
 „animæ & liberari ab infernorum pœnis tribui S. Scapularis indutio-
 „ni, quod illud pie gestantes, quantum est ex parte Beatæ Mariæ
 „Virginis ipsiusque pro ipsis intercessione, nisi per ipsos steterit,
 „salutem consequuntur æternam.

„Sed nonne admittenda priorē verborum illorum expositione, res
 „ipsa revelata nihilominus dissentiet potius quàm consentiet Scrip-
 „turæ sacræ, & Patrum traditioni? Quandoquidem rei planè de-
 „se ad bonum vel malum indifferenti, nimirum externæ habitus ge-
 „stationi divinitus dicatur annexum, ut sit tessera & pignus uberis
 „gratiæ &c. quod nec Sacramenti ullius susceptioni, nec iucruen-
 „ti Sacrificii oblationi reperitur concessum?”

Hæc occasione prioris expositionis dixeram; in quibus Accusator nihil reperit quod accusaret.

Dein ostendere volens, nec posteriorem expositionem revela-
 „tioni, quæ B. Simoni stock facta fertur, convenire, dixi:” Quod po-
 „steriorem illorum verborum expositionem spectat: Si hæc verba,
 „*Nisi per ipsos steterit*, accipiantur in eo sensu, quod si gestantes,
 „& cætera quæ in ipsa propositione accusata referuntur.

Quid verò hæc aliud significant, quam quod si verba hæc, *Nisi
 per ipsos steterit*, ita accipiantur, ut gestantes Scapulare, æternum
 non sint passuri incendium, si observent omnia mandata Dei, tunc
 nihil speciale datum sit per hanc revelationem gestantibus Sca-
 pulare: cum & illi qui illud non gestant, si observent omnia
 Dei mandata, æternum non patientur incendium.

Neque autumo, quod Querelator noster necessariam sibi cre-
 dat gestationem Scapularis Carmelitici, ut æternum non patiat
 incendium; si modo cum gestatione Scapularis & habitus Ordinis
 Eremitarum S. Augustini observet omnia Dei mandata.

Dum alterum sensum illorum verborum, *Nisi per ipsos steterit*,
 rejeci; quid aliud significavi aut volui, nisi hoc unum, quod
 gestationi Scapularis nequeat dici annexum privilegium, quod il-
 lud gestantes certò sint accepturi eam gratiam, quæ fiat, ut sint

observaturi mandata Dei; aut saltem talem habituri pœnitentiam, quæ ad æternum evadendum incendium sufficiat?

Hoc enim privilegium si gestationi Scapularis dicamus annexum; nonne meritò dicetur, gestationem Scapularis esse *certum* prædestinationis signum; atque Beatum Simonem Stock accepisse Scapulare, tamquam suæ & omnium Confratrum illud gestantium, prædestinationis *certam* tesseram; atque inter omnes praxes devotionis erga Divam Virginem, devotionem ipsius Scapularis esse notam certiore prædestinationis, & signum omnium securissimum salutis? Quæ omnia in nupero suo Decreto inter alias septem propositiones censuravit Episcopus Atrebatensis. Propositio prima gallicè expressa hæc est: " Le Bienheureux Simon Stock a reçu le Scapulaire comme la marque certaine de sa prédestination, „ de celle de ses Religieux, & des autres Fideles qui dans la suite „ des tems devoient le recevoir."

Tertia his verbis exprimitur: " Entre toutes les pratiques de devotion inventées pour honorer la sainte Vierge, celle du scapulaire est la marque la plus certaine de prédestination, & le signe „ le plus assuré du salut."

Censura eisdem subjecta est: " Declérons les Propositions ci-dessus „ marquées, dans leur sens propre & naturel, respectivement fausses; „ teméraires, scandaleuses, propres à exposer le culte de la Vierge à „ la raillerie & à jeter les pécheurs dans l'impenitence, en les arrêtant „ tant dans leurs desordres par une vaine & présomtueuse confiance."

Expendat nunc Accusator, num expositio illorum verborum, *Nisi per ipsos steterit*, à me rejecta, non coincidat saltem quoad sensum cum hisce propositionibus; minoremque mereatur censuram?

Sed forsan reponet, propositionem non accusari in hoc sensu; sed in sensu, quo significatur, piam Scapularis gestationem, piæque Confraternitatis exercitia, nihil ad evadendum æternum incendium valere, uti in suis reflexionibus non obscure innuit. Verùm nescio quâ specie ex verbis propositionis hunc sensum elicere, aut mihi affingere potuerit Accusator? Quid enim in ipsa propositione occurrit, quod vel speciem istius sensus præfert?

Deinde si quid obscurum in hac expressione occurreret, nonne ex professio non semel in Dictatis, è quibus propositio excerpta est asserui, quod pia Confraternitatum exercitia profint ad salutem, imo

imo quod ipsæ Confraternitates vel eo titulo ab Ecclesia sint utiliter institutæ, quod per eas plures in unum consociati, se mutuo excitent ad exercitiū bonorum operum, & mutuis precibus mutuam salutem promoveant; si modo ex mente Ecclesiæ omnia peragantur: ostendique, quā immeritò hæretici nostri temporis ipsum Confraternitatum institutum improbent, & calumnientur.

Nonne nominatim *cap. 3. §. 17.* Dictatorum laudavi Decretum S. Congregationis editum 11. Februarii 1613. & probatum à Paulo V. quo Fratribus Ordinis Carmelitarum permittitur prædicare, quod populus Christianus possit *piè credere* de adjutorio & protectione Divæ Virginis, si in charitate discesserint, & Scapulare gestaverint, ac præscripta pietatis opera in ejus honorem *piè* obierint?

Dico itaque, uti & satis clarè dixi & repeti in Dictatis, cum Episcopo Atrebatensi in citato Decreto Regula 8. "Il est impossible qu'un Chrétien soit sauvé sans faire penitence, sans garder les Commandemens de Dieu, sans l'aimer. Le Scapulaire ne le sauvera pas sans cela. Avec cela il sera infailliblement sauvé sans porter le Scapulaire. Toutes ces propositions sont de Foy. A quoi donc lui servira le Scapulaire? A être en l'autre vie plus sévèrement châtié, s'il le porte sans faire penitence, sans garder les Commandemens de Dieu, sans l'aimer: A recevoir ici-bas beaucoup de secours de la Sainte Vierge, s'il y joint une vie penitente, une vie chrétienne; en un mot, s'il porte le Scapulaire en Chrétien, & non pas, comme plusieurs le font, en Juif, c'est à dire, extérieurement seulement, & qu'il observe ce que l'Eglise prescrit pour recevoir les grâces qu'elle a attachées à cette pieuse Confrairie.

Si igitur nihil aliud prætendatur per revelationem quæ facta prætenditur B. Simoni Stock, non refragabor: sed quomodo hic sensus consistat cum supra expressa formula revelationis; & qua ratione vulgari populo eam formulam audienti, & in sensu obvio & naturali eam intelligenti, sufficienter sit cautum, ne incidat in vanam & præsumptuosam fiduciam de consequenda salute ex sola Scapularis gestatione, judicent, & expendant Superiores.

Refutatur Accusatio circa propositionem inter 61. vigesimam tertiam : Sanè si nihil negetur, nisi quod pro liberrimo Confessarii arbitrio, seclusâ etiam Confessione negari possit, negeturque eo modo, qui nullam confessi criminis suspensionem ingerere possit, non satis clarè intelligitur inferri Pœnitenti gravamen: neque enim dicitur quis gravare pauperem, cui indebitam prorsus eleëmofynam honesto modo negat, ita quidem, ut nec ipse pauper scire possit sibi ob Confessionem auditam negari. *Hennebel Systh. Sacram. Pœnit. pag. 24. lin. 16.*

Infideliter exhibetur propositio : Neque enim doctrinam illam simpliciter asserit Hennebellus; sed postquam ostenderat eam esse Principum Scholæ, SS. Thomæ, Bonaventuræ, Antonini, item Scoti, Dionysii Carthusiani, & aliorum plurium, quærit, sitne hodiè tutum doctrinam illorum autoritate firmatam tradere? Respondet autem, tutum fore, *nisi vel per Romanorum Pontificum, vel Synodorum, vel alia Canonica Superiorum Decreta, illi, vel saltem illius præxi derogatum sit.* Tum Decretis variis, quæ sequentibus sæculis emanarunt, cum doctrinâ istâ collatis, an ei derogatum sit, disquirat. Ac tandem subiungit: *Nihil hic decido, quia expositionem aliorum, ac præcipuè Superiorum iudicium sequi malo quam prævenire.* Quid hic vel per speciem possit accusatione dignum videri?

Accusare potius debuerat *Querulus* Doctorem Steyaert, qui in Thef. defensa 14. Januarii 1690. hæc habet: *Juxta D. Thomam potest Abbas v. g. absolvere Priorem à cura Prioratus, quam illi ex Confessione novit esse ad ruinam, sed ex aliqua alia occasione, & ita quod omnis suspicio vitetur de Confessionis revelatione. Item qui novit ex Confessione aliquem indignum esse Prælaturâ, potest eâ scientiâ uti, non tantum ad negandum ei suffragium, sed etiam, si sua intersit, ad contradicendum ejus promotioni, si sint aliæ causæ, ut defectus ætatis, scientiæ, vel hujusmodi.* Si enim in casu propositionis pauperem gravat Confessarius; quantò magis pœnitentem gravabit in casibus S. Thomæ? Sed quidquid sit ea de re, profitetur Hennebellus se nihil hic decidere; sed malle Superiorum iudicium sequi, quam prævenire. Recantet ergo imposturas sequentes Accusator.

1. "Quod assertivè pronuntiet Hennebellus, id quod de gravamine pauperis præsupponit, veluti cærtum." Resl. 1.
 2. "Quod scopus ipsius videatur esse, stabilire cautum exemplum, quo utamur scientiâ Confessionis, ut perveniamus ad alios casus." Resl. 2.

§. 28.

Refellitur Accusatio circa Propositionem inter 61. vigesimam sextam: Ex illa (Sanctorum doctrina) constat, quod Confessor debet interrogare specificationem personæ, cum qua Pœnitens peccavit, dum est circumstantia necessaria dici; quod ex multiplici capite contingere possit. 1. Ad integritatem Confessionis. 2. Ut congrua suggerantur media, quibus pœnitens ab occasione peccandi proxima liberetur. Hennebel Systh. Sacram. Pœnit. pag. 16. lin. 25. & seqq.

HUjus propositionis duæ sunt partes, quarum prima asserit: *Quod Confessor debet interrogare specificationem personæ, cum qua pœnitens peccavit, dum est circumstantia necessaria dici ad integritatem confessionis.* Hanc vel ipse Querulus doctrinæ Sanctorum conformem esse fateri cogitur.

Altera propositionis pars est, *Quod Confessor debet interrogare specificationem personæ, dum est circumstantia necessaria dici, ut pœnitenti congrua suggerantur media, quibus ab occasione peccandi proxima liberetur.*

Casus v.g. sit, ubi pœnitens ope alienâ egeret, ut se defendat ab alio complice, qui ipsum sollicitat & inducit ad malum. Demus talem pœnitentem ignorare cujus opem implorare possit, & consilii causâ adire Confessarium, à quo congrua media suggeri non possint, nisi persona sollicitans innotescat: manifestum est, eo casu specificationem personæ vel ultrò à Pœnitente aperiri debere, vel à Confessore interrogari.

Atque idem est de alio casu quocumque, *ubi circumstantia aliqua sit necessaria dici*, qualis est quæ in ipsa propositione designatur, si aliter pœnitens ab occasione peccandi proxima liberari non possit: Quis enim Confessario, qui non Judicis solum, sed & Medici ac Patris munere fungitur, de circumstantia illa nihil querendum dixerit; sed potius absque auxilio pœnitentem dimittendum?

Porrò an hæc necessitas declarandi Complicis aliquando non nimium extendatur, alia quæstio est. Certè Propositio veram necessitatem requirit: hoc autem posito doctrina illa prorsus certa & indubitata esse videtur. Neque verò eam impugnat Accusator, nisi eam infideliter exhibendo per imposturas, quæ sequuntur.

1. "Debet Confessarius interrogare nomen Complicis, ut congrua suggerantur media, quibus Pœnitens ab occasione peccandi proxima liberetur." Propos. XXIV.

2. "Notandum quod per specificationem Author intelligat individuationem nominis." Refl. 1.

3. "Scopus videtur esse injicere sibi suisque facultatem, imò necessitatem interrogandi nomina complicum, ut arripiant occasionem contra eos agendi sub prætextu correctionis, seu boni Publici, & hujusmodi." Refl. 2.

4. "Multa extant exempla in Belgio." Ibid.

Dum eum provocamus, ut vel unum saltem exemplum, servato juris ordine, proferat & probet; ad alias ipsius accusationes refutandas pergimus: Nam Objectiones, quas hic movet Reflexione 3. responso dignas non credimus.

§. 29.

Refutatur Accusatio circa propositionem inter 61. vigesimam nonam: Sed quid de iis, qui ridet scrupulosam Majorum nostrorum prudentiam, volentium ut pœnitens alium etiam Confessarium quærat, si huic fortè peccatum suum sine alieno patefacere non possit? Distinguendum hic videtur circa Confessarium illum: si enim talis sit, qui & pœnitenti & complici, tamquam benignissimus Pater prodesse possit, non obesse; nescio quinam illi sint Majores nostri, saltem Sancti, qui velint pœnitentem, de quo in casu, alium Confessarium quærere. *Hennebel Systh. Sacram. Pœnit. p. 17. lin. 25. & seqq.*

Hanc propositionem censurat Accusator tamquam *temerariam & scandalosam*: quâ temeritate, videamus. Sanctus Antoninus 3. par. tit. 14. cap. 19. §. 11. adeo non vult pœnitentem, de quo in casu, alium Confessarium quærere, ut dicat quod si pœnitens *exprimat cum bona intentione personam cum qua peccavit, ut non prodatur, vel se excuset*, sed ut Confessarius oret pro ea, vel cum secreta admonitione corrigat, **NON PECCAVIT**, inquit, **SED MERETUR.** Haustr

Hausit hanc doctrinam S. Antoninus ex Summa S. Raymundi illustrata notis Joannis de Friburgo, quam loco jam allegato citat; nam in hac Summa lib. 3. §. 29. versus finem in notis Joannis de Friburgo expressè habetur, *quod si pœnitens personam* cum qua peccavit, bona intentione exprimat pœnitentiario, qui est persona, quæ potest prodesse non obesse, non ut prodat ipsum peccatorem, sed ut pœnitentiarius oret *pro ipso aut secretè laboret ad correctionem ejus*, NON PECCAT, SED POTIUS MERETUR. Arg. Causâ 25. q. 2. can. *Hoc videtur*.

Doctrinam hanc sequuntur Theologi, qui sponso ante contractum Matrimonium cum sponsa fornicato suadent cum Doctore Steyartio in suis Conclusionibus Theologo-practicis de Sacramento Pœnitentiæ, adire Confessarium non talem cui ignota sit sponsa, sed illum ipsum cui sponsa confitetur, ut Confessarius ille jam à sponso instructus, & facultate necessariâ munitus juvare possit sponsam, si fortè pudor à confitendo peccato suo eam impediret.

Dubitari etiam nequit, quin mulier terminare optans gravia, quæ cum marito habet dissidia, adire possit mariti Confessarium, confiteri illi miserandum suum, maritique statum, ac ejus opem implorare ad resarciendam pacem inter eos jam pridem disruptam, ad quam indubiè conferre plurimum poterit Confessarius, dum Confessionis causa eum de rei statu jam instructum maritus conveniet.

Idem dicendum, si mulier à marito compulsa ad patranda crimina, ob quæ venit ira Dei de Cælo super filios hominum, ab iis tandem emendare se volens rem totam Confessario mariti aperiat, ut suis orationibus, exhortationibus, pœnitentiisque injunctis à tantis criminibus maritum revocet.

Quorum quidem omnium ratio si diligenter requiratur, ea esse comperietur, quod pœnitens laudabiliter laboret pro conversione complices, illiusque peccatum licitè alteri revelet, dummodo id faciat, servato ordine correctionis fraternæ.

Porro requirit ordo ille quod sicut medicus corporalis sanitatem ægro confert, si potest, sine membri alicujus abscissione; si autem non potest, abscindit membrum minùs necessarium, ut vita totius conservetur; ita etiam ille, qui studet emendationi fratris, debet si potest, sic emendare fratrem, quantum ad conscientiam, ut fama ejus conservetur.

Negari autem non potest quin famæ complices summoperè studeant

deant illi, de quibus in casibus supra allegatis, cum soli Confessario aperiant peccatum complicitis, quod, sicut ipsum pœnitentis peccatum, sub sigillum Confessionis cadit, adeo ut circa complicitem operari nihil possit Confessarius nisi juxta leges à pœnitente sibi præsriptas.

Sane Divus Thomas quodlib. XI. q. 12. art. 13. censet prælato non ut prælato, sed ut personæ privatæ proficienti ad correctionem proximi & emendam tum posse, non violato correctionis fraternæ ordine, denunciari crimen subditi ejus, quando Prælatus ille est pius, discretus, spiritualis, cujus verba bene fert subditus.

Quod D. Thomas de Prælato, hoc ego dico de Confessario, tum nempe posse pœnitentem pro correctione complicitis implorare opem sui Confessarii, non violato ordine correctionis fraternæ, quando Confessarius est pius, discretus, & spiritualis, cujus verba bene fert complex; tum enim patet talem Confessarium complici, de quo quæstio, prodesse posse, non obesse. Si quid verò horum desit, deprehendi mox poterit, an pœnitens ille sui excusationem, complicitis prodicionem, aut aliud simile potius non quæsierit, quam fratris emendationem.

Ideo latendum est, quod in his omnibus summa cautela tum ex parte pœnitentis, tum ex parte Confessarii requiratur, nè vel pœnitens ordinem correctionis fraternæ à Christo præsriptum prætereat, vel Confessarius ansam nonnullis quandoque tribuat obmurmurandi praxi ejus, quasi scientia ex Confessione hausta, contra Confessionis sigillum, abuteretur.

Itaque non tam doctrinam Hennebelli, quàm doctrinam S. Antonini, S. Raymundi, & (teste ipso Doctore Steyaert) S. Thomæ censurat Accusator.

Manifesta autem impostura est, "Quod scopus Hennebelli videtur esse quâcumque viâ se ingerere in notitias complicitum." Resl. 2.

Quod objicit Reflexione 3. ex Cardinali De Lugo, *Est præceptum querere alium Confessarium, dum potest*, sic intelligit Suarez. de pœnit. Disput. 34. sect. 2. Assert. 2. ut locum non habeat, quando illa mutatio Confessoris fieri non potest sine nimia difficultate & gravi incommodo: Quia, inquit, *charitas non obligat cum tanto dispendio vitare damnum proximi, sed tantum cum facile fieri potest.* Quæ ipsa doctrina est Hennebelli eo loco, quo accusatur. Siquidem propositioni accusatæ subnectit hæc verba; "Ceterum si periculum sit, ne vel pœnitenti, vel complici, vel Con-
,, fess-

„fessario obfit illa Confessio , possitque sine graviore pœnitentis
 „detrimento apud alium institui confessio, nescio quis scrupulosam
 „eorum rideat prudentiam , qui volunt ut tunc pœnitens alium
 „Confessarium quærat.” Quæ si non suppressisset *Querulus* ; omnis
 ipsius accusatio & objectio evanuisset.

§. 30.

*Refutatur Accusatio circa Propositionem , quæ inter 61. fuit tri-
 gesima: Omnibus examinatis & maturè discussis , quæ ad fi-
 dem Pœnitentis probandam pertinent , cogitare poterit Con-
 fessarius de facienda denuntiatione , juxta facultatem sibi à Pœ-
 nitente datam: Quæ in re magnopere probabit Ordinario inte-
 gritatem suam , si Complicis nomen sibi revelari numquam pas-
 sus sit ; tum enim denuntiationem suam Ordinario faciens , ex-
 ponet , quamdiu , quàm diligenter , Pœnitentem illum exer-
 cuerit ; quibus signis integritatem fidei ejus probaverit , inter-
 posito etiam, si opus fuerit , juramento ca' omniæ ; quàm alie-
 nus fuerit , ne sibi revelaretur Complex , quem nequidem usque
 modo novit ; injungens tantùm pœnitenti , ut ipsa per se no-
 men illius , qualitatesque exprimendas describat , scriptum
 claudat , sibi que tradat , includendum Epistolæ ad Ordinarium
 mittendæ , in qua rei gestæ series describatur. Hennebel Syst.
 Sacram. Pœnit. pag. 20. lin. 28. & seqq.*

Inquirit Hennebellus loco citato modum aliquem , quo cum mi-
 nimis incommodis executioni mandari possit Bulla Gregorii XV.
 quâ mandat omnibus Confessariis , ut suos pœnitentes , quos no-
 verint ab aliis Confessariis occasione vel prætextu confessionis ad
 turpia sollicitatos fuisse , moneant de obligatione denuntiandi sol-
 licitantes Inquisitoribus seu locorum Ordinariis. Inter alios mo-
 dos proponit illum , qui in propositione describitur , tamquam quo
 consulatur & famæ mulieris lapsæ , & quantum fieri potest , famæ
 complicis. *Equidem* , subjungit , *si cui occurrat modus denuntian-
 di , quo felicius , securius , suaviusque obtineri possint fines , quos
 in denuntiationibus Sancta Mater Ecclesia sibi præfigit , eos am-
 plectar ex animo.* Hæc pro fide sua omisit Accusator ; quæ si pro-
 positioni , ut debebat , subjunxisset ; nè per umbram quidem in ea
 accusandi , nedum censurandi , materia inveniri poterat. Quomo-
 do enim accusatione aut censurâ dignus sit , qui pro suo modu-

lo modum quærit, quo Decreta Pontificum absque incommodis executioni mandentur: & sic quærit, ut paratus sit modum meliorem, quem alius suggesserit, ex animo amplecti. Et in Italia quidem hic modus servatur. Debet persona sollicitata facere denuntiationem, vel coram Ordinario, vel coram alio, qui ab ipso Ordinario facultatem habeat denuntiationem illam excipiendi, & illius instrumentum consiciendi, cui subscribere debet persona denuntians. Instrumentum autem ferè est ejusmodi: *Anno tali, Mensis N. die tali, coram me à Sancto Officio vel ab Ordinario specialiter delegato comparuit N. tot annorum, quæ præstato super Sanctis Evangeliiis de dicenda veritate juramento, declaravit se die tali Confessionis gratia tale templum adiisse; illic accessisse talem Confessarium, à quo ad peccatum carnis taliter sollicitata fuit. Cum autem ab alio Confessario monita fuerit, se beneficium absolutionis consequi non posse nisi talem denuntiet Sancto Officio vel Ordinario, volens ipsa officio suo fungi & ad beneficium absolutionis anhelans hoc ipsum coram me à S. Officio vel Ordinario specialiter deputato declaravit, prout hoc instrumento declarat, cui manu propriâ subscripsit anno, mense, die, quibus supra. Et erat signatum N. N. Quod testor &c.* Hæc praxis in Belgio hæcenus usu recepta non fuit: si recipiatur, erit id gratissimum Hennebello, qui inquirendo tantum suggessit id, quod praxi ibidem receptæ & Ordinationibus Episcoporum maxime congruum videbatur.

Impostura est itaque atrocissima, "Quod scopus Hennebelli videatur esse, posse diffamare quemcumque absentem, incognitum, inauditum, & indefensum, ad relationem cujuscumque mulicris." Refl. 2.

§. 31.

Refutatur Querela paginæ 42. & 43. ubi accusat has Propositiones: Sic omnes iusti mandata semper observare possunt, etiam cum deest gratia efficax, quemadmodum homines visu præditi in tenebris videre possunt ob internam videndi potentiam; id verò sufficit. *Arnald. Dissert. Theol. parte 4. p. 183.* Rectè à Sanctis Patribus & Scholasticis dictum est, ut nemo potest sine luce videre, ita sine gratia efficaci nihil bene fieri posse. *Ibid. pag. 76.* Homini gratiâ efficaci destituto non magis prodest illa bene volendi potentia, quàm homini in tenebris constituto profit integra & illæsa videndi potentia. *Hennibel in Brevi Expos. art. 4.*

Similes locutiones in Scriptura Sacra, in S. Augustino & Patribus, in S. Thoma & antiquis Theologis non rarò inveniri, adeoque verum sensum habere, asseruit non ita pridem celeberrimus in Urbe Thomista in *Explicatione Naturæ & Necessitatis sufficientis auxilii juxta principia D. Thomæ & ipsius Scholæ.* Hic præmissis variis sufficientis auxilii distinctionibus, sic persequitur: "Hæc omnia si admissa fuerint, facile dignosci poterit quo sensu explicanda & intelligenda sint plurima quæ in D. Augustino, D. Thoma, aliisque Patribus aut veteribus Theologis sæpius reperiuntur, quæ alioquin cum notione communi sufficientis non satis convenire existimari forsitan posset. Necessè enim est ea à Theologis omnibus explicari, cum ex Patribus desumpta sint. Hujusmodi verò illud est, quod inquit D. August. lib. de natura & gratia cap. 26. *Quod sicut oculus planissimè sanus nisi candore lucis adjutus non potest cernere, sic & homo perfectissimè justificatus nisi æterna luce sive Justitiæ Divinitus adjuvetur, rectè non potest vivere.* Eadem omnino verba refert & usurpat D. Thom. 1. 2. q. 109. a. 9. in sed & contra. Et quidem ea refert D. Thom. ut probet quod homo, *qui jam habet gratiam, indiget alio auxilio gratiæ ut rectè vivat.* Ibidem. Quod auxilium dubio procul est efficax auxilium: Igitur etiam cum efficax deest, dici potest, ac dicit D. Thom. post D. Augustinum, *quod homo non potest rectè vivere, sicut & oculus nisi candore lucis adjutus (aut in tenebris constitutus) non potest cernere.* Atque hic loquendi modus in Scriptura Patribusque frequens

„est. Joan. 15. *Sine me nihil potestis facere.* 6. *Nemo potest venire ad me, nisi Pater meus traxerit eum,* quæ loca Divinæ gratiæ effectricis defensores, ut efficaciam hujus probent, semper usurpant. Igitur sine efficaci auxilio voluntas *est potest et non potest.* Potest voluntas potentia antecedente ex sufficienti auxilio; *non potest* potentia consequente defectu efficacis auxilii. Potest interdum voluntas remote, non potest interdum proximè, ut explicuimus. Ita enim & Tridentinum sess. 6. cap. 11. *Deus impossibilia non jubet, sed jubendo monet, et facere quod possis, et petere quod non possis.* Igitur is cui jubetur ut sese convertat, & potest, & non potest. Potest quia aliquas habet vires, & non potest quia adhuc infirmas habet vires.

„*Sic oculus candore lucis non adjutus,* seu in tenebris constitutus, & potest & non potest cernere. Potest ex ipsa potentia vivæ vi activa, qua plenissimè sanus est. Non potest ex defectu lucis, qua necesse est tum ipsam potentiam roborari, tum objectum visibile fieri.

„An verò par utrimque ratio sit & lucis & gratiæ, & oculi & voluntatis, non fuit D. Augustinus aut D. Thomas sollicitus. Aliqua in omni comparatione similia sunt, plurima dissimilia. Usurpara est ea comparatio lucis & gratiæ ad commendandam necessitatem Divinæ gratiæ & efficacis auxilii, non verò ad excludendam necessitatem sufficientis auxilii, aut hujus vim deprimendam.

„Ea quidem comparatione abuti quidam possunt, sed ad deceptionem omnem amoliendam, qua ratione intelligatur explicandum est; & si explicetur ut nos explicuimus, & ut à D. Augustino ac D. Thoma usurpara est, nihil mali habere potest, nec in eorum sensu ullum venenum regit ea comparatio.

„Quod si quis diceret, quod *homo cum gratia proximè sufficienti, absente efficaci, non magis potest bene agere, quam homo in tenebris positus videre;* si intelligeret de potentia consequente, & cum actu conjuncta, comparatio admitti posset; minime verò si de potentia antecedente intelligeretur. Magis enim est completa voluntas cum auxilio sufficienti, quam potentia vivæ sive carens luce aut in tenebris constituta, neque in eo posita est comparatio. Quod si intelligeretur, quod potentia videndi hominis in tenebris positi completissima est, ita ut nihil nisi sola lux desit ut videat, sicut voluntas auxilio sufficienti instructa completissima est, etiam nihil mali ea comparatio haberet,

„ Quod

„Quod si demum quis diceret, *quod homini gratia efficaci desti-
tuto non magis prodest illa bene vivendi potentia; quam homini
in tenebris constituto prodest integra & illa sa videndi potentia;*
eodem sensu de potentia cum actu conjuncta haud difficile ca-
comparatio admitti potest. Nihil etiam verat de sufficienti auxi-
lio dici, quod de lege à D. Paulo dictum est, legem esse sine gra-
tia inutilem, nihilque prodesse, quamvis alia ex parte plurimum
profuerit, & prerogativas legis alibi D. Paulus, & plures quidem
enumeraverit.

„Habenda est principiorum ratio: nam alioquin ex varia ratio-
ne, vario sensu dici potest quod magis potest, & non magis po-
test voluntas quam oculus, & quod magis prodest, & quod non
magis prodest sufficiens auxilium, & varia principia stabilita sunt;
sed satius est iis exemplis, in quibus errandi periculum inesse
potest, nunquam usurpare, nisi apertior explicatio adjunga-
tur.”

His se per omnia subscribere professus est Hennebellus, ex a-
nimo, inquit, *vovens, ut scriptum hoc, pro pace inter Theolo-
gos dissidentes sarcienda compositum, pacis tessera esse possit.* Ro-
mæ 27. Octob. 1696. Promiserat etiam eidem subscribere Desi-
rantiis: sed fidem sefellit.

Et post hæc audet adhuc insultare Hennebello, tanquam qui
*potentiâ quidem proximâ & voce, gratia sufficiens, utatur, sed
sanum earum sensum rejiciat, & aliis verbis Jansenianas tra-
dat.* Rest. 2.

Istud verò audax facinus, quod Doctor Lovaniensis, & Sacrae
Facultatis filius, nunc tandem tentet hæreditatem Patrum suorum
convellere. "Inter Censuram (Lovaniensem) inquit, distingui-
mus & Justificationem ejus. Hæc explicans quo sensu homo si-
ne gratia possit servare mandata, adducit similitudinem: *Quo-
modo, inquit, dicitur posse manducare panem, etiam cum pa-
nem non habet, neque etiam quidquam unde sibi panem compa-
ret; ut etiam dicitur videre posse qui non habet lucem, sed in te-
trum carcerem conjectus est.*" Justificatio Cens. Lov. c. 12. n. 177.

Hujus autem erroris originem dicit verè reduci ad tempora
Baii, cui, inquit, *Justificatio famose Lovaniensis Censuræ tri-
buitur.*

Ex suo Accusatorem Principali refutabo. Non distinguit inter
Censuram & Censuræ Justificationem Doctor Steyaert.

Narrat hic in *Affertione Censuræ* ad objectionem VI. se anno 1679. cum Eximiis Sacræ Facultatis Doctoribus VAN VIANE ET LUPO, ad pedes Sux Sanctitatis admissum, inter cætera dixisse, " *Maiores nostros olim sensa sua & Adversariorum exposuisse in Opusculo illo quod Censuram vocaverunt; quodque tunc una cum JUSTIFICATIONE ejusdem, judicio S. Sedis submiserunt. Idem quoque se modo facere... petere, ut Sanctitas Sua S. Congregationis examini librum ejusque doctrinam subjiceret... paratos expungere... quidquid illa ex hoc libro expunctum vellet. Si verò illa nihil expungeret, securè... perrecturos in via antiqua; nec formidaturos emulorum insultus, ubi sciremus nostra à Sede Petri non improbari. His dictis, Librum in proprias Sanctissimi Domini manus tradidisse.. Annuisse verò illum... selectis ad hoc Viris doctissimis, qui suum deinde judicium cum ad S. Congregationem, tum ad ipsum referrent. Quod & non multò post fecerunt, atque inde responsum datum ab Illustrissimo S. Officii Assessore, qui affirmavit, nihil in eo S. Congregationem aut Summum Pontificem improbasse.*" Profectò, subjungit idem Doctor ad Object. VII. ibidem, *si adhuc error est (error nimirum damnhabilis) in his quæ Ecclesia Romana, sic rogata ab Academicis istis, sic instigata ab Adversariis, tanto spatio tantoque rigore discussit; liceat mihi dicere Apostolicæ sedi, quod olim alius Deo dixit: Si error est, à te decepti sumus.. Non ergo simpliciter evasit Censura nostra... Evasit tunc, cum evadere nequaquam potuisset. si quid in ea displicuisset Ecclesiæ.*

Minimè ergo *Censuram* inter & *Justificationem* distinxit Doctor Steyaert, qui *Censuram* una cum *Justificatione* olim à Majoribus, & tunc à se judicio S. Sedis submissam fuisse affirmat: Minimè distinxit Sedes Apostolica, quæ censuram unà cum justificatione discussit; Minimè distinguunt cæteri Facultatis Sacræ Lovaniensis filii, qui sciunt nec in *Censura*, nec in *Justificatione* quidquam Sedi Apostolicæ displicuisse: solus *Censuram* inter & *Justificationem* distinguit Accusator, qui in eo se à Collegis suis, ipsoque adeo Principali suo, distinguit.

"At, inquit, erroris hujus origo verè reducitur ad tempora Baii, cui Justificatio Censuræ tribuitur."

R. Ita uno ductu calami Accusator denigrat utramque Facultatem Belgicam (Lovaniensem & Duacensem) utraque subito fit Baiana, quando iis placet, quos urit ipsarum invisa Censura...
Sed

Sed nec Bajus tamen, quamquam minimè tunc pudendus, tam illustis facti dux fuit aut princeps. Notum est gloriam istam debere egregio illi Henrico Gravio (addere poterat Baii æmulo) qui & Censuræ, ejusque Justificationis Author indubitatè habetur. Hæc iterum Doctor Steyaert in Assertionem Censuræ ad Object. VIII. Concluditque ad Object. IX. his verbis: Omnes... Doctrinam libro sæpedito (Censurâ Lovanienfi & Duacensi cum Justificatione) contentam sic suscipimus, uti hæreditatem Patrum nostrorum, à qua non minus inviti discedemus unquam, quam Naboth à vinea sua... Parati sumus omnes pro hac communi doctrina stare, velut pro aris & focis. Nesciebat tunc scilicet, à communi illa doctrina recessisse, aut certè recessurum Accusatorem.

§. 32.

Respondetur ad Accusationem hujus propositionis: Obligatio quam habet Confessarius examinandi pœnitentem cujusvis ætatis, conditionis & sexus, faciliùs locum habet in materia luxuriæ. Gummarus Huygens de Castitate.

TRia sunt mala ob quæ avertenda confitentes sunt à Confessario (servatis servandis) examinandi. Primum, ut per examen impediri queat, ne confitentes Sacramentum suscipiendo sine contritione de præteritis, careant ejus effectu. Secundum, ne ob ignorantiam malitiæ quæ inest eorum peccatis, in mortalia labantur in futurum. Tertium, ne Sacramentum suscipiendo indigne, huic irrogent irreverentiam.

Ista faciliùs obtinent in materia luxuriæ; quia hæc est magis illecebrosa, magisque subiecta ignorantibus, cum non lædat proximum, saltem palpabiliter, nec Deum contemnat manifestè: præterea peccata luxuriæ deseruntur difficillimè, excæcant maxime; & quia pudenda sunt, occultantur magis sollicitè.

Supponendum præterea, prout in citatis Thesibus de Castitate ostendimus, quod ex una parte imminet morale periculum dictorum malorum aut alicujus illorum, & quod ex parte altera adfit spes per examen illa avertendi, nec obstat aliud, quia, ut ponitur, servantur servanda: quibus si addi cogites cautelas, quas conformiter ad instructiones Confessariis porrigi solitas, in citatis Thesibus de Castitate conclusione 4. §. 2. & 3. adhibendas diximus, non videtur in

ista doctrina reperiri aliquid quod sit culpabile, imo quod non sit laudabile admodum.

Scio contrarium sentire eos qui pro digna Sacramentorum susceptione parum aut nihil solliciti, promptissimè credunt esse contritos qui tales se esse pronuntiant, saltem ubi de opposito non certò ipsis constat; & quod præcipuum, cum ad peccandum formaliter cum Cælestio & Abaelardo requirant notitiam malitiæ, putant se nocere peccantibus, ipsos de peccatorum suorum malitia instruendo, ut ex. gr. de malitia pollutionis per eos procurari solitæ.

Contra illos ac potissimum postremos dico perutile esse quod per examen Confessarii Pœnitens discat quanta culpa insit illis quæ ante in materia libidinis ignorabat esse mala & nihilominus committebat; quo titulo singulariter est utile, ut qui solitus est semetipsum polluere nesciens hoc esse culpabile, discat per examen Confessarii, quantum malum in scèditate ista consistat: etenim ab hoc peccato vix unquam contingit liberari quempiam, nisi interveniente cognitione malitiæ; patrat enim sine nota infamiæ, committitur sine damno temporali, absunt incommoda alia, quæ animum collibent ab adulterio, fornicatione, ebrietate, &c.

Præterea etiam in aliis luxuriæ peccatis modò de illis periclitetur quispiam, utile est ut sciat eorum malitiàm. Siquidem malitiæ notitia non accendit, sed compescit potius peccandi libidinem; quandoquidem hominum nullus, nisi diabolicus fortè, propter peccati malitiam prosequatur peccatum, ut notissimum est in peccatis plerisque & specialiter in iis quæ sunt contra castitatem.

Respondetur ad Propositionem quam accusat Querela pag. 39.
 Primum ac maximum mandatum *Diliges Dominum Deum*
tuum ex toto corde tuo &c. involvit duplex præceptum: alte-
 rum quo jubetur ut omnes actiones nostræ saltem virtualiter in
 Deum referantur; alterum quo jubemur Deum diligere ut finem
 nostrum ultimum simpliciter sive ipsius agentis. Circa prius præ-
 ceptum in primo maximoque mandato inclusum quædam ad-
 notanda sunt: primum quidem, nos non dicere, quod om-
 nes actiones in Deum referri debeant per charitatem perfectam;
 sufficit enim quod agamus ex casta Dei dilectione. *Ex Thesi-*
bus Theologicis à Gummaro Huygens Lovanii propugnatis 12.
Julii anni 1685.

HUIC Propositioni Accusator adjungit Censuram hanc: *Quoad*
primam & secundam partem, dimittitur; quoad tertiam
si intelligatur, quod omnes nostræ actiones debeant fieri ex casta
Dei propter se dilectione formali seu formaliter concomitante a-
ctu, est improbabilis & temeraria; si verò intelligatur de dile-
ctione virtuali seu virtualiter perseverante, dimittitur.

Sed proculdubio propositio intelligitur de dilectione virtuali seu
 virtualiter perseverante; quod adeo notum est omnibus omnino qui
 Scholas Lovanienses frequentant, ut eorum neminem latere pos-
 sit. Quare impossibile est ut mihi persuadeam, quod Accusator
 Querulus de eo vel dubitaverit. Hinc non video quo colore, cum
 ipse sit Lovaniensis Doctor, propositionem illam accusare potue-
 rit, nisi fortassis id fecerit eo fine ut occasionem caperet dicendi
 aliquid contra Thesim cui titulus: *Articuli Theologorum Lov-*
aniensium exhibiti Illustrissimo ac Rmo. Dno. Archiepiscopo Mech-
liniensi causâ concordie incunde cum R. R. P. P. Societatis Je-
su & aliis.

Respondetur ad propositionem quam accusat Querela ibidem:
 Rarissimum est, quod castitas perpetua licitè voveatur ab illis,
 qui non didicerunt ex casta vita notabili tempore præcedente se
 castitatis donum meritò à Deo expectare. *Huygens in Justifi-*
catione Compendii.

Justificatio Compendii, quæ, me incio, edita est, adversus ac-
 cusationem respondet his verbis: Gratia efficax ut per eam ca-
 stitas servetur, non omnibus datur; juxta illud Christi Domini
 Matth. 19. *Non omnes capiunt verbum istud, sed quibus datum*
est: Item secundum istud S. Pauli 1. Corinth. 7. *Unusquisque*
proprium donum habet à Deo.

Addit Justificatio: hinc requiruntur signa legitimæ vocationis,
 ut quis ad castitatem perpetuam sese adstringat; quorum signo-
 rum unum è præcipuis est casta vita notabili tempore præcedens;
 qualis etiam præcessisse potest in adolescentibus & juvenibus.

Porro si istud passim observaretur ante emissionem voti, præ-
 cipuè sollemnis, quanta mala à statu Ecclesiastico & Religioso ar-
 cerentur!

Notum quippe est experienciâ quotidianâ, ingentia reincidenti
 pericula imminere illis, qui à vita impudica nuper cessarunt: quod
 etiam locum haberet in ipsis, etsi certum foret esse revera conver-
 sos; quod tamen rarissimum est post libidines diurnas, & cessa-
 tionem brevem.

Præterea, si, ut non temerè voveatur castitas perpetua, neges
 requiri quod ex vita notabili tempore præeunte didiceris te donum
 castitatis perpetuæ à Deo meritò expectare, dic vel nihil omnino
 prærequiri in homine, etsi impudicitia inveterato, vel sufficere
 quod in præsens, ut credit, habeat voluntatem castè deinceps vi-
 vendi, aut ad summum exigi, ut tempore aliquo, quod tamen no-
 tabile non sit, castè vixerit. Quæ vel audita, feriunt.

Responsio ad Propositionem quam Querela accusat pag. 40. Quod
 ex juris ignorantia, etiam involuntaria, procedit, peccatum est.
Gummarus Huygens in Dictatis suis. Art. 8. Observ. 4.

Certissimum est quod nullibi habeam aut habuerim umquam
 istam propositionem; quippe indubitatum mihi semper
 fuit,

fuit, istud quod ex juris ignorantia involuntaria procedit, posse carere culpā omni etiam veniali, idque non solum in jure humano, sed etiam in positivo divino.

Admitto equidem, me aliquando difficultatis aliquid movisse circa ea quæ ex ignorantia juris naturalis procedunt, supponendo hancquandoque esse involuntariam dum ex ea liberè aliquid committitur contra jus naturæ. Verum in eisdem illis dictatis & loco eodem protinus respondi, difficultatem illam ad me non pertinere, utpote profitentem quod ignorantia omnis ex qua liberè contra jus naturæ aliquid fit, sit voluntaria: quod etiam hunc dico & dixi jam pridem in Thesibus nostris valde amplis De Ignorantia. Conclus. 14. defensio 14. Martii anno 1683.

§. 36.

Responsio ad Propositionem, quam accusat Querulus paginā 40.

Ad libertatem requisitam ad actus fidei, spei & charitatis, nulli necessitatem gratiæ admittant, necesse est. *Huygens in Thesibus Lovanii 2. Martii 1684.*

Demus hominem aliquem perditissimum, qui ab intellectu & voluntate studio exclusit gratiam omnem credendi, sperandi & Deum amandi; numquid ille ex voluntate adeo obstinata nec credens, nec sperans, nec amans peccabit? Numquid ergo sine gratia omni retinebit libertatem credendi, sperandi &c. Si libertatem, nonne etiam potentiam aliquam credendi, sperandi &c?

Hinc S. Aug. de Prædest. S.S. cap. 5. *Posse habere fidem, sicut posse habere charitatem, naturæ est hominum; habere autem fidem, quemadmodum habere charitatem, gratiæ est fidelium.* Sed aliud, inquit Accusator, est *posse habere fidem* &c. aliud *posse credere* &c. Et addit: Sicut aliud posse habere alas, aliud posse volare, Ad hæc ego: Augustino & mihi prorsus æquivalere, posse habere fidem, spem, &c. sive posse ista veluti actus vitales in se recipere, & posse credere, sperare &c. Etenim uti contradictionem implicat, actus istos vitales de facto in se recipere, & de facto non credere, sperare &c. ita quoque apertam implicat contradictionem, actus istos vitales in se recipere *posse*, nec tamen credere, sperare &c. *posse.* Quod posse habere alas non sit idem quod posse volare, idcirco est, quia non omnis qui alas actu habet, actu volat, sicut omnis qui fidem, nimirum ut actum suum vitalem habet, actu credit.

Nugari videtur Querulus Author, dum asserit me non admittere tertium, quod sit medium inter posse remotissimum, quod est naturæ, & inter agere; quæ in re aut fallit aut fallitur crassissimè. Dico ergo, me præter posse istud remotissimum ex. gr. sese convertendi perfectâ conversione ad Deum, etiam integram duodenam potestatum, sese ad Deum convertendi, distinctarum ab ipsa conversione, admittere; ita ut harum secunda sit perfectior & vicinior actui quam prima; & tertia vicinior quam secunda; quarta vicinior præ tertiâ, & sic ulterius. Quis enim ignorat ex cujusslibet novi gradus gratiæ ante completam conversionem accessione, obtineri perfectiorem convertendi potestatem; & e converso ex cujusslibet novæ malitiæ accessu, iri ad remotiorem sese convertendi potestatem?

Ex illa potestatum sive ad bonum sive ad malum multitudine, dicuntur aliqui quidpiam non posse, nimirum potestate quâdam propinquiore aut proximâ: qui tamen etiam rectè dicuntur idem illud posse potestate aliquâ remotiori aut remotissimâ: ex. gr. de fratribus Joseph genef. 37. pronuntiatur: *Non poterant ei* (Joseph) *quidquam pacificè loqui*: potestate nimirum propinquiore aut proximâ; hi tamen non loquendo fratri suo pacificè, proculdubio peccabant, adeoque pacificè loqui poterant, puta potestate remotiori aut remotissimâ. Similiter, qui teste Christo Joan. 5. credere non poterant, quia gloriam ab invicem accipiebant & gloriam, quæ à solo Deo est, non quærebant, unâ potestate credere non poterant, aliâ poterant: non poterant, quia hoc indicat Christus: poterant tamen, quia non credendo peccabant.

§. 37.

Responsio ad propositionem, quam Author Querulus accusat paginâ 41. Generaliter dicendum quod Dei præcepta v. g. de fide, spe & charitate posse adimplere, sit naturæ, sed reipsâ adimplere sit gratiæ. *Gummarus Huygens in Thesi 5. Feb. 1683.*

Nunquid in responsione ad anteriorem propositionem clarissimè ostensum est, istum qui studio ab intellectu & voluntate excludit omnem gratiam credendi, sperandi & amandi, adeoque de facto nullam talem gratiam habet, peccare non credendo, non sperando, non amando? Si peccet, ergo potest credere, sperare, amare. Nonne consequentia est evidens? Rursus, si potest
cre-

credere, sperare &c. ergo potest adimplere præcepta fidei, spei, & charitatis. Sed ipse ex supposito ab animo suo exclusit omnem omnino gratiam credendi, sperandi &c. ergo posse adimplere præcepta de fide, spe & charitate est naturæ. Quid ad hæc Author Querulus, quandoquidem illorum quidlibet sit evidentissimum?

§. 38.

Respondetur ad propositionem quam Author Querulus accusat ibidem: Negamus requiri juxta sensum assignatum potentiam proximè expeditam credendi & amandi, ut quis peccet non credendo aut non amando; sed sufficit talis remota quæ potest haberi sine gratia.

E Videns est talem remotam sufficere in illo perditissimo homine, qui pergit studio excludere omnem gratiam credendi, sperandi &c. quod Accusator addit: *mibi illam potentiam sufficere etiam in justis*, videtur indignum Doctore Theologiæ. Quomodo enim ille erit *sine omni gratia*, si sit *justus*; & quomodo *justus* si *sine omni gratia*?

§. 39.

Refutatur Querela circa hæc Propositiones quas accusat pag.

44. & 46. In definiendo, quisnam sit verus & naturalis sensus alicujus Propositionis, Ecclesia non est infallibilis: hæc enim cognitio pendet ex inquisitione humana, atque etiam ex intelligentia præceptorum Grammaticæ ac Theologiæ & vocabulorum usu. *Hennebel art. 9. Scriptura contra Addit. Formul.* Non ita in promptu est cognoscere & definire, quisnam sensus sit alicujus libri: siquidem id cognosci non potest nisi diligenti inquisitione & studio humano, scilicet examinando modos loquendi Authoris, & ætatis in qua vixit; comparando ad invicem præcedentia cum consequentibus, ac deinde perscrutando varia principia, quæ in eo libro stabiliuntur. Quæ quidem omnia, quia longioris sunt inquisitionis, Ecclesia per se immediatè facere non solet, sed per delegatos dumtaxat, quorum diligentia, quantumvis maxima supponatur, usque ad fundandam certitudinem fidei pertingere non valet. *Hennebel ibidem.*

Huic Accusationi refutandæ sufficit DECLARATIO, quam illi jam dudum opposuit Hennebellus, & Sacra Congregationi

in Urbe exhibuit. Cum enim non cessaret Doctor Steyaert Lovanii, nec Deputatus ipsius Romæ accusare Hennebellum, quod Ecclesiæ auctoritatem, tum in definiendis quæstionibus fidei & morum, tum in docendo nos per praxim suam, everteret; hic accusationem tam iniquam refellere, & super ea plenissimè Sedi Apostolicæ satisfacere cupiens, apertè declaravit.

Primò. Certum prorsus ac indubitatum sibi esse, quod Ecclesia in determinandis fidei ac morum quæstionibus errare non possit.

Secundò. Quod Ecclesia non tantum definiendo, sed etiam practicando nos infallibiliter docere possit, sapiusque docuerit, ac doceat ea, quæ ad fidem moresque pertinent.

Tertiò. Hanc doctrinam de Ecclesiæ, tum in definiendo, tum in practicando infallibilitate à se teneri eodem planè sensu, quo à primariis quibusque Theologis in Ecclesia Catholica passim tenetur, ac defenditur, sequè nihil prorsus hac in parte docere singulare.

Quæ cum ita sint, satis se mirari non posse, errores menti suæ tam contrarios à Doctore Steyaert tam leviter sibi adscribi.

Siquidem Ecclesiæ in definiendis fidei ac morum quæstionibus infallibilitatem à se oppugnari, hoc uno argumento contendere Doctorem Steyaert, quod sustinere Hennebellum dicat, Ecclesiam infallibilem non esse in judicando, quis sit sensus obviu, & naturalis alicujus propositionis.

Verum nullo negotio argumentum hoc refelli, dummodo quis sit quæstionis status, clarè explicetur. Nam manifestum esse, se in eo convenire cum Doctore Steyaert, quod, dum constat quo sensu propositionem aliquam tamquam fidei contrariam Ecclesia damnaverit, sensum illum tamquam fidei contrarium omnes damnare debeant, cum unanimiter profiteamur, Ecclesiam in definiendis fidei quæstionibus infallibilem esse.

Eo verò posito, quod fideles unanimiter damnant sensum illum, quem in aliqua propositione ab Ecclesia daminari constat, ac solum inter aliquos oriatur quæstio, an sensus, quem in propositione illa damnatum, voluit Ecclesia, sit sensus proprius & naturalis illius propositionis; rationabiliter à nemine negari posse tunc non amplius de fide agi, sed disputationem esse de verborum quorundam significatione, id est grammaticalem, quæ merè inquiritur propria significatio ac energia, vel vocabulorum quorundam

dam secundum se, vel combinationis eorum inter se, & cum aliis tam præcedentibus quam subsequenter.

In quibus quæstionibus ad Grammaticam magisquam ad fidem pertinentibus Pontifices & Concilia errare quandoque posse, nullus unquam Theologus, aut Canonista ante exortas has de Formulario contentiones dubitavit; ideoque quæstiones de sensu Epistolarum Honorii Papæ, de sensu trium Capitulorum, de una vel tribus hypostasibus, & alias ejusmodi, quamdiu de sola propositionum aut vocabulorum significatione disputatum fuit, ad fidem non pertinere, unanimiter omnes sustinuisse, quemadmodum latius deduxerat in Scripto sacre Congregationi exhibito, sub hoc titulo: *Responsio ad secundum scriptum Patris Magistri Desirant*, cui titulus: *Persistentia*, Item in alio, cui titulus: *Explicatio causæ Honorii, trium Capitulorum &c.*

Æquè infirma esse ea, quibus Doctor Steyaert, & alii nonnulli contendunt, nos Ecclesiæ per praxim suam Fideles docentis auctoritatem non agnoscere. Neque enim ad firmandam fundandamque hanc accusationem suam proferre aliud, quam quod contra id, quod Ecclesia tot sæculis practicavit, præexigamus opera pænitentia, seu præparatoria *ante absolutionem*.

Quibus verbis aut adscribere nobis velle Doctorem Steyaert, quod *ante absolutionem præexigamus* opera, quæ per modum satisfactionis pro pæna temporali post remissionem peccati restante, juxta hodiernam Ecclesiæ praxim, imponi solent verè pænitentibus, & contritis: & manifesta calumniæ est; cum notorium sit, nos palam sustinere, quod ante absolutionem peragenda non sint ejusmodi opera, sed absolutionem salutariter impendi posse omnibus verè contritis, etiam illis, qui per talia opera Deo nundum satisfecerint.

Vel nobis adscribere, quod à peccatoribus quandoque nonnulla pietatis opera præexigamus, quia ea necessaria judicamus, ut ad veram cordis conversionem proficiant, & ad contritionem saltem imperfectam, quæ ad veniam & justificationem etiam in Sacramento percipiendum omnino requiritur, debitè disponantur.

Et libenter fateri nos, eam esse sententiam nostram, sed prorsus negare eam praxi & consuetudini Ecclesiæ esse contrariam; imò persuasum habere, eam Ritualis Romani aliorumque Ritualium regulis ac menti Ecclesiæ planè conformem esse. Certè Confessariis hanc certis quibusdam casibus erga pænitentes agendi rationem valde commendasse Sanctum Carolum Borromæum, eamque vide-

re nos nostro hoc tempore à sanctissimis viris, & zelosissimis quibusque Episcopis adhuc laudari & commendari. Quin & experientia compertum, si prudenter, & cum debita circumspectione adhibeatur, pœnitentibus in primis utilem ac salutarem esse.

Cæterum se hæc omnia S. Congregationis judicio humillimè submittere paratum emendare, quidquid Sedes Apostolica fidei mater & magistra emendandum esse censuerit; hoc unum rogare, ut dum ipse judicium ejus humillimè præstolatur, eos compescere dignetur. S. Congregatio, qui omnia turbare malunt, quàm illius judicium aut expectare aut sequi.

Hæc Hennebellus in Urbe coram S. Congregatione, totâ Ecclesiâ inspectante; dum interim instabat Accusator cum suis pro condemnatione. Verùm immunis evasit *Declaratio*; & evasit tunc, cum videtur evadere nequaquam potuisse, si quid in ea displicuisset Sedi Apostolicæ.

Atque hæc satis pro Defensione nostra. Liceat etiam nunc exhibere ac denuntiare Doctrinam Accusatoris.

DOCTRINA ACCUSATORIS QUERULI DENUNTIATA.

I.

Bona praxis est, extra casum necessitatis peccatorem absolvere, etsi prius per tempus notabile vitam à criminibus non emendaverit.

Hujus propositionis doctrinam defendit, & contradictoriam accusat QUERULUS. pag. 7. & 8.

II.

Absolvi aliquis potest, etsi prius per dignos fructus pœnitentiæ vitam non emendaverit. pag. 8. & 9.

III.

Nec cuivis homini, nec Sacerdoti, extra casum justæ necessitatis, absolutio differenda est, donec vitam emendaverit. pag. 9. & 10.

IV.

Juxta ordinarias Dei leges datur peccatoribus conversio cordis

dis interna, quæ in Sacramento ad justificationem requiritur, eisi per opera pænitentiae non impetretur. pag. 11.

V.

Non exiguntur magni fletus & labores ad obtinendam remissionem culpæ mortalis & pænæ æternæ. pag. 11. & 12.

V I

Ecclesia semper censuit pænalia opera non ad remissionem culpæ, sed pænæ temporalis exigi. pag. 12.

V I I

Ne quidem in Pænitentiis solemnibus magni illi fletus & labores ante Sacramentalem absolutionem exacti fuerunt. Ibidem.

V I I I

Ordinariè non nocet Pænitenti dubiè disposito absolvi. Ibidem.

I X.

Non est justa causa dubitandi de dispositione Peccatoris, qui aliquo tempore se à peccatis continuit, & aliquo modo pænitentiam fecit. Ibidem.

X.

Non est necessaria in absolvente certitudo moralis de dispositione pænitentis. pag. 14.

X I.

Ut excusetur quis à novo peccato, dum v.g. Sacramentum Eucharistiæ suscipit, moralis illa certitudo non est necessaria. pag. 16.

X I I.

Æquum non videtur, ut cum olim Sacerdos lapsus in peccatum, nunc saltem ad tempus valdè notabile ab officii ministerio excludatur. pag. 17.

X I I I.

Talis Sacerdos ante recuperatam diuturno tempore justitiam suo officio restituendus est. pag. 18.

X I V.

Sacerdotum criminoforum non est difficilis & rara conversio. Ibid.

X V.

Credendum faciliè Sacerdotibus criminosis dum se pænitere asserunt. Ibidem.

X V I.

Reprehendendi non sunt Confessarii, qui tales Sacerdotes citò absolunt. Ibidem.

D d 2

XVII.

XVII.

Confessarius non debet in perpetuum remove ab Officio eum Pastorem, qui cum scandalo vulgi criminofus fuit: modò nunquam per sententiam condemnatus fuerit, & nunc emendatus sit pag. 20.

XVIII.

Confessarius audiens Confessionem Sacerdotis lapsi, in celebrandi aut administrandi Sacramenta necessitate constituti, non debet sequi regulam hanc, ut non alià conditione ei aut celebrationem, aut Sacramentorum administrationem permittat, quam ubi primum necessitas deserit, se ab officio suo removeat, & ad tempus notabile dignam Pœnitentiam peragat, non rediturus ad officium, nisi id expedire iudicaretur. pag. 21.

XIX.

Non debet Confessarius interrogare nomen complicitis, dum est circumstantia necessaria dici ad integritatem Confessionis. p. 23.

XX.

Non est error, affirmare in aliis locis non esse Ecclesiam, quam ubi praxis legitima in administrando Pœnitentiæ Sacramento servatur. pag. 30.

XXI.

Oportet in animum inducere, tantam Indulgentiarum profusionem, quæ passim in Confraternitatibus proponuntur, à Pontificibus verè emanasse. pag. 36.

XXII.

Non est rarissimum, quod castitas perpetualitè doceatur ab illis, qui non didicerunt ex casta vita, notabili tempore præcedente, se castitatis donum meritò à Deo expectare. pag. 39.

XXIII.

Ad libertatem requisitam ad actus fidei, spei, & charitatis, necessitas gratiæ admittatur necesse est. pag. 40.

XXIV.

Ut quis peccet non credendo, non sufficit potentia quedam remota ad credendum & amandum, talis quæ potest haberi sine gratia. pag. 41.

XXV.

Non rectè à Sanctis Patribus & Scholasticis dictum est, ut nemo potest sine luce videre, ita sine gratia efficaci nihil bene fieri posse. pag. 42.

Atque

Atque hæc est *Accusatoris Queruli* doctrina, quam Sedi Apostolicæ denuntiamus. Suam esse negare non potest, qui contrariam in nobis non accusat modò sed etiam censurat. Nos à Censuris abstinemus, sed repugnare eam Scripturæ sacræ & Traditioni, sat ostensum est supra, ubi nostram iis conformem esse probatum est. Utramque Sanctæ Sedis iudicio humillimè submittimus; & omni, quâ Romanæ Ecclesiæ filios decet, subiectione decissionem præstolabimur.

A P P R O B A T I O.

TRia genera sunt erroris quibus homines errant cum aliquid legunt, inquit *Magnus Ecclesiæ Doct̃or S. Aug. l. de util. cred. c. 4. illa si Eruditi quique, prout par est, cavissent, non tot & tantæ dissensiones inter ipsos, factiones, & scandala succrevissent; quæ mala necdum cessarunt ut patet ex hoc Scripto, quo justæ defensionis, modestè consultum est contra varias circa Alterius Scripta aberrationes; nihil contra fidem aut bonos mores occurrit, sed potiùs aliqua pro Puritate Sacerdotum, pro Castitate conjugatorum, pro Utilitate pœnitentium &c. quæ omnia cum S. Sedis iudicio submissa sint; hanc quoque super his, sub ejus beneplacito, expansam mentem meam, subiectam volo. Dabam 22. Novemb. 1698.*

JOAN. LE BEAU S. Adalberti
Curio-Decanus Exam. Synod. Leod.

